

*Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspondenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitad legala.*

## **Lescha federala davart las persunas estras e l'integraziun (LEI)<sup>1</sup>**

dals 16 da december 2005 (versiun dal 1. da december 2019)

---

*L'Assamblea federala da la Confederaziun svizra, sa basond sin l'artitgel 121 alinea 1 da la Constituziun federala<sup>2</sup>, suenter avair gi invista da la missiva dal Cussegl federal dals 8 da mars 2002<sup>3</sup>, concluda:*

### **Chapitel 1 Object e champ d'applicaziun**

#### **Art. 1 Object**

Questa lescha regla l'entrada en Svizra e la partenza da la Svizra, la dimora sco er la reuniun da la famiglia da persunas estras en Svizra. Plinavant regla ella la promozion da lur integraziun.

#### **Art. 2 Champ d'applicaziun**

<sup>1</sup> Questa lescha vala per persunas estras, uschenavant ch'i na vegnan applitgadas naginas autras disposiziuns dal dretg federal u da contracts internaziunals ch'èn vegnids concludids da la Svizra.

<sup>2</sup> Per persunas ch'èn burgaisas dals stadis commembers da la Communitad europeica (CE), per lur confamigliars e per lavurants che vegnan tramess en Svizra da patruns che han lur domicil u lur sedia en in da quels stadis vala questa lescha mo, uschenavant che la Cunvegna dals 21 da zercladur 1999<sup>4</sup> tranter la Confederaziun svizra d'ina vart e la Communitad europeica e ses stadis commembers da l'autra vart davart la libra circulaziun da persunas na cuntegna naginas disposiziuns divergentas u uschenavant che questa lescha prevesa disposiziuns pli favuraivlas.

AS 2007 5437

<sup>1</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>2</sup> SR 101

<sup>3</sup> BBI 2002 3709

<sup>4</sup> SR 0.142.112.681

<sup>3</sup> Per persunas ch'èn burgaisas dals stadis commembers da l'Associaziun europeica da commerzi liber (AECL), per lur confamigliars per lavurants che vegnan tramess en Svizra da patruns che han lur domicil u lur sedia en in da quels stadis vala questa lescha mo, uschenavant che la Cunvegna dals 21 da zercladur 2001<sup>5</sup> per midar la Convenziun per la fundaziun da l'Associaziun europeica da commerzi liber na cuntegna naginas disposiziuns divergentas u uschenavant che questa lescha prevesa disposiziuns pli favuraivlas.

<sup>4</sup> Las disposiziuns davart la procedura da visums, davart l'entrada en Svizra e davart la partenza da la Svizra valan mo, uschenavant che las cunvegnas d'associaziun a la reglamentaziun da Schengen na cuntengan naginas disposiziuns divergentas.<sup>6</sup>

<sup>5</sup> Las cunvegnas d'associaziun a la reglamentaziun da Schengen èn inditgadas en l'aggiunta 1 cifra 1.7

## Chapitel 2 Principi da l'admissiun e da l'integraziun

### Art. 3 Admissiun

<sup>1</sup> L'admissiun da persunas estras cun activitad da gudogn succeda en l'interess da l'economia generala; decisivas èn las schanzas per ina integraziun persistenta en il martgà da lavur svizzer sco er l'ambient social. Ils basegns culturals e scientifics da la Svizra vegnan resguardads adequatamain.

<sup>2</sup> Persunas estras vegnan medemamain admessas, sche obligaziuns internaziunalas, sche motivs umanitars u la reuniun da la famiglia pretendan quai.

<sup>3</sup> Tar l'admissiun da persunas estras vegn tegnì quint dal svilup demografic e social da la Svizra.

### Art. 4 Integraziun

<sup>1</sup> La finamira da l'integraziun è la convivenza da la populaziun indigena ed estra sin basa da las valurs da la Constituziun federala sco er sin basa dal respect vicendaivel e da la toleranza vicendaivla.

<sup>2</sup> L'integraziun duai pussibilitar a persunas estras che han ina dimora durabla e legala en Svizra da prender part da la vita economica, sociala e culturala da la societad.

<sup>3</sup> L'integraziun premetta tant la voluntad correspondententa da las persunas estras sco er l'avertadad da la populaziun svizra.

<sup>5</sup> SR **0.632.31**; per la relaziun tranter la Svizra ed il Liechtenstein vala il Protocol dals 21 da zer. 2001 ch'è ina part integrala da la cunvegna.

<sup>6</sup> Integrà tras l'art. 127 LEI (AS **2008** 5405 art. 2 lit. a). Versiun tenor la cifra I da la LF dals 13 da zer. 2008 (cumplettaziuns en il rom da la realisaziun da las cunvegnas d'associaziun a la reglamentaziun da Schengen e da Dublin), en vigur dapi ils 12 da dec. 2008 (AS **2008** 5407 5405 art. 2 lit. c; BBI **2007** 7937).

<sup>7</sup> Integrà tras la cifra I da la LF dals 13 da zer. 2008 (cumplettaziuns en il rom da la realisaziun da las cunvegnas d'associaziun a la reglamentaziun da Schengen e da Dublin), en vigur dapi ils 12 da dec. 2008 (AS **2008** 5407 5405 art. 2 lit. c; BBI **2007** 7937).

<sup>4</sup> Per las personas estras èsi indispensabel da sa famigliarisar cun las relaziuns socialas e cun las cundiziuns da viver en Svizra e d'emprender cunzunt ina lingua nazionala.

### Chapitel 3 Entrada en Svizra e partenza da la Svizra

#### Art. 5 Premissas per entrar en Svizra

<sup>1</sup> Personas estras che vulan entrar en Svizra:

- a. ston avair in document da legitimaziun ch'è reconuschì per passar sur il cunfin e ston avair in visum, sche quai è necessari;
- b. ston avair ils meds finansials ch'èn necessariis per la dimora;
- c. na dastgan betg esser in privel per la segirezza publica e per l'urden public sco er per las relaziuns internaziunalas da la Svizra; e
- d.<sup>8</sup> na dastgan betg esser pertutgadas d'ina mesira d'allontanament u d'ina expulsium tenor l'artitgel 66a u 66a<sup>bis</sup> dal Cudesch penal (CP)<sup>9</sup> u tenor l'artitgel 49a u 49a<sup>bis</sup> da la Lescha penala militara dals 13 da zercladur 1927<sup>10</sup> (LPM).

<sup>2</sup> Sch'igl è previs mo ina dimora temporara, ston ellas dar la garanzia ch'ellas partan puspè da la Svizra.

<sup>3</sup> Per motivs umanitars, per motivs da l'interess naziunal u pervia d'obligaziuns internaziunalas po il Cussegl federal prevair excepziuns da las premissas per entrar en Svizra tenor l'alineia 1.<sup>11</sup>

<sup>4</sup> Il Cussegl federal determinescha ils documents da legitimaziun ch'èn reconuschids per passar sur il cunfin.<sup>12</sup>

#### Art. 6 Emissiun dal visum

<sup>1</sup> Per incumbensa da l'autoridad federala u chantunala cumpetenta vegn il visum emess da la represchentanza svizra a l'exteriur u d'ina outra autoridad che vegn designada dal Cussegl federal.

<sup>2</sup> Sch'il visum per ina dimora, per la quala i na sto betg vegnir dumandada ina permissiun (art. 10), vegn refusà, decretescha la represchentanza estra – tut tenor il champ da cumpetenza – en num dal Secretariat da stadi per migraziun (SEM)<sup>13</sup> u dal Departament federal d'affars exteriurs (DFAE) ina disposiziun cun agid d'in formu-

<sup>8</sup> Versiun tenor la cifra IV 3 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

<sup>9</sup> SR 311.0

<sup>10</sup> SR 321.0

<sup>11</sup> Versiun tenor la cifra I da la LF dals 21 da zer. 2019, en vigur dapi il 1. da dec. 2019 (AS 2019 3539; BBI 2019 175).

<sup>12</sup> Versiun tenor l'art. 127 LEL, en vigur dapi ils 12 da dec. 2008 (AS 2008 5405 art. 2 lit. a).

<sup>13</sup> La designaziun da l'unitad administrativa è vegnida adattada per il 1. da schan. 2015 applitgond l'art. 16 al. 3 da l'Ordinaziun dals 17 da nov. 2004 davart las publicaziuns uffizialas (AS 2004 4937). Questas adattaziuns èn vegnidas fatgas en tut il text.

lar. Il Cussegl federal po prevar ch' auters posts dal DFAE dastgian medemamain decretar disposiziuns en num dal DFAE.<sup>14</sup>

<sup>2bis</sup> Cunter ina disposiziun tenor l' alinea 2 poi vegnir fatg protesta en scrit tar l' insanza disponenta (SEM u DFAE) entaifer 30 dis. L' artigel 63 da la Lescha federala dals 20 da december 1968<sup>15</sup> davart la procedura administrativa vala tenor il senn.<sup>16</sup>

<sup>3</sup> Per cuvrir eventuals custs da dimora, d' assistenza e da return pon vegnir dumanads ina decleraziun d' obligaziun d' ina durada limitada, il deposit d' ina cauziun u autras segirezzas.<sup>17</sup>

**Art. 7<sup>18</sup>** Passar sur il cunfin e controllas da cunfin

<sup>1</sup> L' entrada en Svizra e la partenza da la Svizra sa drizzan tenor las cunvegns d' associaziun a la reglamentaziun da Schengen.

<sup>2</sup> Il Cussegl federal regla al cunfin las controllas da persunas ch' èn pussaivlas tenor questas cunvegns. Sche l' entrada en Svizra vegn refusada, decretescha l' autoritad ch' è competenta per la controlla da cunfin ina disposiziun da spedita tenor l' artigel 64.<sup>19</sup>

<sup>3</sup> Sche las controllas al cunfin svizzer tenor ils artigels 27, 28 u 29 dal Codex da cunfin tenor Schengen<sup>20</sup> vegnan reintroducidas temporarmain e sche l' entrada en Svizra vegn refusada, decretescha l' autoritad ch' è competenta per la controlla da cunfin ina disposiziun motivada e contestabla sin il formular tenor l' agiunta V part B dal Codex da cunfin tenor Schengen. La refusa d' entrar en Svizra po vegnir exequida immediatamain. In recurs n' ha betg in effect suspensiv.<sup>21</sup>

<sup>14</sup> Versiun tenor la cifra I da la LF dals 20 da zer. 2014 (violaziun da l' obligaziun da diligenza e d' annunzia tras las interpresas d' aviatica; sistems d' infurmaziun), en vigur dapi il 1. d' oct. 2015 (AS 2015 3023; BBI 2013 2561).

<sup>15</sup> SR 172.021

<sup>16</sup> Integrà tras l' art. 2 cifra 1 dal COF dals 11 da dec. 2009 (approvaziun e realisaziun dals barats da notas concernent il sistem d' infurmaziun per ils visums; AS 2010 2063; BBI 2009 4245). Versiun tenor la cifra I da la LF dals 20 da zer. 2014 (violaziun da l' obligaziun da diligenza e d' annunzia tras las interpresas d' aviatica; sistems d' infurmaziun), en vigur dapi il 1. d' oct. 2015 (AS 2015 3023; BBI 2013 2561).

<sup>17</sup> Versiun tenor l' art. 127 LEI, en vigur dapi ils 12 da dec. 2008 (AS 2008 5405 art. 2 lit. a).

<sup>18</sup> Versiun tenor l' art. 127 LEI, en vigur dapi ils 12 da dec. 2008 (AS 2008 5405 art. 2 lit. a).

<sup>19</sup> Versiun tenor l' art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>20</sup> Ordinaziun (UE) 2016/399 dal Parlament europeic e dal Cussegl dals 9 da mars 2016 davart in Codex cuminaivel per il surpassament dal cunfin tras persunas (Codex da cunfin tenor Schengen), ABl. L 77 dals 23 da mars 2016, p. 1; midà l' ultima giada tras l' Ordinaziun (UE) 2017/458, ABl. L 74 dals 18 da mars 2017, p. 1.

<sup>21</sup> Integrà tras l' art. 2 dal COF dals 13 da zer. 2008 davart l' approvaziun e la realisaziun dal barat da notas tranter la Svizra e la Communitad europeica concernent la surpigliada dal Codex da cunfin tenor Schengen (AS 2008 5629 5405 art. 2 lit. b). Versiun tenor la cifra 1 da l' agiunta dal COF dals 15 da dec. 2017 (surpigliada da l' Ordinaziun [UE] 2016/1624 davart la Guardia europeica da cunfin e da costa), en vigur dapi ils 15 da sett. 2018 (AS 2018 3161; BBI 2017 4155).

**Art. 8<sup>22</sup>****Art. 9**           Cumpetenza per la controlla da cunfin

<sup>1</sup> Sin lur territori suveran exequeschan ils chantuns la controlla da personas.

<sup>2</sup> En encliegentscha cun ils chantuns da cunfin regla il Cussegl federal la controlla da personas tras la Confederaziun en il territori da cunfin.

**Chapitel 4   Obligaziun da dumandar ina permissiun e d'annunzia****Art. 10**           Obligaziun da dumandar ina permissiun per ina dimora senza activitad da gudogn

<sup>1</sup> Per ina dimora senza activitad da gudogn fin a 3 mais na basegnan personas estras betg ina permissiun; sch'il visum cuntegna ina durada pli curta da la dimora, vala quella.

<sup>2</sup> Sche la persuna estra prevesa ina dimora pli lunga senza activitad da gudogn, basegna ella ina permissiun che sto vegnir dumandada tar l'autoritad cumpetenta, e quai avant che entrar en Svizra. L'artigel 17 alinea 2 resta resalvà.

**Art. 11**           Obligaziun da dumandar ina permissiun per ina dimora cun activitad da gudogn

<sup>1</sup> Personas estras che vulan pratitgar in'activitad da gudogn en Svizra basegnan ina permissiun, e quai independentamain da la durada da la dimora. Questa permissiun sto vegnir dumandada tar l'autoritad ch'è cumpetenta al lieu da lavur previs.

<sup>2</sup> Sco activitad da gudogn vala mintga activitad dependenta u independenta che vegn normalmain pratigada cunter indemnizaziun, er sche questa activitad da gudogn succeda gratuitamain.

<sup>3</sup> En cas d'ina activitad da gudogn dependenta sto la permissiun vegnir dumandada tras il patrun.

**Art. 12**           Obligaziun d'annunzia

<sup>1</sup> Personas estras che basegnan ina permissiun da dimora curta, ina permissiun da dimora u ina permissiun da domicil ston s'annunziar tar l'autoritad ch'è cumpetenta al lieu da domicil en Svizra, e quai avant che la dimora, che na basegna betg ina permissiun, scada u avant che cumenzar cun in'activitad da gudogn.

<sup>2</sup> Personas estras ston s'annunziar tar l'autoritad ch'è cumpetenta al nov lieu da domicil, sch'ellas dischlocheschan en in'otra vischianza u en in auter chantun.

<sup>3</sup> Il Cussegl federal fixescha ils termins d'annunzia.

<sup>22</sup> Aboli per ils 12 da dec. 2008 tras l'art. 127 LEI, cun effect dapi ils 12 da dec. 2008 (AS 2008 5405 art. 2 lit. a).

**Art. 13** Procedura da permissiun e d'annunzia

<sup>1</sup> Tar l'annunzia ston personas estras preschentar in document da legitimaziun valai-vel. Il Cussegl federal determinescha las excepziuns ed ils documents da legitima-ziun reconuschids.

<sup>2</sup> L'autorità cumpetenta po pretender in extract dal register penal dal stadi da derivanza u dal stadi d'origin sco er ulteriurs documents ch'èn necessariis per la pro-cedura.

<sup>3</sup> L'annunzia dastga succeder pir, cur che tut ils documents che vegnan designads da l'autorità cumpetenta e ch'èn necessariis per conceder la permissiun èn avant maun.

**Art. 14** Divergenzas da l'obligaziun da dumandar ina permissiun e da l'obligaziun d'annunzia

Il Cussegl federal po decretar disposiziuns pli favuraivlas davart l'obligaziun da dumandar ina permissiun e davart l'obligaziun d'annunzia, cunzunt per facilitar ser-vetschs transcunfinals temporars.

**Art. 15** Annunziar la partenza

Persunas estras che han ina permissiun ston annunziar lur partenza tar l'autorità ch'è cumpetenta al lieu da domicil, sch'ellas dischlocheschan en in'otra vischnan-ca, en in auter chantun u a l'exteriur.

**Art. 16** Obligaziun d'annunzia tar in alloschi professiunal

Tgi che dat professiunalmain alloschi a personas estras, las sto annunziar a l'autori-tad chantunala cumpetenta.

**Art. 17** Regulaziun da la dimora fin a la decisiun da permissiun

<sup>1</sup> Personas estras ch'èn entradas legalmain en Svizra per ina dimora temporara e che dumondan pli tard ina permissiun per ina dimora durabla ston spetgar la decisiun da l'exteriur.

<sup>2</sup> Sche las premissas d'admissiun vegnan ademplidas evidentamain, po l'autorità chantunala cumpetenta permetter la dimora durant la procedura.

**Chapitel 5 Premissas d'admissiun****Partiziun 1 Admissiun ad ina dimora cun activitad da gudogn****Art. 18** Pratitgar in'activitad da gudogn dependenta

Persunas estras pon vegnir admessas per pratitgar in'activitad da gudogn dependen-ta, sche:

- a. quai correspunda a l'interess da l'economia generala;
- b. la dumonda d'in patrun è avant maun; e
- c. las premissas tenor ils artitgels 20–25 èn ademplidas.

**Art. 19** Pratitgar in'activitad da gudogn independenta

Persunas estras pon vegnir admessas per pratitgar in'activitad da gudogn independenta, sche:

- a. quai correspunda a l'interess da l'economia generala;
- b. las premissas necessarias areguard las finanzas ed areguard il manaschi vegnan ademplidas;
- c.<sup>23</sup> igl è avant maun ina basa d'existenza suffizienta ed autonoma; e
- d.<sup>24</sup> las premissas tenor ils artitgels 20 e 23–25 èn ademplidas.

**Art. 20** Mesiras da limitaziun

<sup>1</sup> Il Cussegl federal po limitar il dumber da las emprimas permissiuns da dimora curta e da dimora (art. 32 e 33) per pratitgar in'activitad da gudogn. L'emprim taidla el ils chantuns ed ils partenaris socials.

<sup>2</sup> El po fixar dumbers maximalis per la Confederaziun e per ils chantuns.

<sup>3</sup> En il rom dals dumbers maximalis da la Confederaziun po il SEM decretar disposiziuns per emprimas permissiuns da dimora curta e da dimora ubain augmentar ils dumbers maximalis chantunals. En quest connex resguarda el ils basegns dals chantuns e l'interess da l'economia generala.

**Art. 21** Prioritad

<sup>1</sup> Persunas estras pon mo vegnir admessas per pratitgar in'activitad da gudogn, sch'i vegn cumprovà ch'i n'è betg pussaivel da chattar lavurants indigens u persunas ch'èn burgaisas da stadis, cun ils quals igl è vegnida fatga ina cunvegna davart la libra circulaziun, che fissan adattads per questa activitad.

<sup>2</sup> Sco sco lavurants indigens valan:

- a. persunas svizas;
- b. persunas cun ina permissiun da domicil;
- c. persunas cun ina permissiun da dimora che permetta da pratitgar in'activitad da gudogn;

<sup>23</sup> Versiun tenor la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da persunas), en vigur dapi il 1. da fan. 2018 (AS 2018 733; BBI 2016 3007).

<sup>24</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da persunas), en vigur dapi il 1. da fan. 2018 (AS 2018 733; BBI 2016 3007).

d.<sup>25</sup> persunas admessas provisoricamain;

e.<sup>26</sup> persunas che han survegnì protecziun provisorica e che possedan ina permissiun per pratigar in'activitad da gudogn.

<sup>3</sup> Persunas estras che han in diplom svizzer da scola auta pon – en divergenza da l'aleina 1 – vegnir admessas, sche lur activitad da gudogn è d'in grond interess per la scienza u per l'economia. Suenter ch'ellas han terminà lur scolaziun u lur furmaziun supplementara, vegnan ellas admessas provisoricamain en Svizra per ina perioda da 6 mais per chattar in'activitad da gudogn correspondent.<sup>27</sup>

**Art. 21a**<sup>28</sup> Mesiras per persunas che tschertgan ina piazza

<sup>1</sup> Il Cussegl federal fixescha mesiras per exaurir il potenzial dal martgà da lavur svizzer. L'emprim taidla el ils chantuns ed ils partenaris socials.

<sup>2</sup> Sche la dischoccupaziun sa chatta en tschertas gruppas professiunalas, en tscherts champs d'activitad u en tschertas regiuns economicas sur la media, ston vegnir prendidas mesiras d'ina durada limitada per promover las persunas ch'èn registradas tar l'intermediaziun publica da lavur sco persunas che tschertgan ina piazza. Las mesiras pon vegnir limitadas a singulas regiuns economicas.

<sup>3</sup> En las gruppas professiunalas, en ils champs d'activitad u en las regiuns economicas che han ina dischoccupaziun sur la media ston ils patrons annunziar las piazzas libras a l'intermediaziun publica da lavur. L'access a las infurmaziuns davart las piazzas annunziadas vegn restrenschì durant in temp limità a las persunas ch'èn annunziadas tar l'intermediaziun publica da lavur en Svizra.

<sup>4</sup> L'intermediaziun publica da lavur metta a disposiziun als patrons entaifer curt temp dossiers adequats da las persunas annunziadas che tschertgan ina piazza. Il patron envida ils candidats adattads ad in discurs da preschentaziun u ad in'examinaziun da la qualificaziun. Ils resultats ston vegnir communitgads a l'intermediaziun publica da lavur.

<sup>5</sup> Sche piazzas libras tenor l'aleina 3 vegnan occupadas cun persunas che tschertgan ina piazza e ch'èn annunziadas tar l'intermediaziun publica da lavur, na ston las piazzas libras betg vegnir annunziadas a l'intermediaziun publica da lavur.

<sup>25</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da persunas), en vigur dapi il 1. da fan. 2018 (AS 2018 733; BBl 2016 3007).

<sup>26</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da persunas), en vigur dapi il 1. da fan. 2018 (AS 2018 733; BBl 2016 3007).

<sup>27</sup> Integrà tras la cifra I da la LF dals 18 da zer. 2010 (admissiun facilitada da persunas estras che han in diplom svizzer da scola auta), en vigur dapi il 1. da schan. 2011 (AS 2010 5957; BBl 2010 427 445).

<sup>28</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da persunas), en vigur dapi il 1. da fan. 2018 (AS 2018 733; BBl 2016 3007).



<sup>6</sup> Il Cussegl federal po fixar ulteriuras excepziuns da l'obligaziun d'annunziar plazzas libras tenor l'aleina 3, en spezial per tegnair quint da la situaziun speziala d'interpresas da famiglia u areguard personas che han lavurà gia pli baud tar il medem patrun; avant che decretar las disposiziuns executivas taidla el ils chantuns ed ils partenaris socials. Plinavant emetta el periodicamain glistas cun gruppas professiunalas e cun champs d'activitad che han ina dischoccupaziun sur la media e ch'èn suttaless a l'obligaziun d'annunziar plazzas libras.

<sup>7</sup> Sche las premissas tenor l'aleina 2 èn ademplidas, po in chantun dumandar il Cussegl federal da pudair introducir in'obligaziun d'annunziar plazzas libras.

<sup>8</sup> Sche las mesiras tenor ils alineas 1–5 na portan betg l'effect giavischà u sch'i resultan novs problems, suttaetta il Cussegl federal mesiras supplementaras a l'Assamblea federala, suenter avair tadlà ils chantuns ed ils partenaris socials. En cas da problems considerabels, en spezial da tals che vegnan chaschunads tras cunfinaris, po in chantun dumandar il Cussegl federal per ulteriuras mesiras.

#### **Art. 22** Cundiziuns da salari e da lavur

Persunas estras pon mo vegnir admessas per pratitgar in'activitad da gudogn, sche las cundiziuns da salari e da lavur ch'èn usitadas al lieu, en la professiun ed en la branscha vegnan observadas.

#### **Art. 23** Premissas personalas

<sup>1</sup> Permissiuns da dimora curta e da dimora per pratitgar in'activitad da gudogn pon vegnir concedidas mo al cader, a spezialists ed ad auters lavurants qualificgads.

<sup>2</sup> Tar la concessiun da permissiuns da dimora ston ultra da quai la qualificaziun professiunala, l'abilitad da s'adattar en la professiun ed en la societad, las enconuschientschas linguisticas e la vegliadetgna laschar spetgar ina integraziun persistenta en il martgà da lavur svizzer ed en l'ambient social.

<sup>3</sup> En divergenza dals alineas 1 e 2 pon vegnir admess:

- a. investiders ed interprendiders che mantegnan plazzas da lavur u che stgaffeschon novas plazzas da lavur;
- b. personas reconuschidas da la scienza, da la cultura e dal sport;
- c. personas cun enconuschientschas u cun abilitads professiunalas spezialas, sch'il basegn per lur admissiun è cumprovà;
- d. personas en il rom dal transfer dal cader d'interpresas ch'èn activas sin plaun internaziunal;
- e. personas, da las qualas l'activitad en Svizra è indispensabla en il rom da relaziuns da fatschenta internaziunalas ch'èn impurtantas per l'economia.

#### **Art. 24** Abitaziun

Persunas estras pon mo vegnir admessas per pratitgar in'activitad da gudogn, sch'ellas disponan d'ina abitaziun che corresponda als basegns.

**Art. 25** Admissiun da cunfinaris

<sup>1</sup> Persunas estras pon mo vegnir admessas per pratitgar in'activitad da gudogn sco cunfinaris, sche:

- a. ellas han in dretg da dimora durabel en in stadi vischin ed han lur lieu da domicil dapi almain 6 mais en la zona da cunfin vischina; e
- b. ellas han in'activitad da gudogn entaifer la zona da cunfin svizra.

<sup>2</sup> Ils artitgels 20, 23 e 24 n'èn betg applitgabels.

**Art. 26** Admissiun per servetschs transcunfinals

<sup>1</sup> Persunas estras pon mo vegnir admessas per furnir in servetsch transcunfinal temporar, sche lur activitad corresponda a l'interess da l'economia generala.

<sup>2</sup> Las premissas dals artitgels 20, 22 e 23 valan tenor il senn.

**Art. 26a<sup>29</sup>** Admissiun da persunas d'assistenza e d'instrucziun

<sup>1</sup> Persunas estras pon survegnir l'admissiun da pratitgar in'activitad da gudogn sco persunas d'assistenza u d'instrucziun religiusas ubain sco persunas che instrueschan la lingua e la cultura da la patria, sch'ellas adempleschan, ultra da las premissas tenor ils artitgels 18–24, las suandantas cundiziuns:

- a. ellas enconuschan il sistem da valurs socialas e giuridicas da la Svizra ed èn ablas d'intermediar questas enconuschientschas a las persunas estras ch'ellas assistan; e
- b. ellas san communitgar en la lingua naziunala discurrida al lieu da lavur.

<sup>2</sup> Per conceder permissiuns da dimora curta pon las autoritads cumpetentas divergiar da la premissa tenor l'alinea 1 litera b.

**Partizium 2 Admissiun ad ina dimora senza activitad da gudogn****Art. 27** Scolaziun e furnaziun supplementara

<sup>1</sup> Persunas estras pon vegnir admessas per ina scolaziun u per ina furnaziun supplementara, sche:<sup>30</sup>

- a. la direcziun da la scola conferma ch'ellas possian cumenzar cun la scolaziun u cun la furnaziun supplementara;
- b. in alloschi che corresponda als basegns stat a disposiziun;
- c. ils meds finansials necessaris èn avant maun; e

<sup>29</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>30</sup> Versiun tenor la cifra I da la LF dals 18 da zer. 2010 (admissiun facilitada da persunas estras che han in diplom svizzer da scola auta), en vigur dapi il 1. da schan. 2011 (AS 2010 5957; BBl 2010 427 445).

d.<sup>31</sup> ellas adempleschan las premissas persunalas e las premissas areguard la furnaziun per far la scolaziun u la furnaziun supplementara previsa.

<sup>2</sup> Tar personas minorennas sto l'assistenza esser garantida.

<sup>3</sup> Sche la scolaziun u la furnaziun supplementara è vegnida terminada u smessa, sa drizza l'ulteriura dimora en Svizra tenor las premissas d'admissiun generalas da questa lescha.<sup>32</sup>

#### **Art. 28**           Persunas pensiunadas

Persunas estras che n'han betg pli in'actividad da gudogn pon vegnir admessas, sch'ellas:

- a. han cuntanschi ina vegliadetgna minimala che vegn fixada dal Cussegl federal;
- b. han relaziuns persunalas spezialas cun la Svizra; e
- c. disponan dals meds finansials necessaris.

#### **Art. 29**           Tractament medicinal

Persunas estras pon vegnir admessas per tractaments medicinal. La finanziaziun e la partenza da la Svizra ston esser garantidas.

#### **Art. 29a**<sup>33</sup>       Tschertga d'ina piazza

Persunas estras che sa trategnan en Svizra mo per tschertgar ina piazza sco er lur confamgliars n'han nagin dretg d'agid social.

### **Partiziun 3   Divergenzas da las premissas d'admissiun**

#### **Art. 30**

<sup>1</sup> Da las premissas d'admissiun (art. 18–29) po vegnir divergià per:

- a. reglar l'actividad da gudogn da las personas estras ch'èn vegnidas admessas en il rom da la reuniun da la famiglia, sch'i n'exista nagin dretg da pratitgar in'actividad da gudogn (art. 46);
- b. tegnair quint da cas da direzza persunals gravants u d'interess publics impurtants;
- c. reglar la dimora d'uffants confidads;

<sup>31</sup> Versiun tenor la cifra I da la LF dals 18 da zer. 2010 (admissiun facilitada da personas estras che han in diplom svizzer da scola auta), en vigur dapi il 1. da schan. 2011 (AS 2010 5957; BBI 2010 427 445).

<sup>32</sup> Integrà tras la cifra I da la LF dals 18 da zer. 2010 (admissiun facilitada da personas estras che han in diplom svizzer da scola auta), en vigur dapi il 1. da schan. 2011 (AS 2010 5957; BBI 2010 427 445).

<sup>33</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da personas), en vigur dapi il 1. da fan. 2018 (AS 2018 733; BBI 2016 3007).

- d. proteger personas cunter explotaziun, sche quellas personas èn periclitadas spezialmain en connex cun lur activitad da gudogn;
  - e.<sup>34</sup> reglar la dimora da victimas e da perditgas dal commerzi cun umans sco er da personas che collavureschan cun las autoritads da persecuziun penala en il rom d'in program per la protecziun da perditgas da la Svizra u da l'exteriur u d'in Tribunal penal internaziunal;
  - f. pussibilitar dimoras en il rom da projects d'agid e da svilup per la collavuraziun economica e tecnica;
  - g.<sup>35</sup> facilitar il barat economic, scientific e cultural internaziunal sco er la scolaiziun professiunala e la furmaziun supplementara professiunala;
  - h. simplifitgar – per motivs dal manaschi – il transfer da personas che appartegnan al cader superiur e da spezialists indispensabels en interpresas ch'èn activas sin plaun internaziunal;
  - i.<sup>36</sup> ...
  - j. pussibilitar ina dimora da furmaziun supplementara en Svizra ad emploiads au pair che vegnan intermediads d'ina organisaziun renconuschida;
  - k. facilitar la readmissiun da personas estras che possedeven ina permissiun da dimora u da domicil;
  - l. reglar l'activitad da gudogn sco er la participaziun a programs d'occupaziun da requirents d'asil (art. 43 da la Lescha d'asil dals 26 da zercladur 1998<sup>37</sup>, LAsil), da personas admissas provisoricamain (art. 85) e da personas che basegnan protecziun (art. 75 LAsil).
- <sup>2</sup> Il Cussegl federal fixescha las cundiziuns generalas e regla la procedura.

## Partiziun 4 Personas senza naziunalitad

### Art. 31

<sup>1</sup> Ina persuna che vegn renconuschida da la Svizra sco persuna senza naziunalitad ha il dretg da survegnir ina permissiun da dimora en il chantun, en il qual ella sa trategna legalmain.

<sup>2</sup> Sche la persuna senza naziunalitad ademplescha ils causals tenor l'artitgel 83 alinea 7, vegnan applitgadas las disposiziuns davart las personas admissas provisoricamain tenor l'artitgel 83 alinea 8.

<sup>34</sup> Versiun tenor la cifra 1 da l'aggiunta da la LF dals 23 da dec. 2011 davart la protecziun da perditgas ordaifer las proceduras, en vigur dapi il 1. da schan. 2013 (AS **2012** 6715; BBl **2011** 1).

<sup>35</sup> Versiun tenor la cifra 1 da l'aggiunta da la LF dals 20 da zer. 2014 davart il perfecziunament, en vigur dapi il 1. da schan. 2017 (AS **2016** 689; BBl **2013** 3729).

<sup>36</sup> Aboli tras la cifra I da la LF dals 18 da zer. 2010 (admissiun facilitada da personas estras che han in diplom svizzer da scola auta), cun effect dapi il 1. da schan. 2011 (AS **2010** 5957; BBl **2010** 427 445).

<sup>37</sup> SR **142.31**

<sup>3</sup> Personas senza naziunalitad tenor ils alineas 1 e 2 sco er personas senza naziunalitad ch'èn pertutgadas d'ina expulsion legalmain valaivla tenor l'artitgel 66a u 66a<sup>bis</sup> CP<sup>38</sup> u tenor l'artitgel 49a u 49a<sup>bis</sup> LPM<sup>39</sup>, dastgan pratitgar in'activitad da gudogn en l'entira Svizra. L'artitgel 61 LAsil<sup>40</sup> vala tenor il senn.<sup>41</sup>

## Chapitel 6 Regulaziun da la dimora

### Art. 32 Permissiun da dimora curta

<sup>1</sup> La permissiun da dimora curta vegn concedida per dimoras d'ina durada limitada fin ad 1 onn.

<sup>2</sup> Ella vegn concedida per in tschert intent da dimora e po vegnir colliada cun ulteriuras cundiziuns.

<sup>3</sup> Ella po vegnir prolungada fin ad ina durada totala da 2 onns. La piazza po vegnir midada mo per motivs impurtants.

<sup>4</sup> La permissiun da dimora curta po vegnir concedida danovamain, suenter che la dimora en Svizra è vegnida interrutta adequatamain.

### Art. 33 Permissiun da dimora

<sup>1</sup> La permissiun da dimora vegn concedida per dimoras d'ina durada da passa 1 onn.

<sup>2</sup> Ella vegn concedida per in tschert intent da dimora e po vegnir colliada cun ulteriuras cundiziuns.

<sup>3</sup> Ella ha ina durada limitada e po vegnir prolungada, sch'i n'èn avant maun nagins motivs da revocaziun tenor l'artitgel 62 alinea 1<sup>42</sup>.

<sup>4</sup> En cas da la concessiun e da la prolungaziun da la permissiun da dimora vegn resguardada l'integraziun da la persuna pertutgada per fixar la durada da la valaivladad.<sup>43</sup>

<sup>5</sup> La permissiun da dimora po vegnir concedida e prolungada sut la cundiziun ch'i vegnia concludida ina cunvegna d'integraziun, sch'igl è avant maun in basegn d'integraziun spezial tenor ils criteris da l'artitgel 58a.<sup>44</sup>

<sup>38</sup> SR 311.0

<sup>39</sup> SR 321.0

<sup>40</sup> SR 142.31

<sup>41</sup> Versiun tenor la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>42</sup> Expressiun tenor la cifra IV 3 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721). Questa midada è vegnida resguardada en l'entir decret.

<sup>43</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>44</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

**Art. 34** Permissiun da domicil

<sup>1</sup> La permissiun da domicil vegn concedida per ina durada illimitada e senza cundiziuns.

<sup>2</sup> A persunas estras po la permissiun da domicil vegnir concedida, sche:

a. ellas èn sa trategnidas en Svizra cun ina permissiun da dimora curta u cun ina permissiun da dimora durant totalmain almain 10 onns ed èn stadas nuninterruttamain en possess d'ina permissiun da dimora durant ils ultims 5 onns; e

b.<sup>45</sup> i n'èn avant maun nagins motivs da revocaziun tenor ils artitgels 62 u 63 alinea 2; e

c.<sup>46</sup> ellas èn integradas.

<sup>3</sup> La permissiun da domicil po vegnir concedida suenter ina dimora pli curta, sche motivs impurtants giustifitgeschan quai.

<sup>4</sup> A persunas estras che adempleschan las premissas tenor l'alinea 2 literas b e c e che san communitgar bain en la lingua naziunala discurrda al lieu da domicil, po vegnir concedida la permissiun da domicil gia suenter ina dimora nuninterrutta durant ils ultims 5 onns sin basa d'ina permissiun da dimora.<sup>47</sup>

<sup>5</sup> Dimoras temporaras na vegnan betg messas a quint a la dimora nuninterrutta durant ils ultims 5 onns tenor ils alineas 2 litera a e 4. Dimoras per ina scolaziun u per ina furmaziun supplementara (art. 27) vegnan messas a quint, sche la persuna pertutgada è – suenter ch'ella ha terminà la scolaziun u la furmaziun supplementara – stada 2 onns nuninterruttamain en possess d'ina permissiun per ina dimora durabla.<sup>48</sup>

<sup>6</sup> Sche la permissiun da domicil tenor l'artitgel 63 alinea 2 è vegnida revocada e remplazzada tras ina permissiun da dimora, po la permissiun da domicil vegnir concedida da nov il pli baud suenter 5 onns, premiss che la persuna estra saja s'integrada bain en il fratemp.<sup>49</sup>

**Art. 35** Permissiun da cunfinaris

<sup>1</sup> La permissiun da cunfinaris vegn concedida per pratitgar in'activad da gudogn en ina zona da cunfin (art. 25).

<sup>2</sup> Persunas cun ina permissiun da cunfinaris ston returnar almain ina giada per emna a lur lieu da domicil a l'exteriur; la permissiun da cunfinaris po vegnir colliada cun ulteriuras cundiziuns.

<sup>45</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>46</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>47</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>48</sup> Versiun tenor la cifra I da la LF dals 18 da zer. 2010 (admissiun facilitada da persunas estras che han in diplom svizzer da scola auta), en vigur dapi il 1. da schan. 2011 (AS 2010 5957; BBl 2010 427 445).

<sup>49</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>3</sup> Ella ha ina durada limitada e po vegnir prolungada.

<sup>4</sup> Suenten in'activitad da gudogn nuninterrutta da 5 onns exista in dretg da prolongar la permissiun da cunfinaris, sch'i n'èn avant maun nagins motivs da revocaziun tenor l'artitgel 62 alinea 1.

#### **Art. 36** Lieu da domicil

Persunas cun ina permissiun da dimora curta, cun ina permissiun da dimora u cun ina permissiun da domicil pon tschermer libramain lur lieu da domicil entaifer quel chantun che ha concedì la permissiun.

#### **Art. 37** Midada dal lieu da domicil en in auter chantun

<sup>1</sup> Sche persunas cun ina permissiun da dimora curta u cun ina permissiun da dimora vulan transferir lur lieu da domicil en in auter chantun, ston ellas dumandar l'emprim ina permissiun correspondentada dal nov chantun.

<sup>2</sup> Persunas cun ina permissiun da dimora han il dretg da midar il chantun, sch'ellas n'èn betg dischoccupadas e sch'i n'èn avant maun nagins motivs da revocaziun tenor l'artitgel 62 alinea 1.

<sup>3</sup> Persunas cun ina permissiun da domicil han il dretg da midar il chantun, sch'i n'èn avant maun nagins motivs da revocaziun tenor l'artitgel 63.

<sup>4</sup> Per ina dimora temporara en in auter chantun na basegni betg ina permissiun.

#### **Art. 38** Activitad da gudogn

<sup>1</sup> Persunas cun ina permissiun da dimora curta ch'èn admessas per in'activitad da gudogn independenta u dependenta pon pratitgar l'activitad permessa en l'entira Svizra. Ina midada da piazza po vegnir permessa, sch'i èn avant maun motivs impurtants e sche las premissas tenor ils artitgels 22 e 23 èn ademplidas.

<sup>2</sup> Persunas cun ina permissiun da dimora ch'èn admessas per in'activitad da gudogn independenta u dependenta pon pratitgar lur activitad en l'entira Svizra. Ellas pon midar la piazza senza ulteriuras permissiuns.

<sup>3</sup> A persunas cun ina permissiun da dimora po vegnir concedì da midar ad in'activitad da gudogn independenta, sche las premissas tenor l'artitgel 19 litera a e b èn ademplidas.

<sup>4</sup> Persunas cun ina permissiun da domicil pon pratitgar in'activitad da gudogn independenta u dependenta en l'entira Svizra.

#### **Art. 39** Activitad da gudogn dals cunfinaris

<sup>1</sup> Persunas cun ina permissiun da cunfinaris pon pratitgar lur activitad temporarmain ordaifer la zona da cunfin. Sch'ellas vulan transferir il center da l'activitad da gudogn en la zona da cunfin d'in auter chantun, ston ellas dumandar l'emprim ina permissiun dal nov chantun. Suenten in'activitad da gudogn nuninterrutta da 5 onns exista in dretg da midar il chantun.

<sup>2</sup> A persunas cun ina permissiun da cunfinaris po vegnir concedi da midar la piazza, sche las premissas tenor ils artitgels 21 e 22 èn ademplidas. Suenter in'activitad da gudogn nuninterrutta da 5 onns exista in dretg da midar la piazza.

<sup>3</sup> A persunas cun ina permissiun da cunfinaris po vegnir concedi da midar ad in'activitad da gudogn independenta, sche las premissas tenor l'artitgel 19 litera a e b èn ademplidas.

**Art. 40** Autoritad da permissiun e decisiun preliminar a regard  
il martgà da lavur

<sup>1</sup> Las permissiuns tenor ils artitgels 32–35 e 37–39 vegnan concedidas dals chantuns. Resalvada resta la cumpetenzza da la Confederaziun en il rom da mesiras da limitaziun (art. 20) sco er per divergiar da las premissas d'admissiun (art. 30) e da la procedura d'approvaziun (art. 99).

<sup>2</sup> Sch'i n'exista nagin dretg da pratitgar in'activitad da gudogn, basegni ina decisiun preliminar da l'autoritad chantunala cumpetenta a regard il martgà da lavur per l'admissiun ad in'activitad da gudogn sco er per midar la piazza u per midar ad in'activitad da gudogn independenta.

<sup>3</sup> Sch'in chantun fa ina dumonda per conceder ina permissiun da dimora curta u ina permissiun da dimora en il rom dals dumbers maximalis da la Confederaziun, decretescha il SEM la decisiun preliminar a regard il martgà da lavur.

**Art. 41** Documents da legitimaziun

<sup>1</sup> Ensemen cun la permissiun survegnan persunas estras per regla in document da legitimaziun correspondent.

<sup>2</sup> Persunas admessas provisoricamain (art. 83) survegnan in document da legitimaziun che inditgescha lur posiziun giuridica.

<sup>3</sup> Per motivs da controlla vegn emess il document da legitimaziun per persunas cun ina permissiun da domicil per ina durada da 5 onns.

<sup>4</sup> Il document da legitimaziun po vegnir muni cun in chip da datas. Quel cuntogna il maletg da la fatscha, las improntas dals dets dal possessur e las datas ch'èn cuntegnidas en las lingias legiblas d'ina maschina.<sup>50</sup>

<sup>5</sup> Il Cussegl federal fixescha tge persunas che disponan d'in document da legitimaziun muni cun in chip e tge datas che ston esser arcunadas sin quel.<sup>51</sup>

<sup>50</sup> Versiun tenor l'art. 2 cifra I dal COF dals 18 da zer. 2010 (ulteriur svilup dal possess actual da Schengen ed introducziun da las datas biometricas en ils documents da legitimaziun da persunas estras), en vigur dapi ils 24 da schan. 2011 (AS 2011 175; BBl 2010 51).

<sup>51</sup> Integrà tras l'art. 2 cifra I dal COF dals 18 da zer. 2010 (ulteriur svilup dal possess actual da Schengen ed introducziun da las datas biometricas en ils documents da legitimaziun da persunas estras), en vigur dapi ils 24 da schan. 2011 (AS 2011 175; BBl 2010 51).



<sup>6</sup> Il SEM fixescha la furma ed il cuntegn dals documents da legitimaziun. El po surdar la producziun dals documents da legitimaziun per part u dal tuttafatg a terzas personas.<sup>52</sup>

**Art. 41a<sup>53</sup>** Segirezza e lectura dal chip da datas

<sup>1</sup> Il chip da datas sto vegnir protegì cunter falsificaziuns e cunter la lectura nun-autorisada. Il Cussegl federal fixescha las pretensiuns technicas.

<sup>2</sup> Il Cussegl federal è autorisà da far contracts cun ils stadis ch'èn liads tras ina da las convegnas d'associaziun a la reglamentaziun da Schengen sco er cun auters stadis davart la lectura da las improntas dals dets ch'èn arcuradas sin il chip da datas, uschenavant ch'ils stadis correspundents disponan d'ina protecziun da datas ch'è equivalenta a quella da la Svizra.

**Art. 41b<sup>54</sup>** Post per la producziun dals documents da legitimaziun biometrics

<sup>1</sup> Il post ch'è incumbensà cun la producziun dals documents da legitimaziun biometrics e las interpresas generalas involvidas ston cumprovar:

- a. d'avair las enconuschientschas spezialisadas e las qualificaziuns necessarias;
- b. da garantir ch'el ed ellas produceschian ils documents da legitimaziun en moda segira, en auta qualitat, a temp e conform a las specificaziuns;
- c. da garantir che la protecziun da datas vegnia observada; e
- d. d'avair avunda meds finanzials.

<sup>2</sup> Personas cun dretgs economics, possessurs da quotas, commembers dal cussegl d'administraziun, d'in auter organ cumparegliabel u da la direcziun sco er autras personas che han u che pudessan avoir ina influenza decisiva sin l'interpresa u sin la producziun dals documents da legitimaziun da personas estras, ston avoir ina buna reputaziun. I pon vegnir fatgas controllas da segirezza en il senn da l'artitgel 6 da l'Ordinaziun dals 19 da december 2001<sup>55</sup> davart las controllas da segirezza da personas.

<sup>3</sup> Il SEM po dumandar da tut temp ils documents ch'èn necessaris per controllar las pretensiuns tenor ils alineas 1 e 2. Sch'il post da producziun fa part d'ina gruppa d'interpresas, valan questas pretensiuns per l'entira gruppa.

<sup>52</sup> Integrà tras l'art. 2 cifra I dal COF dals 18 da zer. 2010 (ulteriu svilup dal possess actual da Schengen ed introducziun da las datas biometricas en ils documents da legitimaziun da personas estras), en vigur dapi ils 24 da schan. 2011 (AS 2011 175; BBI 2010 51).

<sup>53</sup> Integrà tras l'art. 2 cifra I dal COF dals 18 da zer. 2010 (ulteriu svilup dal possess actual da Schengen ed introducziun da las datas biometricas en ils documents da legitimaziun da personas estras), en vigur dapi ils 24 da schan. 2011 (AS 2011 175; BBI 2010 51).

<sup>54</sup> Integrà tras l'art. 2 cifra I dal COF dals 18 da zer. 2010 (ulteriu svilup dal possess actual da Schengen ed introducziun da las datas biometricas en ils documents da legitimaziun da personas estras), en vigur dapi ils 24 da schan. 2011 (AS 2011 175; BBI 2010 51).

<sup>55</sup> [AS 2002 377, 2005 4571, 2006 4177 Art. 13 4705 Ziff. II 1, 2008 4943 Ziff. I 3 5747 Anhang Ziff. 2, 2009 6937 Anhang 4 Ziff. II 2. AS 2011 1031 Art. 31 Abs. 1]. Guardar ussa: Ordinaziun dals 4 da mars 2011 (SR 120.4).

<sup>4</sup> Las disposiziuns dals alineas 1–3 èn applitgablhas per ils furniturs da servetschs e da rauba, sche las prestaziuns furnidas han ina impurtanza decisiva per la produenziun dals documents d'identitad.

<sup>5</sup> Il Cussegl federal fixescha las ulteriuras pretensiuns per il post da produenziun, per las interpresas generalas sco er per ils furniturs da servetschs e da rauba.

## Chapitel 7 Reuniun da la famiglia

### Art. 42 Confamigliars da personas svizras

<sup>1</sup> Conjugals esters ed uffants nubils sut 18 onns da personas svizras han il dretg da survegnir e da pudair prolungar la permissiun da dimora, sch'els abiteschan ensemen cun las personas svizras.

<sup>2</sup> Confamigliars esters da personas svizras han il dretg da survegnir e da pudair prolungar la permissiun da dimora, sch'els èn en possess d'ina permissiun da dimora permanenta d'in stadi, cun il qual igl è vegnida fatga ina cunvegna davart la libra circulaziun. Sco confamigliars valan:

- a. il conjugal e la parentella en lingia descendenta, sch'ils parents han main che 21 onns u sch'i vegn procurà per lur mantegniment;
- b. l'atgna parentella e la parentella dal conjugal, sch'i vegn procurà per ses mantegniment.

<sup>3</sup> Suenter ina dimora ordinaria e nuninterrotta da 5 onns han ils conjugals il dretg da survegnir la permissiun da domicil, sch'ils criteris d'integrasiun da l'artitgel 58a èn ademplantids.<sup>56</sup>

<sup>4</sup> Uffants sut 12 onns han il dretg da survegnir la permissiun da domicil.

### Art. 43<sup>57</sup> Conjugals ed uffants da personas cun ina permissiun da domicil

<sup>1</sup> Conjugals esters ed uffants nubils sut 18 onns da personas cun ina permissiun da domicil han il dretg da survegnir e da pudair prolungar la permissiun da dimora, sche:

- a. els abiteschan ensemen cun talas personas;
- b. igl è avant maun in'abitaziun che correspunda als basegns;
- c. els n'èn betg dependents da l'agid social;
- d. els san communitgar en la lingua naziunala discurrida al lieu da domicil; e

<sup>56</sup> Versiun tenor la cifra I da la LF dals 16 da dec. 2016 (integrasiun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>57</sup> Versiun tenor la cifra I da la LF dals 16 da dec. 2016 (integrasiun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

- e. la persuna che vegn reunida na retira betg prestaziuns supplementaras annualas tenor la Lescha federala dals 6 d'october 2006<sup>58</sup> davart las prestaziuns supplementaras tar l'assicuranza per vegls, survivents ed invaliditad (LPS) u na pudess er betg retrair talas prestaziuns en consequenza da la reuniun da la famiglia.

<sup>2</sup> Per la concessiun da la permissiun da dimora basta – empè da la premissa tenor l'alineia 1 litera d – l'annunzia ad ina purschida da promoziun linguistica.

<sup>3</sup> La premissa tenor l'alineia 1 litera d na vegn betg applitgada per uffants nubils sut 18 onns.

<sup>4</sup> La permissiun da dimora po vegnir concedida e prolungada sut la cundiziun ch'i vegnia concludida ina convegna d'integraziun, sch'igl è avant maun in basegn d'integraziun spezial tenor ils criteris da l'artitgel 58a.

<sup>5</sup> Suenten ina dimora ordinaria e nuninterrutta da 5 onns han ils conjugals il dretg da survegnir la permissiun da domicil, sch'ils criteris d'integraziun da l'artitgel 58a èn ademplants.

<sup>6</sup> Uffants sut 12 onns han il dretg da survegnir la permissiun da domicil.

**Art. 44<sup>59</sup>** Conjugals ed uffants da personas cun ina permissiun da dimora

<sup>1</sup> A conjugals esters ed ad uffants nubils sut 18 onns da personas cun ina permissiun da dimora po vegnir concedida e prolungada ina permissiun da dimora, sche:

- a. els abiteschan ensemen cun talas personas;
- b. igl è avant maun in'abitaziun che correspunda als basegns;
- c. els n'èn betg dependents da l'agid social;
- d. els san communitgar en la lingua naziunala discurredda al lieu da domicil; e
- e. la persuna che vegn reunida na retira betg prestaziuns supplementaras annualas tenor la LPS<sup>60</sup> u na pudess er betg retrair talas prestaziuns en consequenza da la reuniun da la famiglia.

<sup>2</sup> Per la concessiun da la permissiun da dimora basta – empè da la premissa tenor l'alineia 1 litera d – l'annunzia ad ina purschida da promoziun linguistica.

<sup>3</sup> La premissa tenor l'alineia 1 litera d na vegn betg applitgada per uffants nubils sut 18 onns.

<sup>4</sup> La permissiun da dimora po vegnir concedida e prolungada sut la cundiziun ch'i vegnia concludida ina convegna d'integraziun, sch'igl è avant maun in basegn d'integraziun spezial tenor ils criteris da l'artitgel 58a.

<sup>58</sup> SR 831.30

<sup>59</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>60</sup> SR 831.30

**Art. 45** Conjugals ed uffants da personas cun ina permissiun da dimora curta  
A conjugals esters ed ad uffants nubils sut 18 onns da personas cun ina permissiun da dimora curta po vegnir concedida ina permissiun da dimora curta, sche:

- a. els abiteschan ensemen cun talas personas;
- b. igl è avant maun in'abitaziun che correspunda als basegns; e
- c. els n'èn betg dependents da l'agid social;
- d.<sup>61</sup> la persuna che vegn reunida na retira betg prestaziuns supplementaras annualas tenor la LPS<sup>62</sup> u na pudess er betg retrair talas prestaziuns en consequenza da la reuniun da la famiglia.

**Art. 45a**<sup>63</sup> Nunvalaivladad da la lètg

Sche la controlla da la reuniun dal conjugal tenor ils artitgels 42–45 porta indizis ch'igl existia in motiv da nunvalaivladad per la lètg tenor l'artitgel 105 cifra 5 u 6 dal Cudesch civil svizzer<sup>64</sup> (CCS), annunzian las autoritads cumpetentas quai a l'autoridad cumpetenta tenor l'artitgel 106 CCS. La dumonda per la reuniun dal conjugal vegn sistida, fin che questa autoridad ha premdi ina decisium. Sche l'autoridad porta plant, vegn la dumonda sistida fin ch'ina sentenza cun vigur legala è avant maun.

**Art. 46** Activitad da gudogn dals conjugals e dals uffants

Conjugals ed uffants da personas svizras sco er da personas cun ina permissiun da domicil u da dimora (art. 42–44) pon pratitgar in'activitad da gudogn independenta u dependenta en l'entira Svizra.

**Art. 47** Termin per la reuniun da la famiglia

<sup>1</sup> Il dretg da la reuniun da la famiglia sto vegnir fatg valair entaifer 5 onns. Per uffants sur 12 onns sto la reuniun avair lieu entaifer 12 mais.

<sup>2</sup> Quests termins na valan betg per la reuniun da la famiglia tenor l'artitgel 42 alinea 2.

<sup>3</sup> Ils termins cumenzan tar confamigliars da:

- a. personas svizras tenor l'artitgel 42 alinea 1 cun l'entrada en Svizra u cun la fundaziun da la famiglia;
- b. personas estras cun la concessiun da la permissiun da dimora u da domicil u cun la fundaziun da la famiglia.

<sup>61</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>62</sup> SR 831.30

<sup>63</sup> Integrà tras la cifra I 1 da la LF dals 15 da zer. 2012 davart mesiras cunter maridaglias sfurzadas, en vigur dapi il 1. da fan. 2013 (AS 2013 1035; BBl 2011 2185).

<sup>64</sup> SR 210

<sup>4</sup> Pli tard vegn permiss ina reuniun da la famiglia mo, sch'i vegnan fatgs valair motivs famigliars impurtants. Sch'igl è necessari, vegnan uffants sur 14 onns tadlads en connex cun la reuniun da la famiglia.

#### **Art. 48** Uffants confidads per l'adopziun

<sup>1</sup> Uffants confidads han il dretg da survegnir e da pudair prolongar ina permissiun da dimora, sche:

- a. igl è previs d'als adoptar en Svizra;
- b. las premissas dal dretg civil per retschaiver uffants confidads cun l'intent d'als adoptar èn ademplidas; e
- c. lur entrada en Svizra cun l'intent d'als adoptar è succedida legalmain.

<sup>2</sup> Sche l'adopziun n'ha betg lieu, exista in dretg da prolongar la permissiun da dimora e 5 onns suenter l'entrada en Svizra in dretg da survegnir la permissiun da domicil.

#### **Art. 49** Excepziuns da la pretensiun d'abitar ensemen

La pretensiun d'abitar ensemen tenor ils artitgels 42–44 n'exista betg, sch'i vegnan fatgs valair motivs impurtants per lieus da domicil separads e sche la cuminanza da famiglia exista vinavant.

#### **Art. 49<sup>a65</sup>** Excepziun da la premissa da la cumprova linguistica

<sup>1</sup> Da la premissa tenor ils artitgels 43 alinea 1 litera d e 44 alinea 1 litera d poi vegnir divergià, sch'i èn avant maun motivs impurtants.

<sup>2</sup> Sco motivs impurtants valan en spezial in impediment, ina malsogna u in'otra restricziun che engrevgescha considerablmain l'abiltad d'emprender ina lingua.

#### **Art. 50** Schliaziun da la cuminanza da famiglia

<sup>1</sup> Suenter la schliaziun da la lètg u da la cuminanza da famiglia han il conjugal ed ils uffants il dretg da survegnir e da pudair prolongar la permissiun da dimora tenor ils artitgels 42 e 43, sche:

- a.<sup>66</sup> la cuminanza conjugala ha existi almain 3 onns ed ils criteris d'integraziun da l'artitgel 58a èn ademplids; u
- b. in'ulteriura dimora en Svizra daventa necessaria pervia da motivs persunals impurtants.

<sup>65</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>66</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>2</sup> Motivs persunals impurtants tenor l'alineia 1 litera b pon esser avant maun cunzunt, sch'il conjugal è daventà in'infrenda da violenza en la lètg u sche la lètg n'è betg vegnida concludida da libra voluntad u sche la reintegraziun sociala en il stadi da derivanza para d'esser fitg periclitada.<sup>67</sup>

<sup>3</sup> Il termin per conceder la permissiun da domicil sa drizza tenor l'artitgel 34.

#### **Art. 51** Extincziun dal dretg da la reuniun da la famiglia

<sup>1</sup> Ils dretgs tenor l'artitgel 42 estinguan, sche:

- a. els vegnan fatgs valair en moda abusiva, cunzunt per guntgir prescripziuns da questa lescha e da sias disposiziuns executivas davart l'admissiun e davart la dimora;
- b. i èn avant maun motivs da revocaziun tenor l'artitgel 63.

<sup>2</sup> Ils dretgs tenor ils artitgels 43, 48 e 50 estinguan, sche:

- a. els vegnan fatgs valair en moda abusiva, cunzunt per guntgir prescripziuns da questa lescha e da sias disposiziuns executivas davart l'admissiun e davart la dimora;
- b.<sup>68</sup> i èn avant maun motivs da revocaziun tenor ils artitgels 62 u 63 alineia 2.

#### **Art. 52** Partenadi registrà

Las disposiziuns da quest chapitel davart conjugals esters valan tenor il senn per il partenadi registrà da pèrs da la medema schlattaina.

## **Chapitel 8 Integraziun**

### **Partiziun 1 Promoziun da l'integraziun<sup>69</sup>**

#### **Art. 53<sup>70</sup>** Principis

<sup>1</sup> Ademplind lur incumbensas resguardan la Confederaziun, ils chantuns e las vischnancas ils basegns da l'integraziun e da la protecziun cunter discriminaziun.

<sup>2</sup> Els stgaffeschans cundiziuns generalas favuraivlas per l'egualitad da las schanzas e per la participaziun da la populaziun estra a la vita publica. Els tiran a niz ils potenzials da la populaziun estra, resguardan la multifariadad e promovon l'atgna responsabladad.

<sup>67</sup> Versiun tenor la cifra I 1 da la LF dals 15 da zer. 2012 davart mesiras cunter maridaglias sfurzadas, en vigur dapi il 1. da fan. 2013 (AS 2013 1035; BBl 2011 2185).

<sup>68</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>69</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>70</sup> Versiun tenor la cifra III 1 da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>3</sup> Els promovon las personas estras cunzunt tar l'acquist da cumpetenzas linguisticas e d'altas cumpetenzas fundamentalas, tar l'avanzament professiunal e tar la prevenziun da la sanadad; ultra da quai sustegnan els stentas che faciliteschan la chapientscha vicendaivla tranter la populaziun svizra ed estra e lur convivenza.

<sup>4</sup> Las autoritads federalas, chantunales e communalas, ils partenaris socials, las organisaziuns nunguvernamentalas e las organisaziuns da personas estras collavuran tar la promoziun da l'integraziun.

<sup>5</sup> Las autoritads chantunales d'agid social annunzian a l'intermediaziun publica da lavur ils fugitivs renconuschids e las personas admessas provisoricamain che n'han betg ina plazza.

#### **Art. 53<sup>a</sup>**<sup>71</sup> Gruppas en mira

<sup>1</sup> Il Cussegl federal fixescha ils circuls da personas che ston vegnir resguardads tar la promoziun da l'integraziun. L'emprim taidla el ils chantuns e las federaziuns communalas.

<sup>2</sup> Tar la promoziun da l'integraziun vegnan resguardads ils basegns spezials da las dunnas, dals uffants e dals giuvenils.

#### **Art. 54<sup>72</sup>** Promoziun da l'integraziun en las structuras regularas

L'integraziun vegn promovida en emprima lingia en las structuras existentas sin plaun federal, chantunal e communal, en spezial:

- a. en purschidas d'assistenza e da furnaziun avant la scola, en scola ed ordaifer la scola;
- b. en il mund da lavur;
- c. en las instituziuns da la segirezza sociala;
- d. en ils fatgs da sanadad;
- e. en la planisaziun dal territori, en il svilup da las citads e dals quartiers;
- f. en il sport, en las medias ed en la cultura.

#### **Art. 55<sup>73</sup>** Promoziun specifica da l'integraziun

La promoziun specifica da l'integraziun sin plaun federal, chantunal e communal cumplettescha la promoziun da l'integraziun en las structuras regularas, sche quellas n'èn betg accessiblas u sch'i existan largias.

<sup>71</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>72</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>73</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

**Art. 55a<sup>74</sup>** Mesiras per personas cun in basegn d'integraziun spezial

Ils chantuns prevesan uschè baud sco pussaivel mesiras d'integraziun adequatas per personas cun in basegn d'integraziun spezial. La Confederaziun sustegna ils chantuns tar questa incumbensa.

**Art. 56<sup>75</sup>** Repartiziun da las incumbensas

<sup>1</sup> Il Cussegl federal fixescha la politica d'integraziun en il champ da cumpetenzza da la Confederaziun. El procura ch'ils servetschs federals prendian – ensemen cun las autoritads chantunalas cumpetentas – mesiras per la promoziun da l'integraziun e per la protecciun cunter discriminaziun.

<sup>2</sup> Il SEM coordinescha las mesiras dals servetschs federals per la promoziun da l'integraziun e per la protecciun cunter discriminaziun, cunzunt en ils secturs da la segirezza sociala, da la furmaziun professiunala, da la furmaziun supplementara e dals fatgs da la sanadad. Ils servetschs federals consulteschan il SEM en cas d'activitads che pon avair consequenzas per l'integraziun.

<sup>3</sup> Il SEM procura per il barat d'infurmaziuns e d'experientschas cun ils chantuns, cun las vischnancas e cun ulteriuras parts participadas.

<sup>4</sup> Ils chantuns fixeschan la politica d'integraziun en lur champ da cumpetenzza. Els procuran che las autoritads chantunalas prendian – ensemen cun las autoritads communalas cumpetentas – mesiras per la promoziun da l'integraziun e per la protecciun cunter discriminaziun. Els designeschan in post da contact per dumondas d'integraziun per il SEM e procuran per il barat d'infurmaziuns e d'experientschas cun las vischnancas.

<sup>5</sup> Il SEM examinescha periodicamain l'integraziun da la populaziun estra en collavuraziun cun ils chantuns e procura per la garanzia da la qualidad en connex cun la promoziun da l'integraziun.

**Art. 57<sup>76</sup>** Infurmaziun e cussegliaziun

<sup>1</sup> La Confederaziun, ils chantuns e las vischnancas infurmeschan e cusseglian las personas estras davart las cundiziuns da viver e da lavurar en Svizra, cunzunt davart lur dretgs e davart lur obligaziuns.

<sup>2</sup> Las autoritads cumpetentas infurmeschan las personas estras davart las purschidas da la promoziun da l'integraziun.

<sup>3</sup> Ils chantuns procuran per l'emprima infurmaziun da las personas estras ch'èn arrivadas da nov en Svizra. La Confederaziun sustegna ils chantuns tar questa incumbensa.

<sup>74</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>75</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>76</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).



<sup>4</sup> La Confederaziun, ils chantuns e las vischnancas infurmeschan la populaziun davart la politica d'integraziun e davart la situaziun speziala da las personas estras.

<sup>5</sup> La Confederaziun, ils chantuns e las vischnancas pon surdar a terzas personas las incumbensas tenor ils alineas 1–4.

#### **Art. 58<sup>77</sup>** Contribuziuns finanzialas

<sup>1</sup> Per l'integraziun conceda la Confederaziun contribuziuns finanzialas tenor ils alineas 2 e 3. Questas contribuziuns cumpletteschan las expensas dals chantuns a favur da l'integraziun.

<sup>2</sup> Las contribuziuns per personas admissas provisoricamain, per fugitivs reconuschids e per personas cun basegn da protecziun che han ina permissiun da dimora, per ils quals la Confederaziun indemnisescha als chantuns ils custs da l'agid social tenor l'artitgel 87 da questa lescha e tenor ils artitgels 88 ed 89 LAsil<sup>78</sup>, vegnan concedidas als chantuns tras pauschalas d'integraziun u tras la finanziaziun da programs chantunals d'integraziun. Ellas pon vegnir colliadas cun la cundiziun ch'i vegnian cuntanschidas finamiras sociopoliticas, ed ellas pon vegnir restrenschidas a tschertas gruppas.

<sup>3</sup> Las ulteriuras contribuziuns vegnan concedidas per financiar programs chantunals d'integraziun sco er programs e projects d'impurtanza naziunala che servan a promover l'integraziun da personas estras, independentamain da lur status. La coordinaziun e la realisaziun d'activitads en il rom da programs e da projects po vegnir surdada a terzas personas.

<sup>4</sup> Il Cussegl federal fixescha l'autozza da las contribuziuns pajadas da la Confederaziun tenor ils alineas 2 e 3.

<sup>5</sup> Il Cussegl federal designescha ils secturs da promoziun en enclegientscha cun ils chantuns e regla ils detagls da la procedura tenor ils alineas 2 e 3.

### **Partiziun 2<sup>79</sup> Premissas d'integraziun**

#### **Art. 58a** Criteris d'integraziun

<sup>1</sup> Giuditgond l'integraziun resguarda l'autoridad cumpetenta ils suandants criteris:

- a. l'observaziun da la segirezza publica e da l'urden public;
- b. l'observaziun da las valurs da la Constituziun federala;
- c. las cumpetenzas linguisticas; e
- d. la participaziun a la vita economica u a l'acquist da furnaziun.

<sup>77</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>78</sup> SR 142.31

<sup>79</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>2</sup> Da la situaziun da personas che n'adempleschan betg u che adempleschan mo cun grondas difficultads ils criteris d'integraziun da l'alinea 1 literas c e d pervia d'in impediment u d'ina malsogna u pervia d'autras circumstanzas personalas relevantas, stoi vegnir tegnì quint adequatamain.

<sup>3</sup> Il Cussegl federal fixescha las cumpetenzas linguisticas che ston esser avant maun per pudair conceder e prolungar ina permissiun.

#### **Art. 58b** Cunvegna d'integraziun e recumandaziuns d'integraziun

<sup>1</sup> La cunvegna d'integraziun vegn concludida cun la persuna pertutgada e fixescha las finamiras, las mesiras ed ils termins d'ina promoziun da l'integraziun. Ella regla plinavant la finanziaziun.

<sup>2</sup> La cunvegna d'integraziun po cuntegnair cunzunt finamiras concernent l'acquist da cumpetenzas linguisticas, l'integraziun en scola u areguard l'integraziun professiunala ed economica sco er l'acquist d'enconuschientschas davart las cundiziuns da viver, davart il sistem economic e davart l'urden giuridic en Svizra.

<sup>3</sup> Sche las autoritads cumpetentas pretendan la conclusiun d'ina cunvegna d'integraziun, vegn concedida u prolungada la permissiun da dimora pir sunter che la cunvegna d'integraziun è concludida.

<sup>4</sup> Las autoritads cumpetentas pon surdar recumandaziuns d'integraziun a personas ch'èn sutmessas al champ d'applicaziun da l'artitgel 2 alineas 2 e 3 sco er da l'artitgel 42.

## **Chapitel 9 Documents da viadi e scumond da viagir<sup>80</sup>**

### **Art. 59** Emissiun da documents da viadi<sup>81</sup>

<sup>1</sup> Il SEM po emitter documents da viadi<sup>82</sup> per personas estras senza documents da legitimaziun.

<sup>2</sup> Il dretg da documents da viadi han personas estras senza documents da legitimaziun che:

- a. adempleschan la caratteristica da fugitiv tenor la Cunvegna dals 28 da fanadur 1951<sup>83</sup> davart la posiziun giuridica dals fugitivs;

<sup>80</sup> Versiun tenor la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>81</sup> Integrà tras la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>82</sup> Expressiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviazion; systems d'infurmaziun), en vigur dapi il 1. d'oct. 2015 (AS **2015** 3023; BBI **2013** 2561). Questa midada è vegnida resguardada en l'entir decret.

<sup>83</sup> SR **0.142.30**

- b. èn reconuschidas da la Svizra sco personas senza naziunalitad tenor la Cunvegna dals 28 da settember 1954<sup>84</sup> davart la posiziun giuridica da las personas senza naziunalitad;
- c. n'han nagins documents da legitimaziun ed han ina permissiun da domicil.

<sup>3</sup> Nagin dretg da documents da viadi n'han personas che han cuntrafatg considerablaimain u repetidamain a la segirezza publica ed a l'urden public en Svizra u a l'exteriur u che pericliteschan tals u che pericliteschan la segirezza interna u externa da la Svizra u ch'èn vegnidas sentenziadas cun vigur legala ad in'expulsiun tenor l'artitgel 66a u 66a<sup>bis</sup> CP<sup>85</sup> u tenor l'artitgel 49a u 49a<sup>bis</sup> LPM<sup>86, 87</sup>

<sup>4</sup> ...<sup>88</sup>

<sup>5</sup> e <sup>6</sup> ...<sup>89</sup>

#### **Art. 59a<sup>90</sup>** Chip da datas

<sup>1</sup> Ils documents da viadi per personas estras pon vegnir munids cun in chip da datas. Il chip da datas po cuntegnair in purtret digitalisà da la fatscha, las improntas dals dets ed autras datas personalas da la persuna che posseda il document sco er indicaziuns davart il document da viadi. Las datas numnadas en l'artitgel 4 linea 1 litera g da la Lescha federala dals 20 da zercladur 2003<sup>91</sup> davart il sistem d'infurmaziun per il sector da las personas estras e da l'asil pon medemamain vegnir arcunadas sin il chip da datas. L'artitgel 2a da la Lescha federala dals 22 da zercladur 2001<sup>92</sup> davart ils documents d'identitad (LDI) vala tenor il senn.

<sup>2</sup> Il Cussegl federal fixescha tge tips da documents da viadi per personas estras che han da vegnir munids cun in chip da datas e tge datas che duain vegnir arcunadas sin il chip.

<sup>84</sup> SR **0.142.40**

<sup>85</sup> SR **311.0**

<sup>86</sup> SR **321.0**

<sup>87</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBl **2018** 1685).

<sup>88</sup> Aboli tras la cifra I da la LF dals 14 da dec. 2018 (regulaziuns da procedura e sistems d'infurmaziun), cun effect dapi il 1. da zer. 2019 (AS **2019** 1413; BBl **2018** 1685).

<sup>89</sup> Integrà tras l'art. 2 cifra 2 dal COF dals 13 da zer. 2008 davart l'approvaziun e la realisaziun dal barat da notas tranter la Svizra e la CE concernent ils passaports ed ils documents da viadi biometrics (AS **2009** 5521, **2011** 4033; BBl **2007** 5159). Aboli tras la cifra I da la LF dals 14 da dec. 2018 (regulaziuns da procedura e sistems d'infurmaziun), cun effect dapi il 1. da zer. 2019 (AS **2019** 1413; BBl **2018** 1685).

<sup>90</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBl **2018** 1685).

<sup>91</sup> SR **142.51**

<sup>92</sup> SR **143.1**

**Art. 59b<sup>93</sup>** Datas biometricas

<sup>1</sup> La registraziun da las datas biometricas e la transmissiun da las datas dals documents da viadi al post emettent pon vegnir transferidas dal tutfatg u per part a terzas persunas. L'artitgel 6a LDI<sup>94</sup> vala tenor il senn.

<sup>2</sup> Per emetter u per renovar in document da viadi pon il SEM e las autoritads chantunals che han l'incarica da prender encunter dumondas d'emetter documents da viadi, elavurar datas biometricas ch'èn gia registradas en il Sistem d'infurmaziun central davart la migraziun (SIMIC).

<sup>3</sup> Las datas biometricas ch'èn necessarias per emetter in document da viadi vegnan eruidas da nov mintga 5 onns. Il Cussegl federal po fixar periodas pli curtas per eruir questas datas, sche quai è necessari pervia dal svilup dals tratgs da la fatscha da la persuna correspondententa.

**Chapitel 10 Fin da la dimora****Partiziun 1 Agid per il return e per la reintegraziun****Art. 60**

<sup>1</sup> Cun porscher in agid per il return e per la reintegraziun po la Confederaziun sustegnair persunas estras che partan independentamain e confirm a l'obligaziun da la Svizra.

<sup>2</sup> L'agid per il return e per la reintegraziun po vegnir dumandà:

- a. da persunas che han bandunà il stadi d'origin u da derivanza pervia d'ina greva periclitaziun generala, cunzunt tras ina guerra u tras ina guerra civila, u pervia d'ina situaziun da violenza generala u che n'han betg pudì returnar en il stadi d'origin u da derivanza durant ina periclitaziun, sche lur dimora era reglada tenor questa lescha e sch'ellas eran obligadas da partir da la Svizra;
- b. da persunas tenor l'artitgel 30 alinea 1 litera d ed e;
- c.<sup>95</sup> da persunas admessas provisoricamain, sch'ellas bandunan la Svizra ord atgna iniziativa u sche lur admissiun provisorica tenor l'artitgel 84 alinea 2 è vegnida abolida.

<sup>3</sup> L'agid per il return e per la reintegraziun cumpiglia:

- a. la cussegliaziun per il return tenor l'artitgel 93 alinea 1 litera a LAsil<sup>96</sup>;
- abis. l'access als projects en Svizra per mantegnair l'abiltad da returnar tenor l'artitgel 93 alinea 1 litera b LAsil;

<sup>93</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBI 2018 1685).

<sup>94</sup> SR 143.1

<sup>95</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBI 2018 1685).

<sup>96</sup> SR 142.31

- b. la participaziun a projects en il stadi d'origin, en il stadi da derivanza u en in ulteriur stadi che faciliteschan il return e la reintegraziun tenor l'artitgel 93 alinea 1 litera c LAsil;
- c. in sustegn finanziel en il cas singul per facilitar la reintegraziun u per in'assistenza medicinala en il stadi d'origin, en il stadi da derivanza u en in ulteriur stadi tenor l'artitgel 93 alinea 1 litera d LAsil.<sup>97</sup>

<sup>4</sup> Il Cussegl federal regla las premissas e la procedura per il pajament e per il rendaint da las contribuziuns.

## Partiziun 2 Scadenza e revocaziun da las permissiuns e scadenza dal dretg da dimora<sup>98</sup>

### Art. 61 Scadenza da las permissiuns

<sup>1</sup> Ina permissiun scada:

- a. cun annunziar la partenza per l'exteriur;
- b. cun survegnir ina permissiun en in auter chantun;
- c. cur che la valaivladad da la permissiun scada;
- d. cun l'expulsiun tenor l'artitgel 68;
- e.<sup>99</sup> cun l'expulsiun legalmain valaivla tenor l'artitgel 66a CP<sup>100</sup> u tenor l'artitgel 49a LPM<sup>101</sup>;
- f.<sup>102</sup> cun l'execuziun d'ina expulsiun tenor l'artitgel 66a<sup>bis</sup> CP u tenor l'artitgel 49a<sup>bis</sup> LPM.

<sup>2</sup> Sche la persuna estra banduna la Svizra senza annunziar la partenza, scada la permissiun da dimora curta sunter 3 mais, la permissiun da dimora e da domicil sunter 6 mais. Sin dumonda po la permissiun da domicil vegnir mantegnida durant 4 onns.

<sup>97</sup> Versiun tenor la cifra IV 2 da la LF dals 16 da dec. 2005, en vigur dapi il 1. da schan. 2008 (AS 2006 4745, 2007 5573; BBl 2002 3709).

<sup>98</sup> Versiun tenor la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da personas), en vigur dapi il 1. da fan. 2018 (AS 2018 733; BBl 2016 3007).

<sup>99</sup> Integrà tras la cifra 1 da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da personas estras criminalas) (AS 2016 2329; BBl 2013 5975). Versiun tenor la cifra IV 3 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

<sup>100</sup> SR 311.0

<sup>101</sup> SR 321.0

<sup>102</sup> Integrà tras la cifra 1 da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da personas estras criminalas), en vigur dapi il 1. d'oct. 2016 (AS 2016 2329; BBl 2013 5975).

**Art. 61a**<sup>103</sup> Scadenza dal dretg da dimora da burgais da la UE e da la AECL

<sup>1</sup> Il dretg da dimora da burgais dals stadis commembers da la UE e da la AECL cun ina permissiun da dimora curta scada 6 mais suenter che la relaziun da lavur è vegnida terminada nunvoluntarmain. Il dretg da dimora da burgais dals stadis commembers da la UE e da la AECL cun ina permissiun da dimora scada 6 mais suenter che la relaziun da lavur è vegnida terminada nunvoluntarmain, sche quella finescha avant la scadenza dals emprims 12 mais da la dimora.

<sup>2</sup> Sche l'indemnisaziun da dischoccupaziun vegn pajada vinavant er suenter la scadenza dals 6 mais tenor l'alinea 1, scada il dretg da dimora cun la fin dal pajament da questa indemnisaziun.

<sup>3</sup> A partir da la terminaziun da la relaziun da lavur fin a la scadenza dal dretg da dimora tenor ils alineas 1 e 2 n'exista nagin dretg d'agid social.

<sup>4</sup> Sche la relaziun da lavur vegn terminada nunvoluntarmain suenter ils emprims 12 mais da la dimora, scada il dretg da dimora da burgais dals stadis commembers da la UE e da la AECL cun ina permissiun da dimora 6 mais suenter la terminaziun da la relaziun da lavur. Sche l'indemnisaziun da dischoccupaziun vegn pajada vinavant er suenter la scadenza dals 6 mais, scada il dretg da dimora 6 mais suenter la fin dal pajament da questa indemnisaziun.

<sup>5</sup> Ils alineas 1–4 na valan betg, sche la relaziun da lavur vegn terminada pervia d'ina incapacitad da lavurar temporara en consequenza da malsogna, d'accident u d'invaliditad, sco er per persunas che pon sa referir ad in dretg da restar tenor la Cunvegna dals 21 da zercladur 1999<sup>104</sup> tranter la Confederaziun svizra e la Communitad europeica cun ses stadis commembers davart la libra circulaziun da persunas (CLC) u tenor la Convenziun dals 4 da schaner 1960<sup>105</sup> davart la constituziun da l'Associaziun europeica da commerzi liber (AECL).

**Art. 62**<sup>106</sup> Revocaziun da permissiuns e d'autras disposiziuns

<sup>1</sup> Cun excepziun da la permissiun da domicil po l'autoritad cumpetenta revocar permissiuns ed autras disposiziuns tenor questa lescha:

- a. sche la persuna estra ubain ses represchentant ha fatg indicaziuns faussas u ha taschentà fatgs relevants en la procedura da permissiun;
- b. sche la persuna estra è vegnida sentenziada ad in chasti da detenziun d'ina durada pli lunga u sch'ina mesira penala en il senn dals artitgels 59–61 u 64 CP<sup>107</sup> è vegnida ordinada cunter ella;

<sup>103</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da persunas), en vigur dapi il 1. da fan. 2018 (AS 2018 733; BBl 2016 3007).

<sup>104</sup> SR 0.142.112.681

<sup>105</sup> SR 0.632.31

<sup>106</sup> Versiun tenor la cifra IV 3 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBl 2012 4721).

<sup>107</sup> SR 311.0

- c. sche la persuna estra ha cuntrafatg considerablmain u repetidamain a la segirezza publica ed a l'urden public en Svizra u a l'exteriur u ha periclità tals u periclitescha la segirezza interna u externa;
- d. sche la persuna estra n'observa betg ina cundiziun ch'è colliada cun la disposiziun;
- e. sch'ina persuna, per la quala ella sto procurar, è dependenta da l'agid social; u
- f.<sup>108</sup> sche la persuna estra ha empruvà en moda abusiva da cuntanscher cun rampigns il dretg da burgais svizzer u sch'il dretg da burgais svizzer è vegnì retratg ad ella sin basa d'ina disposiziun legalmain valaivla pronunziada en il rom d'ina annullaziun tenor l'artitgel 36 da la Lescha federala dals 20 da zercladur 2014<sup>109</sup> davart il dretg da burgais svizzer;
- g.<sup>110</sup> sche la persuna estra n'observa betg ina cunvegna d'integraziun senza motivs perstgisabels.

<sup>2</sup> Ina revocaziun è inadmissibla, sch'ella vegn motivada mo cun il fatg ch'igl era vegnì commess in delict, per il qual ina dretgira penala ha gia pronunzià in chasti u ina mesira, ma ha desisti da pronunziar in'expulsiun.

#### **Art. 63** Revocaziun da la permissiun da domicil

<sup>1</sup> La permissiun da domicil dastga vegnir revocada mo, sche:

- a.<sup>111</sup> las premissas tenor l'artitgel 62 alinea 1 litera a u b èn ademplidas;
- b. la persuna estra ha cuntrafatg grevamain a la segirezza publica ed a l'urden public en Svizra u a l'exteriur u ha periclità tals u ha periclità la segirezza interna u externa;
- c. la persuna estra u ina persuna, per la quala ella sto procurar, è dependenta en moda durabla e considerabla da l'agid social;
- d.<sup>112</sup> la persuna estra ha empruvà en moda abusiva da cuntanscher cun rampigns il dretg da burgais svizzer u il dretg da burgais svizzer è vegnì retratg ad ella sin basa d'ina disposiziun legalmain valaivla pronunziada en il rom d'ina annullaziun tenor l'artitgel 36 da la Lescha federala dals 20 da zercladur 2014<sup>113</sup> davart il dretg da burgais svizzer;

<sup>108</sup> Integrà tras la cifra II 1 da l'aggiunta da la LF dals 20 da zer. 2014 davart il dretg da burgais, en vigur dapi il 1. da schan. 2018 (AS 2016 2561; BBI 2011 2825).

<sup>109</sup> SR 141.0

<sup>110</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821). Rectificaziun da la Cumissiun da redacziun da la AF dals 10 d'avust 2018, publictà ils 18 da sett. 2018 (AS 2018 3213).

<sup>111</sup> Versiun tenor la cifra IV 3 da la LF dals 19 da zer. 2015 (midada dal dretg da sancziuns), en vigur dapi il 1. da schan. 2018 (AS 2016 1249; BBI 2012 4721).

<sup>112</sup> Integrà tras la cifra II 1 da l'aggiunta da la LF dals 20 da zer. 2014 davart il dretg da burgais, en vigur dapi il 1. da schan. 2018 (AS 2016 2561; BBI 2011 2825).

<sup>113</sup> SR 141.0

e.<sup>114</sup> ...

<sup>2</sup> La permissiun da domicil po vegnir revocada e remplazzada tras ina permissiun da dimora, sch' ils criteris d' integraziun da l' artitgel 58a n' èn betg ademplants.<sup>115</sup>

<sup>3</sup> Ina revocaziun è inadmissibla, sch' ella vegn motivada mo cun il fatg ch' igl era vegni commess in delict, per il qual ina dretgira penala ha gia pronunzià in chasti u ina mesira, ma ha desistì da pronunziar in' expulsìun.<sup>116</sup>

### Partiziun 3 Mesiras d' allontanament

#### Art. 64<sup>117</sup> Disposiziun da spedita

<sup>1</sup> Las autoritads cumpetentas decreteschan ina disposiziun da spedita ordinaria, sche:

- a. ina persuna estra na posseda betg ina permissiun necessaria;
- b. ina persuna estra n' ademplescha betg u betg pli las premissas per entrar en Svizra (art. 5);
- c. ina permissiun vegn refusada ad ina persuna estra u ina permissiun vegn revocada u betg pli prolungada suenter ina dimora permessa.

<sup>2</sup> Sche las personas estras che sa trategnan illegalmain en Svizra possedan in titel da dimora valaivel d' in auter stadi ch' è lià tras ina da las cunvegns d' associaziun a la reglamentaziun da Schengen<sup>118</sup> (stadi da Schengen), ston ellas vegnir ordinadas senza formalitads da sa render immediatamain en quest stadi. Sch' ellas na suondan betg questa ordinaziun, sto vegnir decretada ina disposiziun tenor l' alinea 1. Sch' ina partenza immediata da la Svizra è inditgada per motivs da la segirezza publica e da l' urden public u per motivs da la segirezza interna u externa, sto vegnir decretada ina disposiziun senza in' ordinaziun precedenta.

<sup>3</sup> In recurs cunter disposiziuns tenor l' alinea 1 literas a e b sto vegnir inoltrà entaifer 5 dis da lavur suenter sia avertura. Il recurs n' ha betg in effect suspensiv. L' istanza da recurs decida entaifer 10 dis, sche l' effect suspensiv duai tuttina vegnir concedi.

<sup>4</sup> Per personas estras minorennas senza accompagnament designeschan las autoritads chantunalas cumpetentas immediatamain ina persuna da confidenza che defenda lur interess per la durada da la procedura da spedita.

<sup>114</sup> Oriundamain: lit. d. Aboli tras la cifra IV 3 da la LF dals 19 da zer. 2015 (midada dal dretg da sancziuns), cun effect dapi il 1. da schan. 2018 (AS 2016 1249; BBI 2012 4721).

<sup>115</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>116</sup> Integrà tras la cifra 1 da l' agiunta da la LF dals 20 da mars 2015 (realisaziun da l' art. 121 al. 3–6 Cst. davart l' expulsìun da personas estras criminalas), en vigur dapi il 1. d' oct. 2016 (AS 2016 2329; BBI 2013 5975).

<sup>117</sup> Versiun tenor l' art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>118</sup> Questas cunvegns èn inditgadas en l' agiunta 1 cifra 1.



<sup>5</sup> Il Cussegl federal definescha la rolla, las cumpetenzas e las incumbensas da la persuna da confidenza tenor l'alineia 4.<sup>119</sup>

**Art. 64a**<sup>120</sup> Spedida sin basa da las cunvegns d'associaziun a la reglamentaziun da Dublin

<sup>1</sup> Sch'in auter stadi ch'è lià tras ina da las cunvegns d'associaziun a la reglamentaziun da Dublin (al. 4) è cumpetent – sin basa da las disposiziuns da l'Ordinaziun (UE) nr. 604/2013<sup>121</sup> – da realisar ina procedura d'asil e da spedida (stadi da Dublin), decretescha il SEM ina disposiziun da spedida cunter ina persuna che sa trategna illegalmain en Svizra.<sup>122</sup>

<sup>2</sup> In recurs sto vegnir inoltrà entaifer 5 dis da lavur suenter l'avertura da la disposiziun. Il recurs n'ha betg in effect suspensiv. Entaifer il termin da recurs po la persuna estra dumandar da conceder l'effect suspensiv. Il Tribunal administrativ federal decida davart ina tala dumonda entaifer 5 dis da lavur suenter ch'ella è vegnida inoltrada. Sche l'effect suspensiv na vegn betg concedì entaifer quest termin, po la spedida vegnir exequida.

<sup>3</sup> Cumpetent per exequir la spedida e, sche necessari, per garantir il pajament e la finanziaziun da l'agid social u da l'agid d'urgenza è il chantun da dimora da la persuna pertutgada.

<sup>3bis</sup> Per personas minorennas betg accompagnadas è applitgabel l'artitgel 64 alineia 4.<sup>123</sup>

<sup>4</sup> Las cunvegns d'associaziun a la reglamentaziun da Schengen èn inditgadas en l'aggiunta 1 cifra 2.

<sup>119</sup> Integrà tras la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è cumpetent per examinar ina dumonda da protecciun internaziunala), en vigur dapi il 1. da fan. 2015 (AS 2015 1841; BBI 2014 2675).

<sup>120</sup> Integrà tras la cifra I da la LF dals 13 da zer. 2008 (cumpletaziuns en il rom da la realisaziun da las cunvegns d'associaziun a la reglamentaziun da Schengen e da Dublin) (AS 2008 5407; BBI 2007 7937). Versiun tenor l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>121</sup> Ordinaziun (UE) nr. 604/2013 dal Parlament europeic e dal Cussegl dals 26 da zer. 2013 davart la fixaziun dals criteris e dals mecanissem per determinar il stadi commember ch'è cumpetent per examinar ina dumonda da protecciun internaziunala inoltrada en in dals stadis commembers tras in burgais d'in terz stadi u tras ina persuna senza naziunalitad (nova versiun); versiun tenor ABI. L 180 dals 29 da zer. 2013, p. 31.

<sup>122</sup> Versiun tenor la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è cumpetent per examinar ina dumonda da protecciun internaziunala), en vigur dapi il 1. da fan. 2015 (AS 2015 1841; BBI 2014 2675).

<sup>123</sup> Integrà tras la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è cumpetent per examinar ina dumonda da protecciun internaziunala), en vigur dapi il 1. da fan. 2015 (AS 2015 1841; BBI 2014 2675).

**Art. 64b**<sup>124</sup> Disposiziun da spedita cun in formular da standard

Sch'ina persuna è entrada illegalmain en Svizra, la vegn la disposiziun da spedita averta cun in formular da standard.

**Art. 64c**<sup>125</sup> Spedita senza formalitads

<sup>1</sup> Persunas estras vegnan speditas senza formalitads, sche:

- a. ellas vegnan – sin basa d'ina cunvegna da readmissiun – puspè recepidas da l'Austria, da la Belgia, da l'Estonia, da la Frantscha, da la Germania, da l'Italia, da la Lettonia, da la Lituania, dal Luxemburg, da la Norvegia, dals Pajais Bass, da la Pologna, da la Slovachia, da la Slovenia, da la Spagna, da la Svezia u da l'Ungaria;
- b.<sup>126</sup> l'entrada è vegnida refusada precedentamain ad ellas tenor l'artitgel 14 dal Codex da cunfin tenor Schengen<sup>127</sup>.

<sup>2</sup> Sche la persuna pertutgada pretenda quai immediatamain, vegn decretada ina disposiziun cun in formular da standard (art. 64b).

**Art. 64d**<sup>128</sup> Termin da partenza ed executiun immediata

<sup>1</sup> Cun la disposiziun da spedita sto vegnir fixà in termin da partenza adequat tranter 7 e 30 dis. In termin da partenza pli lung sto vegnir fixà u il termin da partenza vegn prolungà, sche circumstanzas spezialas sco la situaziun famigliara, problems da la sanadad u ina durada lunga da la dimora pretendan quai.

<sup>2</sup> La spedita po vegnir exequida immediatamain u i po vegnir fixà in termin da partenza da pli pauc che 7 dis, sche:

- a. la persuna pertutgada è in privel per la segirezza publica e per l'urden public ubain per la segirezza interna u esterna;
- b. indizis concrets laschan temair che la persuna pertutgada veglia mitschar da l'expulsiun;
- c. ina dumonda da conceder ina permissiun è vegnida refusada sco evidentamain nunmotivada u sco abusiva;
- d. la persuna pertutgada vegn – sin basa d'ina cunvegna da readmissiun – puspè recepida d'in stadi tenor l'artitgel 64c alinea 1 litera a;

<sup>124</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>125</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>126</sup> Versiun tenor la cifra 1 da l'aggiunta dal COF dals 15 da dec. 2017 (surpigliada da l'Ordinaziun [UE] 2016/1624 davart la Guardia europea da cunfin e da costa), en vigur dapi ils 15 da sett. 2018 (AS 2018 3161; BBI 2017 4155).

<sup>127</sup> Guardar annotaziun da l'art. 7 al. 3.

<sup>128</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

- e.<sup>129</sup> l'entrada tenor l'artitgel 14 dal Codex da cunfin da Schengen<sup>130</sup> è vegnida refusada precedentamain a la persuna pertutgada (art. 64c al. 1 lit. b);
- f. la persuna pertutgada vegn spedita or da la Svizra sin basa da las convegnas d'associaziun a la reglamentaziun da Dublin (art. 64a).

<sup>3</sup> En spezial ils suandants indizis concrets laschan temair che la persuna pertutgada veglia mitschar da l'expulsiun:

- a. ella n'ademplescha betg l'obligaziun da cooperar tenor l'artitgel 90;
- b. ses cumportament d'enfin ussa lascha concluder ch'ella s'opponia ad ordinaziuns uffizialas;
- c. malgrà in scumond d'entrar en Svizra entra ella en il territori svizzer.<sup>131</sup>

**Art. 64e**<sup>132</sup> Obligaziuns suenter l'avertura d'ina disposiziun da spedita

L'autorità competenta po obligar personas estras suenter che la disposiziun da spedita è vegnida averta:

- a. da s'annunziar regularmain tar in'autorità;
- b. da prestar segirezzas finanzialas adequatas;
- c. da depositar ils documents da viadi.

**Art. 64f**<sup>133</sup> Translaziun da la disposiziun da spedita

<sup>1</sup> L'autorità competenta procura che la disposiziun da spedita vegnia – sin dumonda – transladata en scrit u a bucca en ina lingua che vegn chapida da la persuna pertutgada u ch'ins po far quint ch'ella vegnia chapida da la persuna pertutgada.

<sup>2</sup> Sche la disposiziun da spedita vegn averta cun in formular da standard tenor l'artitgel 64b, na vegn ella betg transladata. A las personas pertutgadas sto vegnir consegnà in feagl d'infurmaziun cun explicaziuns davart la disposiziun da spedita.

<sup>129</sup> Versiun tenor la cifra 1 da l'aggiunta dal COF dals 15 da dec. 2017 (surpigliada da l'Ordinaziun [UE] 2016/1624 davart la Guardia europeica da cunfin e da costa), en vigur dapi ils 15 da sett. 2018 (AS **2018** 3161; BBl **2017** 4155).

<sup>130</sup> Guardar annotaziun da l'art. 7 al. 3.

<sup>131</sup> Integrà tras la cifra 1 da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBl **2018** 1685).

<sup>132</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS **2010** 5925; BBl **2009** 8881).

<sup>133</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS **2010** 5925; BBl **2009** 8881).

**Art. 65**<sup>134</sup> Refusa d'entrar en Svizra e spedita a la plazza aviatica

<sup>1</sup> Sche l'entrada en Svizra vegn refusada tar la controlla da cunfin a la plazza aviatica, sto la persuna estra bandunar immediatamain la Svizra.

<sup>2</sup> En num dal SEM decretescha l'autorità ch'è cumpetenta per la controlla da cunfin entaifer 48 uras ina disposiziun motivada cun il formular tenor l'aggiunta V part B dal Codex da cunfin tenor Schengen<sup>135</sup>. Cunter questa disposiziun poi vegnir fatg protesta en scrit tar il SEM entaifer 48 uras suenter la comunicaziun. La protesta n'ha betg in effect suspensiv. Il SEM decida entaifer 48 uras davart la protesta.<sup>136</sup>

<sup>2bis</sup> Cunter la decisiun da protesta dal SEM poi vegnir fatg recurs entaifer 48 uras suenter la comunicaziun. Il recurs n'ha betg in effect suspensiv. L'istanza da recurs decida entaifer 72 uras davart il recurs.<sup>137</sup>

<sup>3</sup> A persunas speditas vegni permess da sa trategnair durant maximalmain 15 dis en las zonas da transit internaziunalas da las plazzas aviaticas per preparar la cuntinuaziun da lur viadi, sch'i na vegn betg ordinà l'expulsiun (art. 69) u l'arrest d'expulsiun u l'arrest pervia d'insubordinaziun (art. 76–78). Resalvadas restan las disposiziuns davart l'admissiun provisorica (art. 83) e davart l'inoltraziun d'ina dumonda d'asil (art. 22 LAsil<sup>138</sup>).<sup>139</sup>

**Art. 66**<sup>140</sup>**Art. 67**<sup>141</sup> Scumond d'entrar en Svizra

<sup>1</sup> Il SEM dispona – cun resalva da l'alinea 5 – scumonds d'entrar en Svizra envers persunas estras speditas, sche:

- a. la spedita vegn exequida immediatamain tenor l'artitgel 64d alinea 2 literas a–c;

<sup>134</sup> Versiun tenor l'art. 2 dal COF dals 13 da zer. 2008 davart l'approvaziun e la realisaziun dal barat da notas tranter la Svizra e la Communitad europeica concernent la surpigliada dal Codex da cunfin tenor Schengen, en vigur dapi ils 12 da dec. 2008 (AS **2008** 5629 5405 art. 2 lit. b; BBI **2007** 7937).

<sup>135</sup> Ordinaziun (UE) 2016/399 dal Parlament europeic e dal Cussegl dals 9 da mars 2016 davart in Codex cuminaivel per il surpassament dal cunfin tras persunas (Codex da cunfin tenor Schengen), ABl. L 77 dals 23 da mars 2016, p. 1; midà tras l'Ordinaziun (UE) 2017/458, ABl. L 74 dals 18 da mars 2017, p. 1.

<sup>136</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>137</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>138</sup> SR **142.31**

<sup>139</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigur dapi il 1. d'oct. 2015 (AS **2015** 3023; BBI **2013** 2561).

<sup>140</sup> Aboli tenor l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), cun effect dapi il 1. da schan. 2011 (AS **2010** 5925; BBI **2009** 8881).

<sup>141</sup> Versiun tenor l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS **2010** 5925; BBI **2009** 8881).

b. ellas n'èn betg partidas entaifer il termin fixà.

<sup>2</sup> El<sup>142</sup> po disponer scumonds d'entrar en Svizra envers personas estras che:

- a. han cuntrafatg u pericliteschan la segirezza publica e l'urden public en Svizra u a l'exteriur;
- b. han chaschunà custs d'agid social;
- c. èn vegnidas prendidas en arrest preparatoric, en arrest d'expulsiun u en arrest pervia d'insubordinaziun (art. 75–78).

<sup>3</sup> Il scumond d'entrar en Svizra vegn disponi per ina durada da maximalmain 5 onns. El po vegnir disponi per ina perioda pli lunga, sche la persuna pertutgada è in privel gravant per la segirezza publica e per l'urden public.

<sup>4</sup> Per mantegnair la segirezza interna u externa da la Svizra po l'Uffizi federal da polizia (fedpol) disponer in scumond d'entrar en Svizra envers personas estras; el consultescha ordavant il Servetsch d'infurmaziun da la Confederaziun (SIC). Il fedpol po disponer scumonds d'entrar en Svizra per ina durada da dapli che 5 onns ed en cas gravants per ina durada illimitada.

<sup>5</sup> Per motivs umanitars u per auters motivs impurtants po l'autorità disponenta desister excepziunalmain da decretar in scumond d'entrar en Svizra u abolir definitivamain u temporarmain in scumond d'entrar en Svizra. En quest connex ston vegnir considerads en spezial ils motivs che han chaschunà il scumond d'entrar en Svizra sco er la proteccziun da la segirezza publica e da l'urden public ed il mantegniment da la segirezza interna u externa da la Svizra e vegnir cumparegliads cun ils interess privats da la persuna pertutgada.<sup>143</sup>

## Art. 68 Expulsiun

<sup>1</sup> Per mantegnair la segirezza interna u externa da la Svizra po il fedpol disponer in'expulsiun visavi personas estras: el consultescha ordavant il SIC.<sup>144</sup>

<sup>2</sup> Cun l'expulsiun sto vegnir fixà in termin da partenza adequat.

<sup>3</sup> L'expulsiun vegn colliada cun in scumond d'entrar en Svizra d'ina durada limitada u illimitada. L'autorità che dispona po abolir temporarmain il scumond d'entrar en Svizra, sch'i èn avant maun motivs impurtants.

<sup>4</sup> Sche la persuna pertutgada ha cuntrafatg considerablmain u repetidamain a la segirezza publica ed a l'urden public u ha periclità tals u ha periclità la segirezza interna u externa, po l'expulsiun vegnir exequida immediatamain.

<sup>142</sup> Expressiun tenor la cifra I 1 al. 1 da la LF dals 15 da zer. 2012 davart mesiras cunter maridaglias sfurzadas, en vigur dapi il 1. da fan. 2013 (AS 2013 1035; BBI 2011 2185).

<sup>143</sup> Versiun tenor la cifra 1 da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da personas estras criminalas), en vigur dapi il 1. d'oct. 2016 (AS 2016 2329; BBI 2013 5975).

<sup>144</sup> Versiun tenor la cifra I 2 da l'Ordinaziun dals 12 da dec. 2008 davart l'adattaziun da disposiziuns legalas pervia dal transferiment da las unitads d'infurmaziun dal servetsch d'analisa e prevenziun al DDPS, en vigur dapi il 1. da schan. 2009 (AS 2008 6261).

## Partiziun 4 Expulsiun ed acziuns internaziunalas da repatriament<sup>145</sup>

### Art. 69 Ordinaziun da l'expulsiun

<sup>1</sup> L'autorità chantunala cumpetenta expulsescha personas estras, sche:

- a. ellas laschan passar il termin ch'è vegnì fixà per lur partenza da la Svizra;
- b. lur spedita u lur expulsiun po vegnir exequida immediatamain;
- c.<sup>146</sup> ellas sa chattan en arrest tenor ils artitgels 76 e 77 ed igl è avant maun ina decisiun d'expulsiun u da spedita cun vigur legala u ina decisiun d'expulsiun cun vigur legala tenor l'artitgel 66a u 66a<sup>bis</sup> CP<sup>147</sup> u tenor l'artitgel 49a u 49a<sup>bis</sup> LPM<sup>148</sup>.

<sup>2</sup> Sche personas estras han la pussaivladad da bandunar la Svizra legalmain en plirs stadis, las po l'autorità cumpetenta expulsar en il pajais da lur tscherna.

<sup>3</sup> L'autorità cumpetenta po suspender l'expulsiun per in tschert temp, sche circumstanzas spezialas sco problems da la sanadad da la persuna pertutgada u la mancanza da meds da transport pretendan quai. L'autorità cumpetenta conferma a la persuna pertutgada en scrit la suspensiun da l'expulsiun.<sup>149</sup>

<sup>4</sup> Avant ch'expulsar personas estras minorennas betg accompagnadas verifitgescha l'autorità cumpetenta che quellas vegnian surdadas en il pajais da return ad in commember da la famiglia, ad in avugà ubain ad ina instituziun da recepziun che garantescha la protecciun da l'uffant.<sup>150</sup>

### Art. 70 Perquisiziun

<sup>1</sup> Durant ina procedura d'expulsiun u da spedita po l'autorità chantunala cumpetenta laschar perquirir la persuna pertutgada sco er chausas ch'ella porta cun sai, e quai per metter en segirezza documents da viadi e d'identità. La perquisiziun dastga vegnir fatga mo d'ina persuna da la medema schlattaina.

<sup>145</sup> Versiun tenor la cifra 1 da l'aggiunta dal COF dals 15 da dec. 2017 (surpigliada da l'Ordinaziun [UE] 2016/1624 davart la Guardia europeica da cunfin e da costa), en vigur dapi ils 15 da sett. 2018 (AS **2018** 3161; BBI **2017** 4155).

<sup>146</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>147</sup> SR **311.0**

<sup>148</sup> SR **321.0**

<sup>149</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS **2010** 5925; BBI **2009** 8881).

<sup>150</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS **2010** 5925; BBI **2009** 8881).

<sup>2</sup> Sche l'emprima istanza ha pronunzià ina decisiun, po l'autorità giudiziala ordinar la perquisiziun d'ina abitaziun u d'auters locals, sch'igl exista in suspect che la persuna che sto vegnir spedida u expulsada sa zuppia là ubain ch'i vegnian zuppads là documents da viadi e d'identità ch'èn necessaris per la procedura e per l'execuziun.<sup>151</sup>

**Art. 71** Sustegna da la Confederaziun per las autoritads executivas

Il Departament federal da giustia e polizia (DFGP) sustegna ils chantuns che han l'incumbensa d'exequir ina spedida, in'expulsiun tenor questa lescha u in'expulsiun tenor l'artitgel 66a u 66a<sup>bis</sup> CP<sup>152</sup> u tenor l'artitgel 49a u 49a<sup>bis</sup> LPM<sup>153</sup>, e quai cunzunt:<sup>154</sup>

- a. cun cooperar tar la procuraziun da documents da viadi;
- b. cun organisar il viadi;
- c.<sup>155</sup> cun garantir la collavuraziun tranter ils chantuns pertutgads ed il DFAE.

**Art. 71a**<sup>156</sup> Acziuns internaziunalas da repatriament

<sup>1</sup> Il SEM ed ils chantuns coopereschan a las acziuns internaziunalas da repatriament sin basa da l'Ordinaziun (UE) 2016/1624<sup>157</sup>.

<sup>2</sup> Il DFGP po far cun l'agentura da l'Uniun europeica ch'è competenta per survegliar ils cunfins exteriurs dal territori da Schengen cunvegna davart l'engaschament dal personal dal SEM e dals chantuns per las acziuns internaziunalas da repatriament sco er davart l'engaschament da terzas personas per la surveglianza dals repatriaments.

<sup>3</sup> Il DFGP fa cun ils chantuns ina cunvegna davart las modalitads da quests engaschaments.

<sup>151</sup> Versiun tenor la cifra 1 da l'aggiunta da la LF dals 14 da dec. 2012, en vigor dapi il 1. da favr. 2014 (AS 2013 4375 5357; BBI 2010 4455, 2011 7325).

<sup>152</sup> SR 311.0

<sup>153</sup> SR 321.0

<sup>154</sup> Versiun tenor la cifra 1 da l'aggiunta dal COF dals 15 da dec. 2017 (surpigliada da l'Ordinaziun [UE] 2016/1624 davart la Guardia europeica da cunfin e da costa), en vigor dapi ils 15 da sett. 2018 (AS 2018 3161; BBI 2017 4155).

<sup>155</sup> Versiun tenor la cifra 1 da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigor dapi il 1. d'oct. 2015 (AS 2015 3023; BBI 2013 2561).

<sup>156</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE) (AS 2010 5925; BBI 2009 8881). Versiun tenor la cifra 1 da l'aggiunta dal COF dals 15 da dec. 2017 (surpigliada da l'Ordinaziun [UE] 2016/1624 davart la Guardia europeica da cunfin e da costa), en vigor dapi ils 15 da sett. 2018 (AS 2018 3161; BBI 2017 4155).

<sup>157</sup> Ordinaziun (UE) 2016/1624 dal Parlament europeic e dal Cussegl dals 14 da sett. 2016 davart la Guardia europeica da cunfin e da costa per midar l'Ordinaziun (UE) 2016/399 dal Parlament europeic e dal Cussegl sco er per abolir l'Ordinaziun (CE) nr. 863/2007 dal Parlament europeic e dal Cussegl, l'Ordinaziun (CE) nr. 2007/2004 dal Cussegl e la decisiun 2005/267/CE dal Cussegl, versiun tenor ABl. L 251 dals 16 da sett. 2016, p. 1.

**Art. 71<sup>bis 158</sup>** Surveglianza da las expulsions e da las acziuns internaziunalas da repatriament

<sup>1</sup> Il Cussegl federal regla la procedura e las cumpetenzas per survegliar las expulsions e las acziuns internaziunalas da repatriament.

<sup>2</sup> El po confidar a terzas personas incumbensas en il rom da la surveglianza da las expulsions e da las acziuns internaziunalas da repatriament.

**Art. 71<sup>b159</sup>** Transmissiun da datas medicinalas per giuditgar l'abiltad da vegnir transportà

<sup>1</sup> La persuna medicinala spezialisada che fa il tractament transmita sin dumonda las datas medicinalas da las personas cun ina decisiun da spedita u d'expulsiun cun vigur legala, ch'èn necessarias per giuditgar lur abiltad da vegnir transportadas, a las suandantas autoritads, uschenavant che quellas dovran las datas per ademplir lur incumbensas legalas:

- a. autoritads chantunalas cumpetentas per la spedita u per l'expulsiun;
- b. ils collavuratur dal SEM ch'èn cumpetents per l'organisaziun centrala e per la coordinaziun da l'execuziun sfurzada da la spedita e da l'expulsiun;
- c. personas medicinalas spezialisadas che fan – per incumbensa dal SEM – la surveglianza medicinala tar l'execuziun da la spedita e da l'expulsiun il mument da la partenza da la Svizra.

<sup>2</sup> Il Cussegl federal regla la conservaziun e la stizzada da las datas.

**Art. 72<sup>160</sup>**

## Partiziun 5 Mesiras repressivas

**Art. 73** Fermanza curta

<sup>1</sup> L'autorità federala u chantunala cumpetenta po tegnair en fermanza personas che n'han nagina permissiun da dimora curta, nagina permissiun da dimora u nagina permissiun da domicil:

- a. per avrir ina disposiziun en connex cun lur status da dimora;
- b. per constatar lur identitad u lur naziunalitad, uschenavant che lur cooperaziun persunala è necessaria per far quai.

<sup>158</sup> Integrà tras la cifra 1 da l'aggiunta dal COF dals 15 da dec. 2017 (surpigliada da l'Ordinaziun [UE] 2016/1624 davart la Guardia europeica da cunfin e da costa), en vigur dapi ils 15 da sett. 2018 (AS 2018 3161; BBI 2017 4155).

<sup>159</sup> Integrà tras la cifra 1 da l'aggiunta da la LF dals 25 da sett. 2015, en vigur dapi il 1. da schan. 2018 (AS 2016 3101, 2017 6171; BBI 2014 7991).

<sup>160</sup> Aboli per il 1. da schan. 2008 tras la cifra IV 2 da la LF dals 16 da dec. 2005, cun effect dapi ils 24 da schan. 2008 (AS 2006 4745, 2007 5573; BBI 2002 3709).



<sup>2</sup> La persuna dastga vegnir tegnida en fermanza mo per la durada da la cooperaziun u da l'interrogaziun necessaria sco er per il transport ch'è eventualmain necessari, maximalmain dentant 3 dis.

<sup>3</sup> Sch'ina persuna vegn tegnida en fermanza, sto ella:

- a. vegnir infurmada davart il motiv da sia fermanza;
- b. avair la pussaivladad d'entrar en contact cun las personas che la surveglian, sch'ella basegna agid.

<sup>4</sup> Sche la fermanza dura probablamain dapli che 24 uras, sto la persuna pertutgada survegnir avant la pussaivladad da liquidar u da laschar liquidar chaussas personalas urgentas.

<sup>5</sup> Sin dumonda sto l'autorità giudiziala cumpetenta controllar posteriuramain la legitimitad da la fermanza.

<sup>6</sup> La durada da la fermanza na vegn betg messa a quint a la durada d'in eventual arrest d'expulsiun, d'in eventual arrest preparatoric u d'in eventual arrest pervia d'insubordinaziun.

**Art. 74** Assegnaziun d'in lieu da dimora e scumond d'entrar en in tschert territori

<sup>1</sup> L'autorità chantunala cumpetenta po far la cundiziun ad ina persuna estra da betg bandunar in territori ch'è vegni assegnà ad ella u da betg entrar en in tschert territori, sche:

- a. ella n'ha nagina permissiun da dimora curta, nagina permissiun da dimora u nagina permissiun da domicil ed ella disturba u periclitescha la segirezza publica e l'urden public; questa mesira serva cunzunt a cumbatter il commerzi illegal cun narcotics; u
- b.<sup>161</sup> ina decisiun da spedita u d'expulsiun cun vigur legala è avant maun ed indizis concrets laschan temair che la persuna pertutgada na vegnia betg a partir da la Svizra entaifer il termin fixà ubain ella n'ha betg observà il termin ch'è vegni fixà per ella per partir da la Svizra;
- c.<sup>162</sup> l'expulsiun è vegnida suspendida (art. 69 al. 3).

<sup>1bis</sup> L'autorità chantunala cumpetenta fa ad ina persuna che vegn collocada en in center spezial tenor l'artitgel 24a LAsil<sup>163</sup> la cundiziun da betg bandunar in territori ch'è vegni assegnà ad ella u da betg entrar en in tschert territori.<sup>164</sup>

<sup>161</sup> Versiun tenor l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>162</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>163</sup> SR 142.31

<sup>164</sup> Integrà tras la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS 2016 3101, 2018 2855; BBI 2014 7991).

<sup>2</sup> Questas mesiras vegnan ordinadas da l'autorità da quel chantun ch'è responsabel per exequir la spedita u l'expulsiun. Per persunas che sa trategnan en ils centers da la Confederaziun è cumpetent il chantun, nua che quest center sa chatta. Il scumond d'entrar en in tschert territori po vegnir decretà er da l'autorità da quel chantun, en il qual quest territori sa chatta.<sup>165</sup>

<sup>3</sup> Cunter l'ordinaziun da questas mesiras po vegnir fatg recurs tar in l'autorità chantunala giudiziala. Il recurs n'ha betg in effect suspensiv.

## Art. 75 Arrest preparatoric

<sup>1</sup> Per garantir l'execuziun d'ina procedura da spedita u ina procedura penala, en la quala smanatscha in'expulsiun tenor l'artitgel 66a u 66a<sup>bis</sup> CP<sup>166</sup> u tenor l'artitgel 49a u 49a<sup>bis</sup> LPM<sup>167</sup>, po l'autorità chantunala cumpetenta arrestar ina persuna estra che n'ha nagina permissiun da dimora curta, nagina permissiun da dimora u nagina permissiun da domicil, e quai durant la preparaziun da la decisiun davart sia permissiun da dimora durant maximalmain 6 mais, sch'ella:<sup>168</sup>

- a.<sup>169</sup> refusa d'inditgar sia identitad en la procedura d'asil, en la procedura da spedita u en la procedura penala, en la quala smanatscha in'expulsiun tenor l'artitgel 66a u 66a<sup>bis</sup> CP u tenor l'artitgel 49a u 49a<sup>bis</sup> LPM, inoltrescha pliras dumondas d'asil sut differentas identitads, na dat repetidamain betg suatientscha ad ina citaziun, e quai senza motivs suffizients, u n'observa betg autras ordinaziuns da las autoritads en la procedura d'asil;
- b. banduna in territori ch'è vegnì assegnà ad ella u entra en in territori ch'è scumandà per ella tenor l'artitgel 74;
- c. entra en il territori da la Svizra malgrà in scumond d'entrar en Svizra e na po betg vegnir spedita immediatamain;
- d. inoltrescha ina dumonda d'asil suenter che tala è vegnida refusada pervia d'ina revocaziun ch'è entrada en vigur legala (art. 62 e 63) u perquai che la permissiun n'è betg vegnida prolungada, perquai ch'ella aveva violà la segirezza publica e l'urden public u periclità la segirezza interna u externa;
- e. inoltrescha ina dumonda d'asil suenter ch'ella è vegnida expulsada (art. 68);
- f. sa trategna illegalmain en Svizra, inoltrescha ina dumonda d'asil ed intenziunescha uschia evidentamain d'evitar l'execuziun smanatschanta d'ina spedita u d'ina expulsiun; ina tala intenziun po vegnir supponida, sch'igl è stà pussaivel e raschunaivel d'inoltrar pli baud la dumonda d'asil e sche la dumonda vegn inoltrada en in stretg connex da temp cun in'arrestaziun, cun ina

<sup>165</sup> Versiun tenor la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS 2016 3101, 2018 2855; BBI 2014 7991).

<sup>166</sup> SR 311.0

<sup>167</sup> SR 321.0

<sup>168</sup> Versiun tenor la cifra 1 da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

<sup>169</sup> Versiun tenor la cifra 1 da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

procedura penala, cun l'execuziun d'in chasti u cun il decret d'ina disposiziun da spedita;

- g. smanatscha seriusamain autras personas u periclitescha considerablamain lur corp e lur vita e vegn persequitada penalmain pervia da quai u è vegnida sentenziada pervia da quai;
- h. è vegnida sentenziada pervia d'in crim.

l<sup>bis</sup> ...<sup>170</sup>

<sup>2</sup> L'autoritàd competenta decida senza retard davart il dretg da dimora da la persuna arrestada.

#### **Art. 76** Arrest d'expulsiun

<sup>1</sup> Sunter la comunicaziun d'ina decisiun da spedita u d'expulsiun d'emprima istanza tenor questa lescha ubain d'ina expulsìun d'emprima istanza tenor l'artitgel 66a u 66a<sup>bis</sup> CP<sup>171</sup> u tenor l'artitgel 49a u 49a<sup>bis</sup> LPM<sup>172</sup>, po l'autoritàd competenta prender las suandantas mesiras per garantir l'execuziun:<sup>173</sup>

- a. laschar la persuna pertutgada vinavant en arrest, sch'ella sa chatta gia en arrest sin basa da l'artitgel 75;
- b. arrestar la persuna pertutgada, sche:
  - 1.<sup>174</sup> i èn avant maun motivs tenor l'artitgel 75 alinea 1 literas a, b, c, f, g u h,
  - 2.<sup>175</sup> ...
  - 3.<sup>176</sup> indizis concrets laschan temair ch'ella veglia mitschar da l'expulsiun, cunzunt perquai ch'ella n'ademplescha betg l'obligaziun da cooperar tenor l'artitgel 90 da questa lescha sco er tenor l'artitgel 8 alinea 1 litera a u alinea 4 LAsil<sup>177</sup>,
  4. ses cumportament d'enfin ussa lascha concluder ch'ella s'opponia ad ordinaziuns uffizialas,

<sup>170</sup> Integrà tras l'art. 2 cifra I dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE) (AS **2010** 5925; BBI **2009** 8881). Aboli tras la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è competent per examinar ina dumonda da proteziun internaziunala), cun effect dapi il 1. da fan. 2015 (AS **2015** 1841; BBI **2014** 2675).

<sup>171</sup> SR **311.0**

<sup>172</sup> SR **321.0**

<sup>173</sup> Versiun tenor la cifra IV 1 da la LF dals 25 da sett. 2015, en vigur dapi il 1. da mars 2019 (AS **2016** 3101, **2018** 2855; BBI **2014** 7991).

<sup>174</sup> Versiun tenor la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è competent per examinar ina dumonda da proteziun internaziunala), en vigur dapi il 1. da fan. 2015 (AS **2015** 1841; BBI **2014** 2675).

<sup>175</sup> Aboli tras la cifra 1 da l'aggiunta da la LF dals 14 da dec. 2012, cun effect dapi il 1. da favr. 2014 (AS **2013** 4375 5357; BBI **2010** 4455, **2011** 7325).

<sup>176</sup> Versiun tenor la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS **2016** 3101, **2018** 2855; BBI **2014** 7991).

<sup>177</sup> SR **142.31**

5.<sup>178</sup> la decisiun da spedita è vegnida averta en in center da la Confederaziun e l'execuziun da la spedita è previsibla.

6.<sup>179</sup> ...

<sup>1bis</sup> En ils cas da Dublin sa drizza l'ordinaziun da l'arrest tenor l'artitgel 76a.<sup>180</sup>

<sup>2</sup> L'arrest tenor l'alinea 1 litera b cifra 5 dastga durar maximalmain 30 dis.<sup>181</sup>

<sup>3</sup> Ils dis d'arrest ston vegnir mess a quint a la durada maximala tenor l'artitgel 79.<sup>182</sup>

<sup>4</sup> Las mesiras ch'èn necessarias per exequir la spedita, l'expulsiun tenor questa lescha u l'expulsiun tenor l'artitgel 66a u 66a<sup>bis</sup> CP u tenor l'artitgel 49a u 49a<sup>bis</sup> LPM ston vegnir prendidas immediatamain.<sup>183</sup>

### Art. 76a<sup>184</sup> Arrest en il rom da la procedura da Dublin

<sup>1</sup> Per garantir la spedita da la persuna estra pertutgada en il stadi da Dublin ch'è cumpetent per la procedura d'asil, po l'autorità cumpetenta arrestar questa persuna, sche las suandantas cundiziuns èn ademplidas en il cas singul:

- a. indizis concrets laschan temair che la persuna veglia mitschar da l'execuziun da la spedita;
- b. l'arrest è proporzional; e
- c. mesiras main rigurusas na pon betg vegnir applitgadas en moda efficazia (art. 28 al. 2 da l'Ordinaziun [UE] nr. 604/2013<sup>185</sup>).

<sup>178</sup> Versiun tenor la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS 2016 3101, 2018 2855; BBI 2014 7991).

<sup>179</sup> Integrà tras l'art. 2 cifra I dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE) (AS 2010 5925; BBI 2009 8881). Aboli tras la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissemes per determinar il stadi commember ch'è cumpetent per examinar ina dumonda da protecziun internaziunala), cun effect dapi il 1. da fan. 2015 (AS 2015 1841; BBI 2014 2675).

<sup>180</sup> Integrà tras la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissemes per determinar il stadi commember ch'è cumpetent per examinar ina dumonda da protecziun internaziunala), en vigur dapi il 1. da fan. 2015 (AS 2015 1841; BBI 2014 2675).

<sup>181</sup> Versiun tenor la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissemes per determinar il stadi commember ch'è cumpetent per examinar ina dumonda da protecziun internaziunala), en vigur dapi il 1. da fan. 2015 (AS 2015 1841; BBI 2014 2675).

<sup>182</sup> Versiun tenor la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissemes per determinar il stadi commember ch'è cumpetent per examinar ina dumonda da protecziun internaziunala), en vigur dapi il 1. da fan. 2015 (AS 2015 1841; BBI 2014 2675).

<sup>183</sup> Versiun tenor la cifra I da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigur dapi il 1. d'oct. 2016 (AS 2016 2329; BBI 2013 5975).

<sup>184</sup> Integrà tras la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissemes per determinar il stadi commember ch'è cumpetent per examinar ina dumonda da protecziun internaziunala), en vigur dapi il 1. da fan. 2015 (AS 2015 1841; BBI 2014 2675).

<sup>185</sup> Guardar annotaziun da l'art. 64a al. 1.

<sup>2</sup> Ils suandants indizis concrets laschan temair che la persuna pertutgada veglia mischar da l'execuziun da la spedita:

- a. en la procedura d'asil u da spedita n'observa la persuna pertutgada betg las ordinaziuns da las autoritads, en spezial tras quai ch'ella refusa da revelar sia identitad, ed ella n'ademplescha uschia betg sia obligaziun da cooperar tenor l'artitgel 3 alinea 1 litera a LAsil<sup>186</sup> u na dat repetidamain e senza motivs suffizients betg suatientscha ad ina citaziun;
- b. ses cumportament en Svizra u a l'exteriur lascha concluder ch'ella s'opponia ad ordinaziuns uffizialas;
- c. ella inoltescha pliras dumondas d'asil sut differentas identitads;
- d. ella banduna in territori ch'è vegnì assegnà ad ella u entra en in territori ch'è scumandà per ella tenor l'artitgel 74;
- e. malgrà in scumond d'entrar en Svizra entra ella en il territori da la Svizra e na po betg vegnir spedita immediatamain;
- f. ella sa trategna illegalmain en Svizra, inoltescha ina dumonda d'asil ed intenziunescha uschia evidentamain d'evitar l'execuziun smanatschanta d'ina spedita;
- g. ella smanatscha seriusamain autras personas u periclitescha considerablamain lur corp e lur vita e vegn persequitada penalmain pervia da quai u è vegnida sentenziada pervia da quai;
- h. ella è vegnida sentenziada pervia d'in crim;
- i. envers l'autorità competenta neghescha ella ch'ella posseda u ha possedi in titel da dimora respectivamain in visum en in stadi da Dublin u ch'ella ha inoltrà là ina dumonda d'asil.

<sup>3</sup> A partir da l'ordinaziun da l'arrest po la persuna pertutgada vegnir laschada vinvant en arrest u vegnir prendida en arrest per ina durada da maximalmain:

- a. 7 emnas durant la preparaziun da la decisiun davart la competenzaa per la dumonda d'asil; latiers tutgan l'inoltraziun da la dumonda a l'auter stadi da Dublin da surpigliar la persuna, il temp da spetga fin a la resposta u fin a l'acceptaziun taciturna da la dumonda sco er la redacziun da la decisiun e la comunicaziun da tala;
- b. 5 emnas durant ina procedura tenor l'artitgel 5 da l'Ordinaziun (CE) nr. 1560/2003<sup>187</sup>;

<sup>186</sup> SR 142.31

<sup>187</sup> Ordinaziun (CE) nr. 1560/2003 da la Cumissiun dals 2 da sett. 2003 cun disposiziuns executivas da l'Ordinaziun (CE) nr. 343/2003 dal Cussegl davart la fixaziun dals criteris e dals mecanissem per determinar il stadi commember ch'è competent per examinar ina dumonda d'asil inoltrada en in dals stadis commembers tras in burgais d'in terz stadi, ABl. L 222 dals 5 da sett. 2003, p. 3.

- c. 6 emnas per garantir l'execuziun tranter la comunicaziun da la decisiun da spedita u d'expulsiun respectivamain sunter la terminaziun da l'effect suspensiv d'in eventual med legal inoltrà cunter la decisiun da spedita u d'expulsiun pronunziada da l'emprima istanza e tranter il transferiment da la persuna pertutgada al stadi da Dublin cumpetent.

<sup>4</sup> Sch'ina persuna refusa d'entrar en in med da transport en vista a la realisaziun dal transferiment en il stadi da Dublin cumpetent u sch'ella impedescha en outra moda e maniera il transferiment tras ses cumportament persunal, po ella vegnir prendida en arrest per garantir il transferiment, uschenavant ch'i n'è betg pli pussaivel d'ordinar l'arrest tenor l'alineia 3 litera c ed ina mesira main rigurusa è invana. L'arrest dastga durar mo uschè ditg, fin ch'in nov transferiment è pussaivel, maximalmain dentant 6 emnas. Cun il consentiment da l'autorità giudiziala po l'arrest vegnir prolungà, sche la persuna pertutgada n'è vinavant betg pronta da midar ses cumportament. Quest arrest dura maximalmain 3 mais.

<sup>5</sup> Ils dis d'arrest ston vegnir mess a quint a la durada maximala tenor l'artitgel 79.

**Art. 77** Arrest d'expulsiun en cas che la cooperaziun manca tar la procuraziun dals documents da viadi

<sup>1</sup> Per garantir l'execuziun da la spedita u da l'expulsiun po l'autorità chantunala cumpetenta arrestar ina persuna, sche:

- a. ina decisiun executabla è avant maun;
- b. questa persuna n'ha betg bandunà la Svizra entaifer il termin fixà; e
- c. ella ha stuì procurar ils documents da viadi per questa persuna.

<sup>2</sup> L'arrest dastga durar maximalmain 60 dis.

<sup>3</sup> Las mesiras ch'èn necessarias per exequir la spedita u l'expulsiun ston vegnir prendidas immediatamain.

**Art. 78** Arrest pervia d'insubordinaziun

<sup>1</sup> Sch'ina persuna estra n'ha betg adempli sia obligaziun da partir da la Svizra entaifer il termin ch'è vegnì fixà per ella e sche la spedita legalmain valaivla, l'expulsiun legalmain valaivla tenor questa lescha u l'expulsiun legalmain valaivla tenor l'artitgel 66a u 66a<sup>bis</sup> CP<sup>188</sup> u tenor l'artitgel 49a u 49a<sup>bis</sup> LPM<sup>189</sup> na po betg vegnir exequida pervia da ses cumportament persunal, po ella vegnir arrestada per garantir ch'ella adempleschia l'obligaziun da partir da la Svizra, premiss che l'ordinaziun da l'arrest d'expulsiun na saja betg admissa e ch'ina outra mesira main severa n'haja nagin success.<sup>190</sup>

<sup>188</sup> SR 311.0

<sup>189</sup> SR 321.0

<sup>190</sup> Versiun tenor la cifra 1 da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigor dapi il 1. d'oct. 2016 (AS 2016 2329; BBI 2013 5975).

<sup>2</sup> L'arrest po vegnir ordinà per 1 mais. Cun il consentiment da l'autorità chantunala giudiziala po el vegnir prolungà per mintgamai 2 mais, sche la persuna pertutgada n'è vinavant betg pronta da midar ses cumportament e da partir da la Svizra. L'artitgel 79 resta resalvà.<sup>191</sup>

<sup>3</sup> L'arrest e sia prolungaziun vegnan ordinads da l'autorità da quel chantun ch'è responsabel per l'execuziun da la spedida u da l'expulsiun. Sch'ina persuna pertutgada è gia en arrest sin basa da l'artitgel 75, 76 u 77, po ella vegnir laschada vinavant en arrest, sche las premissas da l'alinea 1 èn ademplidas.<sup>192</sup>

<sup>4</sup> L'emprima ordinaziun da l'arrest sto vegnir controllada d'ina autorità giudiziala il pli tard suenter 96 uras, e quai sin basa d'ina tractativa a bucca. Sin dumonda da la persuna arrestada sto la prolungaziun da l'arrest vegnir controllada da l'autorità giudiziala entaifer 8 dis da lavur, e quai sin basa d'ina tractativa a bucca. La cumpeienza da controlla sa drizza tenor l'artitgel 80 alineas 2 e 4.

<sup>5</sup> Las cundiziuns d'arrest sa drizzan tenor l'artitgel 81.

<sup>6</sup> L'arrest vegn terminà, sche:

- a. ina partenza da la Svizra n'è betg pussaivla en moda independenta e conform a l'obligaziun, schebain che la persuna pertutgada ha adempli las obligaziuns da cooperar cun las autoritàs;
- b. la partenza da la Svizra ha lieu conform a las instrucziuns;
- c. l'arrest d'expulsiun vegn ordinà;
- d. ina dumonda da vegnir relaschà da l'arrest vegn ademplida.

**Art. 79**<sup>193</sup> Durada maximala da l'arrest

<sup>1</sup> L'arrest preparatoric e l'arrest d'expulsiun tenor ils artitgels 75–77 sco er l'arrest pervia d'insubordinaziun tenor l'artitgel 78 na dastgan betg surpassar ensemen la durada maximala d'arrest da 24 mais.

<sup>2</sup> La durada maximala da l'arrest po vegnir prolungada cun il consentiment da l'autorità giudiziala chantunala per ina tscherta durada, dentant maximalmain per 12 mais, per personas minorennas tranter 15 e 18 onns per maximalmain 6 mais, sche:

- a. la persuna pertutgada na cooperescha betg cun l'autorità cumpetenta;
- b. la transmissiun dals documents ch'èn necessaris per la partenza da la Svizra tras in stadi che n'è betg in stadi da Schengen sa retardescha.

<sup>191</sup> Versiun tenor l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>192</sup> Versiun tenor la cifra 1 l da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è cumpetent per examinar ina dumonda da protecziun internaziunala), en vigur dapi il 1. da fan. 2015 (AS 2015 1841; BBI 2014 2675).

<sup>193</sup> Versiun tenor l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

**Art. 80** Ordinaziun da l'arrest e controlla da l'arrest

<sup>1</sup> L'arrest vegn ordinà da las autoritads da quel chantun ch'è responsabel per l'execuziun da la spedita u da l'expulsiun. Per persunas che sa trategnan en ils centers da la Confederaziun è responsabel per l'ordinaziun da l'arrest preparatoric (art. 75) il chantun, nua ch'il center sa chatta. En ils cas tenor l'artitgel 76 alinea 1 litera b cifra 5 vegn l'arrest ordinà dal chantun, nua ch'il center da la Confederaziun sa chatta.<sup>194</sup>

<sup>1bis</sup> En ils cas tenor l'artitgel 76 alinea 1 litera b cifra 5 vegn l'arrest ordinà dal chantun, nua ch'il center da la Confederaziun sa chatta; sch'in auter chantun ch'il chantun, nua ch'il center da la Confederaziun sa chatta, è – sin basa da l'artitgel 46 alinea 1<sup>bis</sup> terza frasa LAsil<sup>195</sup> – vegnì declerà sco cumpetent per exequir la spedita, è el cumpetent per ordinar l'arrest.<sup>196</sup>

<sup>2</sup> La legitimitad e la commensurabladad da l'arrest ston vegnir controlladas d'ina autoritad giudiziala il pli tard suenter 96 uras, e quai sin basa d'ina tractativa a bucca. Sche l'arrest d'expulsiun è vegnì ordinà tenor l'artitgel 77, vegn la procedura per controllar l'arrest fatga en scrit.<sup>197</sup>

<sup>2bis</sup> En cas d'in arrest tenor l'artitgel 76 alinea 1 litera b cifra 5 vegnan – sin dumonda da la persuna arrestada – la legitimitad e la commensurabladad da l'arrest controlladas d'ina autoritad giudiziala en ina procedura en scrit. Questa controlla po vegnir dumandada da tut temp.<sup>198</sup>

<sup>3</sup> L'autoritad giudiziala po renunziar ad ina tractativa a bucca, sche l'expulsiun vegn previsiblamain a succeder entaifer 8 dis suenter l'ordinaziun da l'arrest e sche la persuna pertutgada ha declerà en scrit ch'ella saja d'accord cun quai. Sche l'expulsiun na po betg vegnir fatga entaifer quest termin, sto ina tractativa a bucca vegnir prendida suenter il pli tard 12 dis suenter l'ordinaziun da l'arrest.

<sup>4</sup> Tar la controlla d'ina decisiun davart l'ordinaziun, davart la cuntinuaziun e davart l'aboliziun da l'arrest resguarda l'autoritad giudiziala er las relaziuns famigliaras da la persuna arrestada e las circumstanzas da l'execuziun da l'arrest. Igl è exclus d'ordinar in arrest preparatoric, in arrest d'expulsiun u in arrest pervia d'insubordinaziun envers uffants e giuvenils che n'han betg anc cumplenì 15 onns.<sup>199</sup>

<sup>194</sup> Versiun tenor la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS 2016 3101, 2018 2855; BBI 2014 7991).

<sup>195</sup> SR 142.31

<sup>196</sup> Integrà tras la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS 2016 3101, 2018 2855; BBI 2014 7991).

<sup>197</sup> Versiun tenor l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS 2010 5925; BBI 2009 8881).

<sup>198</sup> Integrà tras l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE) (AS 2010 5925; BBI 2009 8881). Versiun tenor la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS 2016 3101, 2018 2855; BBI 2014 7991).

<sup>199</sup> Versiun da la segunda frasa tenor la cifra 1 da la LF dals 26 da sett. 2014, en vigur dapi il 1. da mars 2015 (AS 2015 533; BBI 2014 3373).



<sup>5</sup> 1 mais suenter che l'arrest è vegnì controllà po la persuna arrestada inoltrar ina dumonda da vegnir relaschada da l'arrest. Davart la dumonda sto l'autorità giudiziala decider entaifer 8 dis da lavur sin basa d'ina tractativa a bucca. Ina nova dumonda da vegnir relaschà da l'arrest po vegnir fatga suenter 1 mais en cas da l'arrest tenor l'artitgel 75 u suenter 2 mais en cas da l'arrest tenor l'artitgel 76.

<sup>6</sup> L'arrest vegn terminà, sche:

- a. il motiv d'arrest scada u i sa mussa che la spedita u l'expulsiun n'è betg exequibla per motivs giuridics u effectivs;
- b. ina dumonda da vegnir relaschà da l'arrest vegn ademplida;
- c. la persuna arrestada cumenza in chasti u ina mesira da detenziun.

**Art. 80a<sup>200</sup>** Ordinaziun da l'arrest e controlla da l'arrest en il rom da la procedura da Dublin

<sup>1</sup> Per ordinar l'arrest tenor l'artitgel 76a è competent:

- a.<sup>201</sup> en cas da personas che sa trategnan en in center da la Confederaziun: il chantun ch'è – sin basa da l'artitgel 46 alinea 1<sup>bis</sup> terza frasa LAsil<sup>202</sup> – vegnì designà sco competent per exequir la spedita, ed en ils ulteriurs cas il chantun, nua ch'il center da la Confederaziun sa chatta;
- b. en cas da personas ch'èn vegnidas attribuidas ad in chantun u che sa trategnan en in chantun senza avair inoltrà ina dumonda d'asil (art. 64a): il chantun correspondent.

<sup>2</sup> ...<sup>203</sup>

<sup>3</sup> Sin dumonda da la persuna arrestada vegnan la legitimitad e la commensurabladad da l'arrest controlladas d'ina autorità giudiziala en ina procedura en scrit. Questa controlla po vegnir dumandada da tut temp.<sup>204</sup>

<sup>4</sup> La persuna arrestada po inoltrar da tut temp ina dumonda da vegnir relaschada da l'arrest. Davart la dumonda sto l'autorità giudiziala decider entaifer 8 dis da lavur en ina procedura en scrit.

<sup>5</sup> L'ordinaziun da l'arrest envers uffants e giuvenils sut 15 onns è esclusa.

<sup>6</sup> En cas d'ina ordinaziun d'arrest envers requirents d'asil minorens betg accompagnads vegn infurmada ordavant la persuna da confidenza tenor l'artitgel 64a alinea 3<sup>bis</sup> da questa lescha u tenor l'artitgel 17 alinea 3 LAsil.

<sup>200</sup> Integrà tras la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è competent per examinar ina dumonda da proteczium internaziunala), en vigur dapi il 1. da fan. 2015 (AS 2015 1841; BBl 2014 2675).

<sup>201</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>202</sup> SR 142.31

<sup>203</sup> Aboli tras la cifra 1 da l'aggiunta da la LF dals 25 da sett. 2015, cun effect dapi il 1. da mars 2019 (AS 2016 3101, 2018 2855; BBl 2014 7991).

<sup>204</sup> Versiun tenor la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS 2016 3101, 2018 2855; BBl 2014 7991).

<sup>7</sup> L'arrest vegn terminà, sche:

- a. il motiv d'arrest scada u i sa mussa che la spedita u che l'expulsiun n'è betg exequibla per motivs giuridics u effectivs;
- b. ina dumonda da vegnir relaschà da l'arrest vegn ademplida; u
- c. la persuna arrestada cumenza in chasti u ina mesira da detenziun.

<sup>8</sup> Tar la controlla d'ina decisiun davart l'ordinaziun, davart la cuntinuaziun e davart l'aboliziun da l'arrest resguarda l'autorità giudiziala er las relaziuns famigliaras da la persuna arrestada e las circumstanzas da l'execuziun da l'arrest.

### Art. 81<sup>205</sup> Cundiziuns d'arrest

<sup>1</sup> Ils chantuns procuran ch'ina persuna che vegn designada da la persuna estra arrestada e che sa chatta en Svizra vegnia infurmada. La persuna arrestada po avair contact a bucca u en scrit cun sia represchentanza legala sco er cun confamigliars e cun autoritads consularas.

<sup>2</sup> L'arrest sto vegnir exequì en instituziuns d'arrest che servan ad exequir l'arrest preparatoric, l'arrest d'expulsiun e l'arrest pervia d'insubordinaziun. Sche quai n'è betg pussaivel en spezial per motivs da capacitad en cas excepziunals, ston las persunas estras arrestadas vegnir collocadas separadamain da persunas en l'arrest d'inquisiziun u en l'execuziun da chastis.<sup>206</sup>

<sup>3</sup> Concepind l'arrest stoi vegnir tegnì quint dals basegns da persunas che basegnan protecciun, da persunas minorennas betg accompagnadas e da famiglias cun uffants minorens.<sup>207</sup>

<sup>4</sup> Plinavant sa drizzan las cundiziuns d'arrest:

- a. en cas da repatriaments en in terz stadi: tenor ils artitgels 16 alinea 3 e 17 da la Directiva 2008/115/CE<sup>208</sup>;
- b. en cas da transferiments da Dublin: tenor l'artitgel 28 alinea 4 da l'Ordinaziun (UE) nr. 604/2013<sup>209</sup>;

<sup>205</sup> Versiun tenor l'art. 2 cifra 1 dal COF dals 18 da zer. 2010 concernent la surpigliada da la Directiva da repatriament da la CE (Directiva 2008/115/CE), en vigur dapi il 1. da schan. 2011 (AS **2010** 5925; BBI **2009** 8881).

<sup>206</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>207</sup> Versiun tenor la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è cumpetent per examinar ina dumonda da protecciun internaziunala), en vigur dapi il 1. da fan. 2015 (AS **2015** 1841; BBI **2014** 2675).

<sup>208</sup> Directiva 2008/115/CE dal Parlament europeic e dal Cussegl dals 16 da dec. 2008 davart normas e proceduras cuminaivlas applitgablhas en ils stadis commembers per repatriar burgais da terzs stadis cun ina dimora illegala, versiun tenor ABI. L 348 dals 24 da dec. 2008, p. 98.

<sup>209</sup> Guardar annotaziun da l'art. 64a al. 1.

c.<sup>210</sup> tenor l'artitgel 37 da la Convenziun dals 20 da november 1989<sup>211</sup> davart ils dretgs da l'uffant.<sup>212</sup>

### **Art. 82**<sup>213</sup> Finanziaziun tras la Confederaziun

<sup>1</sup> La Confederaziun po finanziar dal tuttafatg u per part la construcziun e l'endrizzament da praschuns chantunals d'ina tscherta grondezza che servan unicamain a l'execuziun da l'arrest preparatoric, da l'arrest d'expulsiun e da l'arrest pervia d'insubordinaziun sco er a la fermanza da curta durada. Per la calculaziun da las contribuziuns e per la procedura valan tenor il senn la 2. e la 6. secziun da la Lescha federala dals 5 d'october 1984<sup>214</sup> davart las prestaziuns da la Confederaziun per l'execuziun da chastis e da mesiras.

<sup>2</sup> La Confederaziun sa participescha cun ina pauschala per di vi dals custs da gestiun dals chantuns per exequir l'arrest preparatoric, l'arrest d'expulsiun e l'arrest pervia d'insubordinaziun sco er la fermanza da curta durada. La pauschala vegn pajada per:

- a. requirents d'asil;
- b. fugitivs sco er autras personas estras, da las qualas l'arrestaziun stat en connex cun l'aboliziun d'ina admissiun provisorica;
- c. personas estras, da las qualas l'arrestaziun è vegnida ordinada en connex cun ina disposiziun da spedita dal SEM;
- d. fugitivs che vegnan expulsads tenor l'artitgel 65 LAsil<sup>215</sup>.

## **Chapitel 11 Admissiun provisorica**

### **Art. 83** Ordinaziun da l'admissiun provisorica

<sup>1</sup> Sche l'execuziun da la spedita u da l'expulsiun n'è betg pussaivla, betg admissa u betg raschunaivla, dispona il SEM l'admissiun provisorica.

<sup>2</sup> L'execuziun n'è betg pussaivla, sche la persuna estra na po ni returnar ni vegnir manada en il stadi d'origin, en il stadi da derivanza u en in ulteriur stadi.

<sup>3</sup> L'execuziun n'è betg admissa, sche la persuna estra na po betg cuntinuar il viadi en il stadi d'origin, en il stadi da derivanza u en in ulteriur stadi pervia d'obligaziuns internaziunalas da la Svizra.

<sup>210</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infirmaziun), en vigur dapi il 1. da zer. 2019 (AS **2019** 1413; BBl **2018** 1685).

<sup>211</sup> SR **0.107**

<sup>212</sup> Integrà tras la cifra I 1 da l'aggiunta dal COF dals 26 da sett. 2014 (surpigliada da l'O [UE] nr. 604/2013 davart la fixaziun dals criteris e dals mecanissem per determinar il stadi commember ch'è cumpetent per examinar ina dumonda da protecziun internaziunala), en vigur dapi il 1. da fan. 2015 (AS **2015** 1841; BBl **2014** 2675).

<sup>213</sup> Versiun tenor la cifra 1 da l'aggiunta da la LF dals 14 da dec. 2012, en vigur dapi il 1. da favr. 2014 (AS **2013** 4375 5357; BBl **2010** 4455, **2011** 7325).

<sup>214</sup> SR **341**

<sup>215</sup> SR **142.31**

<sup>4</sup> L'execuziun po esser nunraschunai vla per ina persuna estra, sch'ella è periclitada concretamain tras situaziuns da guerra, da guerra civila, da violenza generala e tras situaziuns medicinalas d'urgenza en il stadi d'origin u da derivanza.

<sup>5</sup> Il Cussegl federal designescha stadis d'origin u da derivanza u territoris da quests stadis, en ils quals in return è pussaivel. Sche persunas estras speditas u expulsadas derivan d'in da quests stadis u d'in stadi commember da la UE u da la AECL, èsi per regla pussaivel d'execuir la spedita u l'expulsiun.<sup>216</sup>

<sup>5bis</sup> Il Cussegl federal controllescha periodicamain il conclud tenor l'aleina 5.<sup>217</sup>

<sup>6</sup> L'admissiun provisorica po vegnir dumandada da las autoritads chantunalas.

<sup>7</sup> L'admissiun provisorica tenor ils alineas 2 e 4 na vegn betg disponida, sche la persuna estra spedita u expulsada:

- a.<sup>218</sup> è vegnida sentenziada en Svizra u a l'exteriur ad in chasti da detenziun d'ina durada pli lunga u igl è vegnida ordinada ina mesira penala en il senn dals artitgels 59–61 u 64 CP<sup>219</sup> cunter ella;
- b. ha cuntrafatg considerablmain u repetidamain a la segirezza publica ed a l'urden public en Svizra u a l'exteriur u ha periclità tals u ha periclità la segirezza interna u externa; u
- c. ha chaschunà cun ses agen cumportament che l'execuziun da la spedita u da l'expulsiun n'è betg pussaivla.

<sup>8</sup> Fugitivs, tar ils quals èn avant maun motifs d'exclusiun d'asil tenor ils artitgels 53 e 54 LAsil<sup>220</sup>, vegnan admess provisoricamain.

<sup>9</sup> L'admissiun provisorica na vegn betg disponida u scada, sch'ina expulsiun tenor l'artitgel 66a u 66a<sup>bis</sup> CP u tenor l'artitgel 49a u 49a<sup>bis</sup> LPM<sup>221</sup> è entrada en vigor.<sup>222</sup>

<sup>10</sup> Las autoritads chantunalas pon concluder cunvegna d'integraziun cun persunas admessas provisoricamain, sch'igl è avant maun in basegn d'integraziun spezial tenor ils criteris da l'artitgel 58a.<sup>223</sup>

<sup>216</sup> Versiun tenor la cifra 1 da l'aggiunta da la LF dals 14 da dec. 2012, en vigor dapi il 1. da favr. 2014 (AS 2013 4375 5357; BBl 2010 4455, 2011 7325). Guardar er las disposiziuns transitoricas da questa midada a la fin dal text.

<sup>217</sup> Integrà tras la cifra 1 da l'aggiunta da la LF dals 14 da dec. 2012, en vigor dapi il 1. da favr. 2014 (AS 2013 4375 5357; BBl 2010 4455, 2011 7325). Guardar er las disposiziuns transitoricas da questa midada a la fin dal text.

<sup>218</sup> Versiun tenor la cifra 1 da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigor dapi il 1. d'oct. 2016 (AS 2016 2329; BBl 2013 5975).

<sup>219</sup> SR 311.0

<sup>220</sup> SR 142.31

<sup>221</sup> SR 321.0

<sup>222</sup> Integrà tras la cifra 1 da l'aggiunta da la LF dals 20 da mars 2015 (realisaziun da l'art. 121 al. 3–6 Cst. davart l'expulsiun da persunas estras criminalas), en vigor dapi il 1. d'oct. 2016 (AS 2016 2329; BBl 2013 5975).

<sup>223</sup> Integrà tras la cifra 1 da la LF dals 16 da dec. 2016 (integraziun), en vigor dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

**Art. 84** Finiziun da l'admissiun provisorica

<sup>1</sup> Il SEM examinescha periodicamain, sche las premissas per l'admissiun provisorica èn anc dadas.

<sup>2</sup> El abolescha l'admissiun provisorica ed ordinescha l'execuziun da la spedida u da l'expulsiun, sche las premissas n'èn betg pli dadas.

<sup>3</sup> Sin dumonda da las autoritads chantunalas u dal fedpol u dal SIC po il SEM abolir l'admissiun provisorica, perquai che l'execuziun n'è betg raschunaivla u betg pussaivla (art. 83 al. 2 e 4), ed ordinar l'execuziun da la spedida, sche motivs tenor l'artitgel 83 alinea 7 èn dads.<sup>224</sup>

<sup>4</sup> L'admissiun provisorica scada, sche la persona estra parta definitivamain da la Svizra, sch'ella sa trategna passa 2 mais senza permissiun a l'exteriur u sch'ella survegn ina permissiun da dimora.<sup>225</sup>

<sup>5</sup> Dumondas per conceder ina permissiun da dimora che vegnan inoltradas da persunas estras ch'èn admessas provisoricamain e che sa trategnan dapi passa 5 onns en Svizra vegnan examinadas pli detagliadamain, e quai considerond l'integraziun, las relaziuns famigliaras e la raschunaivladad d'in return en il stadi da derivanza.

**Art. 85** Concepziun da l'admissiun provisorica

<sup>1</sup> Il document da legitimaziun per persunas ch'èn admessas provisoricamain (art. 41 al. 2) vegn emess dal chantun da dimora per maximalmain 12 mais per la controlla e vegn prolungà cun resalva da l'artitgel 84.

<sup>2</sup> Per reparter las persunas ch'èn admessas provisoricamain è applitgabel l'artitgel 27 LAsil<sup>226</sup> tenor il senn.

<sup>3</sup> Las persunas ch'èn admessas provisoricamain ston inoltrar la dumonda da midar il chantun tar il SEM. Cun resalva da l'alinea 4 decida quel definitivamain davart la midada dal chantun suenter avair tadlà ils chantuns pertutgads.

<sup>4</sup> La decisiun davart la midada dal chantun po vegnir contestada mo cun la motivaziun ch'ella violeschia il princip da l'unitad da la famiglia.

<sup>5</sup> Las persunas ch'èn admessas provisoricamain pon tscherner libramain lur lieu da domicil en il territori dal chantun d'enfin ussa u dal chantun assegnà. Las autoritads chantunalas pon attribuir in lieu da domicil u in alloschi entaifer il chantun a las persunas admessas provisoricamain che n'èn betg vegnidas reconuschidas sco fugitivs e che retiran agid social.<sup>227</sup>

<sup>224</sup> Versiun tenor la cifra I 2 da l'Ordinaziun dals 12 da dec. 2008 davart l'adattaziun da disposiziuns legalas pervia dal transferiment da las unitads d'infurmaziun dal servetsch d'analisa e prevenziun al DDPS, en vigor dapi il 1. da schan. 2009 (AS 2008 6261).

<sup>225</sup> Versiun tenor la cifra 1 da l'aggiunta da la LF dals 14 da dec. 2012, en vigor dapi il 1. da favr. 2014 (AS 2013 4375 5357; BBI 2010 4455, 2011 7325).

<sup>226</sup> SR 142.31

<sup>227</sup> Integrà la segunda frasa tras la cifra 1 da l'aggiunta da la LF dals 14 da dec. 2012, en vigor dapi il 1. da favr. 2014 (AS 2013 4375 5357; BBI 2010 4455, 2011 7325).

6 ...228

<sup>7</sup> Per conjugals e per uffants nubils sut 18 onns da persunas ch'èn admessas provisoricamain e da fugitivs ch'èn admess provisoricamain dastga la reuniun avair lieu il pli baud 3 onns suenter l'ordinaziun da l'admissiun provisoria e vegnir inclus en quella, sche:

- a. els abiteschan ensemen cun talas persunas;
- b. igl è avant maun in'abitaziun che correspunda als basegns; e
- c. la famiglia n'è betg dependenta da l'agid social;
- d.<sup>229</sup> els san communitgar en la lingua naziunala discurrida al lieu da domicil; e
- e.<sup>230</sup> la persuna che vegn reunida na retira betg prestaziuns supplementaras annualas tenor la LPS<sup>231</sup> u na pudess er betg retrair talas prestaziuns en consequenza da la reuniun da la famiglia.

<sup>7bis</sup> Per la concessiun da l'admissiun provisoria basta – empè da la premissa tenor l'alineia 7 litera d – l'annunzia ad ina porschida da promoziun linguistica.<sup>232</sup>

<sup>7ter</sup> La premissa tenor l'alineia 7 litera d na vegn betg applitgada per uffants nubils sut 18 onns. Da questa premissa poi ultra da quai vegnir divergià, sch'i èn avant maun motivs impurtants tenor l'artitgel 49a alineia 2.<sup>233</sup>

<sup>8</sup> Sche la controlla da la reuniun tenor l'alineia 7 porta indizis ch'igl existia in motiv da nunvalaivladad tenor l'artitgel 105 cifra 5 u 6 CCS<sup>234</sup>, annunzia il SEM quai a l'autorità competenta tenor l'artitgel 106 CCS. La dumonda per la reuniun vegn sistida, fin che questa autorità ha prendi ina decisiun. Sche l'autorità porta plant, vegn la dumonda sistida fin ch'ina sentenza cun vigur legala è avant maun.<sup>235</sup>

### Art. 85a<sup>236</sup> Actividad da gudogn

<sup>1</sup> Persunas admessas provisoricamain pon pratitgar en l'entira Svizra in'actividad da gudogn, sche las cundiziuns da salari e da lavur usitadas al lieu, en la professiun ed en la branscha vegnan observadas (art. 22).

<sup>228</sup> Aboli tras la cifra I da la LF dals 16 da dec. 2016 (integraziun), cun effect dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

<sup>229</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

<sup>230</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

<sup>231</sup> SR **831.30**

<sup>232</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

<sup>233</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

<sup>234</sup> SR **210**

<sup>235</sup> Integrà tras la cifra I 1 da la LF dals 15 da zer. 2012 davart mesiras cunter maridaglias sfurzadas, en vigur dapi il 1. da fan. 2013 (AS **2013** 1035; BBl **2011** 2185).

<sup>236</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

<sup>2</sup> Il patrun ston annunziar ordavant a l'autorità cumpetenta per il lieu da lavur, designada dal chantun, il cumenzament e la finiziun da l'actività da gudogn sco er in midada da piazza. L'annunzia sto cuntegnair cunzunt las suandantas indicaziuns:

- a. l'identità ed il salari da la persuna cun actività da gudogn;
- b. l'actività exequida;
- c. il lieu da lavur.

<sup>3</sup> Il patrun sto agiuntar a l'annunzia ina declaraziun ch'el enconuschia las cundiziuns da salari e da lavur usitadas al lieu, en la professiun ed en la bransch e ch'el s'obligheschia d'observar quellas.

<sup>4</sup> Als organs da controlla ch'èn responsabels per examinar che las cundiziuns da salari e da lavur vegnian observadas, transmitta l'autorità tenor l'alinea 2 immediatamain ina copia da l'annunzia.

<sup>5</sup> Il Cussegl federal designescha ils organs da controlla responsabels.

<sup>6</sup> El regla la procedura d'annunzia.

#### **Art. 86** Agid social ed assicuranza da personas malsaunas

<sup>1</sup> Ils chantuns reglan la fixaziun ed il pajament da l'agid social e da l'agid d'urgenza per personas admessas provisoricamain. Ils artitgels 80a–84 LAsil<sup>237</sup> davart ils requirents d'asil èn applitgabels. Personas admessas provisoricamain ston per regla vegnir sustegnidas en furma da prestaziuns realas. La tariffa per il sustegn è pli bassa che la tariffa per la populaziun indigena.<sup>238</sup>

<sup>1bis</sup> Per las suandantas personas valan – areguard il standard da l'agid social – las medemas disposiziuns sco per fugitivs che han survegni asil da la Svizra:

- a. fugitivs admess provisoricamain;
- b. fugitivs cun in'expulsiun legalmain valaivla tenor l'artitgel 66a u 66a<sup>bis</sup> CP<sup>239</sup> u tenor l'artitgel 49a u 49a<sup>bis</sup> LPM<sup>240</sup>;
- c. personas senza naziunalità tenor l'artitgel 31 alineas 1 e 2; e
- d. personas senza naziunalità cun in'expulsiun legalmain valaivla tenor l'artitgel 66a u 66a<sup>bis</sup> CP u tenor l'artitgel 49a u 49a<sup>bis</sup> LPM.<sup>241</sup>

<sup>2</sup> Areguard l'assicuranza obligatorica da personas malsaunas per personas ch'èn admessas provisoricamain èn applitgablas las disposiziuns correspudentas davart ils requirents d'asil tenor la LAsil e tenor la Lescha federala dals 18 da mars 1994<sup>242</sup> davart l'assicuranza da malsauns.

<sup>237</sup> SR 142.31

<sup>238</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>239</sup> SR 311.0

<sup>240</sup> SR 321.0

<sup>241</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>242</sup> SR 832.10

**Art. 87** Contribuziuns federalas

<sup>1</sup> La Confederaziun indemnisescha ils chantuns per:

- a.<sup>243</sup> mintga persuna admissa provisoricamain cun ina pauschala tenor l'artitgel 88 alineas 1 e 2 e tenor l'artitgel 89 LAsil<sup>244</sup>;
- b.<sup>245</sup> mintga fugitiv ch'è admiss provisoricamain e mintga persuna senza naziunalitad tenor l'artitgel 31 alinea 2 cun ina pauschala tenor l'artitgel 88 alinea 3 e tenor l'artitgel 89 LAsil;
- c.<sup>246</sup> persunas, da las qualas l'admissiun provisorica è vegnida abolida cun vigur legala, cun la pauschala tenor l'artitgel 88 alinea 4 LAsil, sche quella n'è betg gia vegnida pajada pli baud;
- d.<sup>247</sup> mintga persuna senza naziunalitad tenor l'artitgel 31 alinea 1 e mintga persuna senza naziunalitad cun in'expulsiun legalmain valaivla tenor l'artitgel 66a u 66a<sup>bis</sup> CP<sup>248</sup> u tenor l'artitgel 49a u 49a<sup>bis</sup> LPM<sup>249</sup> cun ina pauschala tenor ils artitgels 88 alinea 3 ed 89 LAsil.

<sup>2</sup> La surpigliada dals custs da partenza ed il pajament d'in agid per il return sa drizzan tenor ils artitgels 92 e 93 LAsil.

<sup>3</sup> Las pauschalas tenor l'alinea 1 literas a e b vegnan pajadas durant maximalmain 7 onns suenter l'entrada en Svizra.<sup>250</sup>

<sup>4</sup> La pauschala tenor l'alinea 1 litera d vegn pajada durant maximalmain 5 onns suenter la renconuschientscha da l'apatridia.<sup>251</sup>

**Art. 88**<sup>252</sup> Taxa speziala sin valurs da facultad

<sup>1</sup> Persunas ch'èn admissas provisoricamain èn suttemessas a la taxa speziala sin valurs da facultad tenor l'artitgel 86 LAsil<sup>253</sup>. Las disposiziuns dal 5. chapitel 2. secziun e dal 10. chapitel da la LAsil sco er l'artitgel 112a LAsil èn applitgabels.

<sup>243</sup> Versiun tenor la cifra 1 da l'aggiunta da la LF dals 14 da dec. 2012, en vigur dapi il 1. da schan. 2014 (AS 2013 4375 5357; BBl 2010 4455, 2011 7325).

<sup>244</sup> SR 142.31

<sup>245</sup> Versiun tenor la cifra 1 da l'aggiunta da la LF dals 25 da sett. 2015, en vigur dapi il 1. da schan. 2018 (AS 2016 3101, 2017 6171; BBl 2014 7991).

<sup>246</sup> Integrà tras la cifra IV 2 da la LF dals 16 da dec. 2005, en vigur dapi il 1. da schan. 2008 (AS 2006 4745, 2007 5573; BBl 2002 3709).

<sup>247</sup> Integrà tras la cifra 1 da l'aggiunta da la LF dals 25 da sett. 2015 (AS 2016 3101, 2017 6171; BBl 2014 7991). Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>248</sup> SR 311.0

<sup>249</sup> SR 321.0

<sup>250</sup> Versiun tenor la cifra 1 da l'aggiunta da la LF dals 25 da sett. 2015, en vigur dapi il 1. da schan. 2018 (AS 2016 3101, 2017 6171; BBl 2014 7991).

<sup>251</sup> Integrà tras la cifra 1 da l'aggiunta da la LF dals 25 da sett. 2015, en vigur dapi il 1. da schan. 2018 (AS 2016 3101, 2017 6171; BBl 2014 7991).

<sup>252</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2018 (AS 2017 6521; BBl 2013 2397, 2016 2821).

<sup>253</sup> SR 142.31



<sup>2</sup> L'obligaziun da pajar la taxa speziala vala durant maximalmain 10 onns suenter l'entrada en Svizra.

**Art. 88a**<sup>254</sup> Partenadi registrà

Las disposiziuns da quest chapitel davart conjugals esters valan tenor il senn per il partenadi registrà da pèrs da la medema schlattaina.

## Chapitel 12 Obligaziuns

### Partiziun 1

#### Obligaziuns da las personas estras, dals patruns sco er da las personas che retschaivan servetschs

**Art. 89** Possess d'in document da legitimaziun valaivel

Durant lur dimora en Svizra ston las personas estras esser en possess d'in document da legitimaziun valaivel ch'è reconuschi tenor l'artigel 13 alinea 1.

**Art. 90** Obligaziun da cooperar

Las personas estras sco er terzas personas ch'èn participadas a proceduras tenor questa lescha èn obligadas da cooperar tar la constataziun dals fatgs ch'èn decisivs per applitgar questa lescha. Ellas ston cunzunt:

- a. far indicaziuns correctas e cumpletas davart ils fatgs ch'èn relevants per reglar la dimora;
- b. inoltrar immediatamain ils meds da cumprova necessaris u sa stentar d'als procurar entaifer in termin adequat;
- c. procurar ils documents da legitimaziun (art. 89) u gidar las autoritads a procurar tals.

**Art. 91** Obligaziun da diligenza da vart dals patruns sco er da vart da las personas che retschaivan servetschs

<sup>1</sup> Avant che la persona estra entra en piazza sto il patrun sa persvader che la persona estra haja il dretg da pratitgar in'actividad da gudogn en Svizra, e quai cun prender invista dal document da legitimaziun u cun dumandar las autoritads cumpetentas.

<sup>2</sup> Tgi che fa diever d'in servetsch transcunfinal sto sa persvader che la persona estra che furnescha il servetsch haja il dretg da pratitgar in'actividad da gudogn en Svizra, e quai cun prender invista dal document da legitimaziun u cun dumandar las autoritads cumpetentas.

<sup>254</sup> Integrà tras la cifra I 1 da la LF dals 15 da zer. 2012 davart mesiras cunter maridaglias sfurzadas, en vigur dapi il 1. da fan. 2013 (AS 2013 1035; BBl 2011 2185).

## Partiziun 2 Obligaziuns da las interpresas da transport<sup>255</sup>

### Art. 92<sup>256</sup> Obligaziun da diligenza

<sup>1</sup> Las interpresas d'aviaziun ston prender tut las mesiras che pon vegnir pretendidas dad ellas, per ch'ellas transportian mo persunas che possedan ils documents da viadi, ils visums ed ils titels da dimora ch'èn necessaris per entrar en il territori da Schengen u per passar tras las zonas da transit internaziunalas da las plazzas aviaticas.

<sup>2</sup> Il Cussegl federal regla la dimensiun da l'obligaziun da diligenza.

### Art. 93<sup>257</sup> Obligaziun d'assistenza e cuvrada dals custs

<sup>1</sup> Sin dumonda da las autoritads federalas u chantunalas cumpetentas ston las interpresas d'aviaziun assister immediatamain quels passagiers, als quals l'entrada en il territori da Schengen è vegnida refusada.<sup>258</sup>

<sup>2</sup> L'obligaziun d'assistenza cumpiglia:

- a. il transport immediat da la persuna pertutgada da la Svizra en il stadi da derivanza, en il stadi che ha emess ils documents da viadi u en in auter stadi, en il qual sia admissiun è garantida;
- b. la surpigliada dals custs betg cuvrids per l'accompagnament necessari sco er ils custs usitads da vita e d'assistenza fin a la partenza da la Svizra u fin a l'entrada en Svizra.

<sup>3</sup> Sch'ina interpresa d'aviaziun na po betg cumprovar ch'ella haja ademplì sia obligaziun da diligenza, sto ella surpigliar supplementarmain:<sup>259</sup>

- a. ils custs da vita e d'assistenza che n'èn betg cuvrids e ch'èn vegnids purtads da las autoritads federalas u chantunalas, e quai fin ad ina dimora da 6 mais, inclusiv ils custs per l'arrest tenor il dretg da persunas estras;
- b. ils custs per l'accompagnament;
- c. ils custs d'expulsiun.

<sup>255</sup> Integrà tras la cifra I da la LF dals 13 da zer. 2008 (cumplettaziun en il rom da la realisaziun da las convegnas d'associaziun a la reglamentaziun da Schengen e da Dublin), en vigur dapi ils 12 da dec. 2008 (AS **2008** 5407 5405 art. 2 lit. c; BBI **2007** 7937).

<sup>256</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigur dapi il 1. d'oct. 2015 (AS **2015** 3023; BBI **2013** 2561).

<sup>257</sup> Versiun tenor l'art. 127 LEI, en vigur dapi ils 12 da dec. 2008 (AS **2008** 5405 art. 2 lit. a).

<sup>258</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigur dapi il 1. d'oct. 2015 (AS **2015** 3023; BBI **2013** 2561).

<sup>259</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigur dapi il 1. d'oct. 2015 (AS **2015** 3023; BBI **2013** 2561).

<sup>4</sup> L'alinea 3 na vegn betg applitgà, sch'igl è vegni permess a la persuna transportada d'entrar en Svizra tenor l'artigel 22 LAsil<sup>260</sup>. Il Cussegl federal po prevair ulteriuras excepziuns, cunzunt per situaziuns excepziunalas sco guerra u catastrofes da la natira.<sup>261</sup>

<sup>5</sup> Il Cussegl federal po fixar ina pauschala sin basa dals custs probabels.

<sup>6</sup> I pon vegnir pretendidas garantias.

#### **Art. 94**<sup>262</sup> Collavuraziun cun las autoritads

<sup>1</sup> Las interpresas d'aviazium collavuran cun las autoritads federalas e chantunalas cumpetentas. Las modalitads da la collavuraziun ston vegnir regladas en la permissiun da manaschi u en ina cunvegna tranter il SEM e l'interpresa.

<sup>2</sup> En la permissiun da manaschi u en la cunvegna poi ultra da quai vegnir fixà en spezial il suandant:

- a. mesiras spezialas che l'interpresa d'aviazium prenda per observar l'obligaziun da diligenza tenor l'artigel 92;
- b. l'introducziun da pauschalas empè dals custs da vita e d'assistenza tenor l'artigel 93.

<sup>3</sup> Sch'i vegnan fixadas mesiras spezialas tenor l'alinea 2 litera a, po la permissiun da manaschi u la cunvegna prevair ch'ina eventuala summa che l'interpresa d'aviazium stuess pajar tenor l'artigel 122a alinea 1, vegnia reducida per maximalmain la mesadad.

#### **Art. 95**<sup>263</sup> Ulteriuras interpresas da transport

Il Cussegl federal po suttametter ulteriuras interpresas da transport commercialas als artigels 92–94, 122a e 122c, sch'ina part dal cunfin svizzer daventa in cunfin exteriur dal territori da Schengen. En quest connex resguarda el las prescripziuns da l'artigel 26 da la Convenziun dals 19 da zercladur 1990<sup>264</sup> davart la realisaziun da la Cunvegna da Schengen.

<sup>260</sup> SR 142.31

<sup>261</sup> Versiun tenor la cifra I da la LF dals 13 da zer. 2008 (cumplettaziuns en il rom da la realisaziun da las cunvegnas d'associaziun a la reglamentaziun da Schengen e da Dublin), en vigur dapi ils 12 da dec. 2008 (AS 2008 5407 5405 art. 2 lit. c; BBl 2007 7937).

<sup>262</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigur dapi il 1. d'oct. 2015 (AS 2015 3023; BBl 2013 2561).

<sup>263</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), e.n vigur dapi il 1. d'oct. 2015 (AS 2015 3023; BBl 2013 2561).

<sup>264</sup> Convenziun dals 19 da zer. 1990 davart la realisaziun da la Cunvegna da Schengen dals 14 da zer. 1985 tranter las regenzas dals stadis da l'Uniun economica Benelux, da la Republica Federala Tudestga e da la Republica Franzosa concernent l'eliminaziun successiva da las controllas als cunfins cuminaivels, ABl. L 239 dals 22 da sett. 2000, p. 19.

**Partiziun 3<sup>265</sup>****Obligaziuns dals gestiunaris da plazzas aviaticas**

**Art. 95a** Alloschis mess a disposiziun tras ils gestiunaris da plazzas aviaticas  
 Ils gestiunaris da plazzas aviaticas èn obligads da metter a disposiziun a persunas estras, a las qualas igl è vegnì refusà d'entrar en Svizra u da cuntinuar cun lur viadi, alloschis adequats e favuraivels sin l'areal da la plazza aviatica fin a l'execuziun da la spedita u fin a l'entrada en Svizra.

**Chapitel 13 Incumbensas e cumpetenzas da las autoritads**

**Art. 96** Diever dal bainappreziar

<sup>1</sup> Cun far diever da lur bainappreziar resguardan las autoritads cumpetentas ils interess publics e las relaziuns persunalas sco er l'integraziun da las persunas estras.<sup>266</sup>

<sup>2</sup> Sch'ina mesira è giustifitgada, ma betg adequata a las circumstanzas, po la persuna pertutgada vegnir admonida, e quai cun smanatschar questa mesira.

**Art. 97** Agid uffizial e communicaziun da datas<sup>267</sup>

<sup>1</sup> Las autoritads ch'èn incaricadas d'exequir questa lescha sa sustegnan ina l'autra tar l'adempliment da lur incumbensas. Ellas sa furneschan las infurmaziuns necessarias e sa dattan – sin dumonda – invista da las actas uffizialas.

<sup>2</sup> Autras autoritads federalas, chantunalas e communalas èn – sin dumonda – obligadas da communigar las datas e las infurmaziuns ch'èn necessarias per exequir questa lescha.

<sup>3</sup> Il Cussegl federal determinescha tge datas che ston vegnir communitgadas a las autoritads tenor l'alinea 1 en connex cun:

- a. l'avertura d'inquisiziuns penalas;
  - b. sentenzias da dretg civil e penal;
  - c. midadas concernent il stadi civil sco er ina refusa da maridar;
  - d. retrair agid social;
- d<sup>bis</sup>.<sup>268</sup> retrair indemnisaziuns da dischoccupaziun;

<sup>265</sup> Integrà tras la cifra 1 da l'agiunta da la LF dals 14 da dec. 2012, en vigur dapi il 1. da favr. 2014 (AS **2013** 4375 5357; BBl **2010** 4455, **2011** 7325). Guardar er las disposiziuns transitoricas da questa midada a la fin dal text.

<sup>266</sup> Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

<sup>267</sup> Per datas en connex cun lavur illegala valan ils art. 11 e 12 da la LF dals 17 da zer. 2005 davart la lavur illegala (SR **822.41**).

<sup>268</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

- d<sup>ter</sup>.<sup>269</sup> retrair prestaziuns supplementaras tenor la LPS<sup>270</sup>;
- d<sup>quater</sup>.<sup>271</sup> mesiras disciplinaras d'autoritads da scola;
- d<sup>quinques</sup>.<sup>272</sup> mesiras d'autoritads per la protecziun d'uffants e da creschids;
- e.<sup>273</sup> outras decisiuns ch'inditgeschan l'existenza d'in basegn d'integraziun spezial tenor ils criteris da l'artitgel 58a;
- f.<sup>274</sup> ...

<sup>4</sup> Sch'ina autoritad tenor l'alineia 1 survegn, en applicaziun da l'artitgel 26a LPS, datas davart la retratga d'ina prestaziun supplementara, annunzia ella, senza vegnir intimada, l'eventuala nunprolungaziun u l'eventuala revocaziun da la permissiun da dimora a l'organ ch'è cumpetent per fixar e per pajar la prestaziun supplementara.<sup>275</sup>

### Art. 98 Repartiziun da las incumbensas

<sup>1</sup> Il SEM è cumpetent per tut las incumbensas che n'èn betg resalvadas expressivamain ad outras autoritads federalas u a las autoritads chantunalas.

<sup>2</sup> Il Cussegl federal regla l'entrada en Svizra e la partenza da la Svizra, l'admissiun sco er la dimora da personas che – tenor l'artitgel 2 alineia 2 da la Lescha dals 22 da zercladur 2007<sup>276</sup> davart il stadi ospitant – profitan da privilegis, d'immunitads e da facilitaziuns.<sup>277</sup>

<sup>3</sup> Ils chantuns designeschon las autoritads ch'èn cumpetentas per las incumbensas che als èn vegnidas attribuidas.

<sup>269</sup> Integrà tras la cifra III 1 da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>270</sup> SR 831.30

<sup>271</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>272</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>273</sup> Integrà tras la cifra I da l'aggiunta da la LF dals 14 da dec. 2012 (AS 2013 4375; BBI 2010 4455, 2011 7325). Versiun tenor la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>274</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da personas) (AS 2018 733; BBI 2016 3007). Abolì tras la cifra III 1 da la LF dals 16 da dec. 2016 (integraziun), cun effect dapi il 1. da schan. 2019 (AS 2017 6521, 2018 3171; BBI 2013 2397, 2016 2821).

<sup>275</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da personas), en vigur dapi il 1. da fan. 2018 (AS 2018 733; BBI 2016 3007).

<sup>276</sup> SR 192.12

<sup>277</sup> Versiun tenor l'art. 35 da la LF dals 22 da zer. 2007 davart il stadi ospitant, en vigur dapi il 1. da schan. 2008 (AS 2007 6637; BBI 2006 8017).

**Art. 98a**<sup>278</sup> Applicaziun da sforzs da la polizia e da mesiras polizialas tras las autoritads executivas

Il personal ch'è incumbensà d'exequir questa lescha dastga applitgar sforzs da la polizia e mesiras polizialas per ademplir sia incarica, sch'ils bains giuridics che ston vegnir protegids giustifitgeschan quai. La Lescha dals 20 da mars 2008<sup>279</sup> davart l'applicaziun da mesiras repressivas è applitgabila.

**Art. 98b**<sup>280</sup> Transferiment d'incumbensas a terzas persunas en la procedura da visums

<sup>1</sup> En encliegientscha cun il SEM po il DFAE autorisar terzas persunas d'ademplir las suandantas incumbensas en il rom da la procedura da visums:

- a. fixar termins en vista a la concessiun d'in visum;
- b. prender en consegna documents (formular per dumandar in visum, passaport, mussaments);
- c. incassar taxas;
- d. registrar las datas biometricas en il rom dal sistem d'infurmaziun central per ils visums;
- e. respedir il passaport al possessur a la fin da la procedura.

<sup>2</sup> Il DFAE ed il SEM procuran che las prescripziuns davart la protecziun e la segirezza da las datas vegnian observadas da las terzas persunas incumbensadas.

<sup>3</sup> Il Cussegl federal determinescha sut tge cundiziuns che terzas persunas pon vegnir incaricadas cun las incumbensas tenor l'alinea 1.

**Art. 99**<sup>281</sup> Procedura d'approvaziun

<sup>1</sup> Il Cussegl federal fixescha, en tge cas che permissiuns da dimora curta, permissiuns da dimora e permissiuns da domicil sco er decisiuns preliminaras da las autoritads chantunalas areguard il martgà da lavur ston vegnir suttamessas al SEM per l'approvaziun.

<sup>2</sup> Il SEM po refusar l'approvaziun d'ina decisiun d'ina autoritad administrativa chantunala u d'ina instanza chantunala da recurs, limitar la durada da valaivladad da questa decisiun u la suttametter a cundiziuns ed a pretensiuns.

<sup>278</sup> Integrà tenor la cifra 2 da l'aggiunta da la LF dals 20 da mars 2008 davart l'applicaziun da mesiras repressivas, en vigur dapi il 1. da schan. 2009 (AS **2008** 5463; BBI **2006** 2489).

<sup>279</sup> SR **364**

<sup>280</sup> Integrà tras l'art. 2 cifra 1 dal COF dals 11 da dec. 2009 (approvaziun e realisaziun dals barats da notas concernent il sistem d'infurmaziun per ils visums), en vigur dapi il 1. da schan. 2011 (AS **2010** 2063 5761; BBI **2009** 4245).

<sup>281</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

**Art. 100** Contracts internaziunals<sup>282</sup>

<sup>1</sup> Il Cussegl federal promova partenadis da migraziun bilaterals e multilaterals cun auters stadis. El po far cunvegnas per rinforzar la collavuraziun en il sector da la migraziun sco er per reducir la migraziun illegala e sias consequenzas negativas.

<sup>2</sup> Il Cussegl federal po far cunvegnas cun stadis esters u cun organisaziuns internaziunalas davart:<sup>283</sup>

- a. l'obligaziun da visum e l'execuziun da la controlla da cunfin;
- b. la readmissiun ed il transit da personas che sa trategnan senza autorizaziun en Svizra;
- c. il transit da personas che vegnan accompagnadas da la polizia en il rom da cunvegnas da readmissiun e da transit inclusiv la posiziun giuridica da personas che accompognan las parts contrahentas;
- d. il termin per conceder la permissiun da domicil;
- e. la scolaziun professiunala e la furnaziun supplementara professiunala;
- f. la recrutaziun da lavurants;
- g. ils servetschs transcunfinals;
- h. la posiziun giuridica da personas tenor ils artitgels 98 alinea 2.

<sup>3</sup> En cas da cunvegnas da readmissiun e da transit po el – en il rom da sias cumpetenzas – conceder u refuser prestaziuns ed avantatgs. En quest connex resguarda el las obligaziuns internaziunalas sco er la totalitad da las relaziuns da la Svizra cun il stadi pertutgà.<sup>284</sup>

<sup>4</sup> Ils departaments cumpetents pon far cunvegnas cun autoritads estras u cun organisaziuns internaziunalas davart l'execuziun tecnica da cunvegnas tenor l'alinea 2.<sup>285</sup>

<sup>282</sup> Integrà tras la cifra I da la LF dals 13 da zer. 2008 (cumplettaziuns en il rom da la realisaziun da las cunvegnas d'associaziun a la reglamentaziun da Schengen e da Dublin), en vigur dapi ils 12 da dec. 2008 (AS **2008** 5407 5405 art. 2 lit. c; BBl **2007** 7937).

<sup>283</sup> Versiun tenor la cifra I da la LF dals 13 da zer. 2008 (cumplettaziuns en il rom da la realisaziun da las cunvegnas d'associaziun a la reglamentaziun da Schengen e da Dublin), en vigur dapi ils 12 da dec. 2008 (AS **2008** 5407 5405 art. 2 lit. c; BBl **2007** 7937).

<sup>284</sup> Versiun tenor la cifra I da la LF dals 13 da zer. 2008 (cumplettaziuns en il rom da la realisaziun da las cunvegnas d'associaziun a la reglamentaziun da Schengen e da Dublin), en vigur dapi ils 12 da dec. 2008 (AS **2008** 5407 5405 art. 2 lit. c; BBl **2007** 7937).

<sup>285</sup> Versiun tenor la cifra I da la LF dals 13 da zer. 2008 (cumplettaziuns en il rom da la realisaziun da las cunvegnas d'associaziun a la reglamentaziun da Schengen e da Dublin), en vigur dapi ils 12 da dec. 2008 (AS **2008** 5407 5405 art. 2 lit. c; BBl **2007** 7937).

<sup>5</sup> Fin ch'i vegn concludida ina cunvegna da readmissiun en il senn da l'alinea 2 litera b po il DFGP concluder cunvegns cun las autoritads estras cumpetentas, e quai en encliegentscha cun il DFAE; en questas cunvegns vegnan regladas las dumondas organisatoricas che stattan en connex cun il return da persunas estras en lur pajais d'origin sco er cun l'agid per il return e cun la reintegraziun.<sup>286</sup>

#### **Art. 100a**<sup>287</sup> Engaschament da cussegliaders da documents

<sup>1</sup> Per cumbatter la migraziun illegala pon vegnir engaschads cussegliaders da documents.

<sup>2</sup> Ils cussegliaders da documents sustegnan en spezial las autoritads ch'èn cumpetentas per la controlla da cunfin, las interpresas d'aviazion e las represchentanzas a l'exteriur a controllar ils documents. Els cusseglian mo e n'han naginas funcziuns suveranas.

<sup>3</sup> Il Cussegl federal po far cunvegns cun stadis esters davart l'engaschament da cussegliaders da documents.

#### **Art. 100b**<sup>288</sup> Cumissiun federala da migraziun<sup>289</sup>

<sup>1</sup> Il Cussegl federal nominescha ina cumissiun consultativa che sa cumpona da persunas estras e da persunas svizras.

<sup>2</sup> La cumissiun sa fatschenta cun dumondas socialas, economicas, culturalas, politicas, demograficas e giuridicas che resultan da l'entrada e da la dimora en Svizra sco er dal return da tut las persunas estras, inclusiv da las persunas dal sector d'asil.

<sup>3</sup> Ella collavura cun las autoritads federalas, chantunalas e communalas cumpetentas sco er cun las organizaziuns nungovernamentalas che lavuran en il sector da la migraziun; latiers tutgan en spezial las cumissiuns chantunalas e communalas da persunas estras ch'èn activas en il sector da l'integraziun. Ella sa participescha al barat d'opiniuns e d'experiences sin plaun internaziunal.

<sup>4</sup> La cumissiun po vegnir tadlada davart las dumondas da princip che concernan la promoziun da l'integraziun. Ella è autorisada da dumandar il SEM contribuziuns finanzialas per realisar projects d'integraziun d'impurtanza nazionala.

<sup>5</sup> Il Cussegl federal po attribuir ulteriuras incumbensas a la cumissiun.

<sup>286</sup> Integrà tras la cifra I da la LF dals 13 da zer. 2008 (cumplettaziuns en il rom da la realisaziun da las cunvegns d'associaziun a la reglamentaziun da Schengen e da Dublin) (AS **2008** 5407 5405 art. 2 lit. c; BBI **2007** 7937). Versiun tenor la cifra I da l'aggiunta dal COF dals 15 da dec. 2017 (surpigliada da l'Ordinaziun [UE] 2016/1624 davart la Guardia europeica da cunfin e da costa), en vigur dapi ils 15 da sett. 2018 (AS **2018** 3161; BBI **2017** 4155).

<sup>287</sup> Integrà tras la cifra I da la LF dals 18 da zer. 2010 (controlla da cunfin automatisada, cussegliaders da documents, sistem d'infurmaziun MIDES), en vigur dapi il 1. da schan. 2011 (AS **2010** 5755; BBI **2009** 8881).

<sup>288</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS **2017** 6521, **2018** 3171; BBI **2013** 2397, **2016** 2821).

<sup>289</sup> Il titel è vegni adattà per il 1. da schan. 2016 applitgond l'art. 20 al. 2 da la O dals 7 oct. 2015 davart las publicaziuns uffizialas (SR **170.512.1**).



## Chapitel 14 Elavuraziun da datas e protecziun da datas<sup>290</sup>

### Partiziun 1 Chaussas generalas<sup>291</sup>

#### Art. 101<sup>292</sup> Elavuraziun da datas

Uschenavant che il SEM, las autoritads chantunalas cumpetentas per las personas estras ed – en ses champ da cumpetenzza – il Tribunal administrativ federal basegnan questas datas per ademplir lur incumbensas legalas, pon els elavurar u laschar elavurar datas da personas estras sco er da terzas personas partecipadas a proceduras tenor questa lescha, inclusiv datas e profils da la personalitad ch'èn spezialmain degns da vegnir protegids.

#### Art. 102 Registraziun da datas per l'identificaziun e per la determinaziun da la vegliadetgna<sup>293</sup>

<sup>1</sup> Per constatar e per segirar l'identitad d'ina persuna estra pon las autoritads cumpetentas ordinar da registrar datas biometricas en connex cun la controlla da las premissas per entrar en Svizra sco er en connex cun proceduras tenor il dretg da personas estras.

<sup>1bis</sup> Sch'i dat indizis ch'ina persuna estra che pretenda dad esser minorena haja gia cuntanschi la maiorenntad, pon las autoritads cumpetentas laschar far in'expertisa per determinar la vegliadetgna.<sup>294</sup>

<sup>2</sup> Il Cussegl federal fixescha, tge datas biometricas tenor l'alinea 1 che vegnan registradas, ed el regla l'access.<sup>295</sup>

#### Art. 102a<sup>296</sup> Datas biometricas per documents da legitimaziun

<sup>1</sup> L'autoritad cumpetenta po arcunar e tegnair en salv las datas biometricas ch'èn necessarias per emetter documents da legitimaziun da personas estras.

<sup>290</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBl **2018** 1685).

<sup>291</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBl **2018** 1685).

<sup>292</sup> Versiun tenor la cifra I 1 da l'Ordinaziun da la AF dals 20 da dec. 2006 davart l'adattaziun da decretis a las disposiziuns da la LF davart il Tribunal federal e da la LF davart il Tribunal administrativ federal, en vigur dapi il 1. da schan. 2008 (AS **2006** 5599; BBl **2006** 7759).

<sup>293</sup> Versiun tenor la cifra 1 da l'aggiunta da la LF dals 14 da dec. 2012, en vigur dapi il 1. da favr. 2014 (AS **2013** 4375 5357; BBl **2010** 4455, **2011** 7325).

<sup>294</sup> Integrà tras la cifra 1 da l'aggiunta da la LF dals 14 da dec. 2012, en vigur dapi il 1. da favr. 2014 (AS **2013** 4375 5357; BBl **2010** 4455, **2011** 7325).

<sup>295</sup> Versiun tenor la cifra 1 da l'aggiunta da la LF dals 14 da dec. 2012, en vigur dapi il 1. da favr. 2014 (AS **2013** 4375 5357; BBl **2010** 4455, **2011** 7325).

<sup>296</sup> Integrà tras l'art. 2 cifra I dal COF dals 18 da zer. 2010 (ulterier svilup dal possess actual da Schengen ed introducziun da las datas biometricas en ils documents da legitimaziun da personas estras), en vigur dapi ils 24 da schan. 2011 (AS **2011** 175; BBl **2010** 51).

<sup>2</sup> La registraziun da las datas biometricas e la transmissiun da las datas dals documents da viadi al post emettent pon vegnir transferidas dal tutfatg u per part a terzas persunas.<sup>297</sup>

<sup>3</sup> Per emitter u per renovar in document da legitimaziun po l'autorità cumpetenta elavurar datas biometricas ch'èn gia registradas en SIMIC.<sup>298</sup>

<sup>4</sup> Las datas biometricas ch'èn necessarias per emitter in document da legitimaziun vegnan eruidas da nov mintga 5 onns. Il Cussegl federal po fixar periodas pli curtas per eruir questas datas, sche quai è necessari pervia dal svilup dals tratgs da la fatscha da la persuna correspudenta.<sup>299</sup>

**Art. 102b**<sup>300</sup> Controlla da l'identità dal possessur d'in document da legitimaziun

<sup>1</sup> Las suandantas autoritads han il dretg da leger las datas ch'èn arcunadas sin il chip per controllar l'identità dal possessur d'in document da legitimaziun u per controlar l'autenticità da quest document:

- a. il corp da guardias da cunfin;
- b. las autoritads da polizia chantunalas e communalas;
- c. las autoritads da migraziun chantunalas e communalas.

<sup>2</sup> Il Cussegl federal po autorisar las interpresas d'aviaziun, ils gestiunaris da plazzas aviaticas sco er auters posts che ston verifitgar l'identità d'ina persuna, da leger las improntas dals dets ch'èn registradas sin il chip da datas.

## Partiziun 2

### Datas da passagiers, surveglianza e controllas a las plazzas aviaticas ed obligaziun d'annunzia da las interpresas d'aviaziun<sup>301</sup>

**Art. 103** Surveglianza da l'arrivada a la piazza aviatica

<sup>1</sup> L'arrivada da passagiers a la piazza aviatica po vegnir survegliada cun meds tecnicos d'identificaziun. Las autoritads ch'èn cumpetentas per la controlla da cunfin (art. 7 e 9) utilischeschan las datas che vegnan registradas en quest connex.<sup>302</sup>

<sup>297</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>298</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>299</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>300</sup> Integrà tras l'art. 2 cifra I dal COF dals 18 da zer. 2010 (ulteriur svilup dal possess actual da Schengen ed introducziun da las datas biometricas en ils documents da legitimaziun da persunas estras), en vigur dapi ils 24 da schan. 2011 (AS 2011 175; BBl 2010 51).

<sup>301</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>302</sup> Versiun tenor da la frasa l'art. 127 LEL, en vigur dapi ils 12 da dec. 2008, en vigur dapi ils 12 da dec. 2008 (AS 2008 5405 art. 2 lit. a).

- a. per constatar l'interpresa d'aviazium ed il lieu da partenza da l'avium tar persunas estras che n'adempleschan betg las premissas per entrar en Svizra;
- b. per far ina cumparegliazium cun las datas ch'èn registradas en ils systems d'investigaziun, e quai tar tut las persunas che entran en Svizra.

<sup>2</sup> Las autoritads competentas communiteschan al SIC, sch'ellas constateschan tras questa surveglianza ina periclitaziun concreta da la segirezza interna u externa. Cun la comunicaziun pon ellas trametter vinavant las datas correspondentas.<sup>303</sup>

<sup>3</sup> Las datas registradas ston vegnir stgassadas entaifer 30 dis. Sche las datas vegnan utilizadas per ina procedura penala pendent, per ina procedura d'asil pendent u per ina procedura pendent tenor il dretg da persunas estras, po il Cussegl federal pre-voir che tshertas datas vegnian conservadas pli ditg.

<sup>4</sup> Als chantuns, en ils quals sa chattan plazzas aviaticas internaziunalas, po la Confederaziun pajar contribuziuns als custs da la surveglianza tenor l'alinea 1.

<sup>5</sup> Il Cussegl federal regla las specificaziuns, a las qualas in sistem per identifitgar la fatscha sto satisfar, sco er ils detagls da la procedura da surveglianza e la comunicaziun d'infurmaziuns al SIC.<sup>304</sup>

#### **Art. 103a<sup>305</sup>** Controlla da cunfin automatisada a la piazza aviatica

<sup>1</sup> Las autoritads ch'èn cumpetentas per la controlla da cunfin a las piazzas aviaticas pon applitgar ina procedura da controlla da cunfin automatisada. Quella gida a simplifitgar la controlla da las persunas pertutgadas tar lur entrada en il territori da Schengen e tar lur partenza dal territori da Schengen.

<sup>2</sup> A la procedura da controlla da cunfin automatisada pon sa participar mo persunas che:

- a. han la naziunalitad svizra; u
- b.<sup>306</sup> pon sa referir a la CLC<sup>307</sup> u a la Convenziun AECL<sup>308</sup>.

<sup>3</sup> La participaziun pretenda in passaport biometric u ina carta da participaziun, sin la quala èn arcuradas las datas biometricas. Per emetter ina carta da participaziun, pon las autoritads ch'èn cumpetentas per la controlla da cunfin registrar datas biometricas.

<sup>303</sup> Versiun tenor la cifra I 2 da l'Ordinaziun dals 12 da dec. 2008 davart l'adattaziun da disposiziuns legalas pervia dal transferiment da las unitads d'infurmaziun dal servetsch d'analisa e prevenziun al DDPS, en vigur dapi il 1. da schan. 2009 (AS 2008 6261).

<sup>304</sup> Versiun tenor la cifra I 2 da l'Ordinaziun dals 12 da dec. 2008 davart l'adattaziun da disposiziuns legalas pervia dal transferiment da las unitads d'infurmaziun dal servetsch d'analisa e prevenziun al DDPS, en vigur dapi il 1. da schan. 2009 (AS 2008 6261).

<sup>305</sup> Integrà tras la cifra I da la LF dals 18 da zer. 2010 (controlla da cunfin automatisada, cussegliaders da documents, sistem d'infurmaziun MIDES), en vigur dapi il 1. da schan. 2011 (AS 2010 5755; BBI 2009 8881).

<sup>306</sup> Versiun tenor la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da persunas), en vigur dapi il 1. da fan. 2018 (AS 2018 733; BBI 2016 3007).

<sup>307</sup> SR 0.142.112.681

<sup>308</sup> SR 0.632.31

<sup>4</sup> En cas d'in passadi dal cunfin pon las datas ch'èn cuntegnidas en il passaport biometric u sin la charta da participaziun vegnir cumparegliadas cun il sistem informatic da retschertga da la polizia (RIPOL) e cun il sistem d'infurmaziun da Schengen (SIS).

<sup>5</sup> Las autoritads ch'èn cumpetentas per la controlla da cunfin mainan in sistem d'infurmaziun. Quel serva ad elavurar las datas persunalas da quellas personas che basegnan ina carta da participaziun per la procedura da controlla da cunfin automatisada. Il sistem d'infurmaziun na cuntegna naginas datas biometricas. Las personas pertugadas ston vegnir infurmadas ordavant davart l'intent da l'elavuraziun da las datas e davart las categorias dals retschaviders da las datas.

<sup>6</sup> Il Cussegl federal regla la procedura da registraziun, las premissas per la participaziun a la procedura da controlla da cunfin automatisada, l'organisaziun e la gestiun dal sistem d'infurmaziun sco er il catalog da las datas da personas che duain vegnir elavuradas en il sistem d'infurmaziun.

**Art. 103b**<sup>309</sup> Sistem d'infurmaziun davart las entradas refusadas

<sup>1</sup> Il SEM maina in sistem d'infurmaziun intern davart las entradas refusadas tenor l'artitgel 65 (sistem INAD). Il sistem INAD serva a realisar las sancziuns en cas da violaziun da l'obligaziun da diligenza tenor l'artitgel 122a sco er a far statisticas.

<sup>2</sup> Il sistem cuntegna las suandantas datas da personas, a las qualas l'entrada en il territori da Schengen è vegnida refusada:

- a. il num, il prenum, la schlattaina, la data da naschientscha e la nazionalitad;
- b. indicaziuns davart il sgol;
- c. indicaziuns davart il motiv, per il qual l'entrada è vegnida refusada;
- d. indicaziuns davart la procedura pervia da violaziun da l'obligaziun da diligenza tenor l'artitgel 122a en connex cun la persuna pertugada.

<sup>3</sup> Las datas registradas en il sistem vegnan anonimisadas suenter 2 onns.

**Art. 104**<sup>310</sup> Obligaziun d'annunzia da las interpresas d'aviazion

<sup>1</sup> Per meglierar las controllas da cunfin e per cumbatter cunter entradas illegalas en il territori da Schengen e cunter passadis illegals tras las zonas da transit internaziunals da las piazzas aviaticas po il SEM, sin dumonda da las autoritads ch'èn incumbensadas cun la controlla da cunfin, obligar las interpresas d'aviazion d'annunziar – per tscherts sgols – ad el u a l'autoritad ch'è cumpetenta per la controlla da cunfin las datas persunalas dals passagiers sco er las datas davart il sgol.<sup>311</sup>

<sup>309</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; systems d'infurmaziun), en vigur dapi il 1. d'oct. 2015 (AS 2015 3023; BBI 2013 2561).

<sup>310</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; systems d'infurmaziun), en vigur dapi il 1. d'oct. 2015 (AS 2015 3023; BBI 2013 2561).

<sup>311</sup> Versiun tenor la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS 2019 1413; BBI 2018 1685).

<sup>1bis</sup> Il SEM po extender l'obligaziun d'annunzia sin ulteriurs sgols:

- a. sin dumonda dal fedpol: per cumbatter cunter la criminalitad internaziunala organisada e cunter terrorissem;
- b. sin dumonda dal SIC: per prevegnir a smanatschas che resultan per la segirezza interna ed externa tras terrorissem, tras spiunadi, tras la preparaziun da commerzi scumandà cun armas e cun material radioactiv sco er tras il transfer illegal da tecnologia.<sup>312</sup>

<sup>1ter</sup> Las datas ston vegnir transmessas immediatamain suentar la partenza da l'aviun.<sup>313</sup>

<sup>2</sup> L'ordinaziun da l'obligaziun d'annunzia sto cuntegnair:

- a. las plazzas aviaticas u ils stadis da partenza da l'aviun;
- b. las categorias da datas tenor l'alinea 3;
- c. ils detagls tecnicos davart la transmissiun da las datas.

<sup>3</sup> L'obligaziun d'annunzia vala per las suandantas categorias da datas:

- a. las persunalias dals passagiers (num, prenum, schlattaina, data da naschientscha, naziunalitad);
- b. il numer, il stadi emittent, il gener e la data da scadenza dal document da viadi ch'ils passagiers portan cun sai;
- c. il numer, il stadi emittent, il gener e la data da scadenza dal visum u dal titel da dimora ch'ils passagiers portan cun sai, premess che l'interpresa d'aviazion disponia da questas datas;
- d. la piazza aviatica da partenza da l'aviun, las plazzas aviaticas da transit u la piazza aviatica da destinaziun en Svizra sco er indicaziuns davart la ruta da sgol ch'il passagier ha reservà, premess che l'interpresa d'aviazion disponia da questas infurmaziuns;
- e. il code da transport;
- f. il dumber da passagiers a bord da l'aviun respectiv;
- g. la data e las uras da la partenza planisada e da l'arrivada planisada da l'aviun.

<sup>4</sup> Las interpresas d'aviazion infurmeschan las personas pertutgadas tenor l'artitgel 18a da la Lescha federala dals 19 da zercladur 1992<sup>314</sup> davart la protecziun da datas.

<sup>5</sup> Ordinaziuns u aboliziuns da l'obligaziun d'annunzia vegnan decretadas en furma d'ina disposiziun generala e vegnan publicadas en il Fegl uffizial federal. Recurs cunter talas disposiziuns n'han betg in effect suspensiv.

<sup>312</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBl **2018** 1685).

<sup>313</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS **2019** 1413; BBl **2018** 1685).

<sup>314</sup> SR **235.1**

<sup>6</sup> Las interpresas d'aviaziun dastgan conservar las datas tenor l'alineia 3 unicamain per motivs da cumprova. Ellas ston stizzar questas datas:

- a. sch'igl è cler ch'il SEM n'avra nagina procedura pervia da violaziun da l'obligaziun d'annunzia, il pli tard dentant 2 onns sunter la data dal sgol;
- b. il di suenter che la disposiziun decretada sin basa da l'artitgel 122b è entrada en vigur.

**Art. 104a**<sup>315</sup> Sistem d'infurmaziun davart ils passagiers

<sup>1</sup> Il SEM maina in sistem d'infurmaziun davart ils passagiers (sistem API) per:

- a. meglierar las controllas da cunfin;
- b. cumbatter en moda efficazia cunter entradas illegalas en il territori da Schengen e cunter passadis illegals tras las zonas da transit internaziunalas da las plazzas aviaticas;
- c. cumbatter cunter la criminalitad internaziunala organisada e cunter terrorism, cunter spiunadi, cunter la preparaziun da commerzi scumandà cun armas e cun material radioactiv sco er cunter il transfer illegal da tecnologia.<sup>316</sup>

<sup>1bis</sup> Il sistem API cuntegna las datas tenor l'artitgel 104 alineia 3 sco er ils resultats da las cumparegliaziuns tenor l'alineia 4.<sup>317</sup>

<sup>2</sup> Per controllar, sche las interpresas d'aviaziun adempleschan lur obligaziun d'annunzia, e per far valair las sanziuns tenor l'artitgel 122b dastga il SEM consultar en il sistem API las datas tenor l'artitgel 104 alineia 3 cun agid d'ina procedura d'invista.<sup>318</sup>

<sup>3</sup> Per meglierar las controllas da cunfin e per cumbatter cunter entradas illegalas en il territori da Schengen e cunter passadis illegals tras las zonas da transit internaziunalas da las plazzas aviaticas dastgan las autoritads responsablas per las controllas da personas als cunfins externs dal territori da Schengen consultar las datas tenor l'artitgel 104 alineia 3 sco er ils resultats da las cumparegliaziuns tenor l'alineia 4 cun agid d'ina procedura d'invista.<sup>319</sup>

<sup>315</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; systems d'infurmaziun), en vigur dapi il 1. d'oct. 2015 (AS **2015** 3023; BBI **2013** 2561).

<sup>316</sup> Versiun tenor la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>317</sup> Integrà tras la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>318</sup> Versiun tenor la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>319</sup> Versiun tenor la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>3bis</sup>Sch'igl exista in suspect ch'ina persona preparia u commettia malfatgs tenor l'artitgel 104 alinea 1<sup>bis</sup> litera a, po il fedpol consultar las datas tenor l'artitgel 104 alinea 3 cun agid d'ina procedura d'invista.<sup>320</sup>

<sup>4</sup> Las datas tenor l'artitgel 104 alinea 3 literas a e b vegnan cumparegliadas automaticamain e sistematicamain cun las datas dal RIPOL, dal SIS, dal SIMIC sco er da la banca da datas dad Interpol per documents engulads e pers (ASF-SLTD).<sup>321</sup>

<sup>5</sup> Suenten l'arrivada dal sgol respectiv dastgan las datas tenor l'artitgel 104 alinea 3 sco er ils resultats da las cumparegliaziuns tenor l'alinea 4 vegnir duvrads mo per exequir ina procedura dal dretg penal, dal dretg d'asil u dal dretg da personas estras. Las datas ston vegnir stizzadas:

- a. sch'igl è cler ch'i na vegn betg exequida ina tala procedura, il pli tard dentant 2 onns suenter la data dal sgol respectiv;
- b. il di suenter che la disposiziun en ina tala procedura è entrada en vigur.

<sup>6</sup> En furma anonimizada dastgan las datas vegnir conservadas pli ditg ch'ils termins da l'alinea 5, sch'ellas servan ad intents statistics.

**Art. 104b**<sup>322</sup> Transferiment automatic da datas dal sistem API

<sup>1</sup> Las datas tenor l'artitgel 104 alinea 3 vegnan transferidas automaticamain al SIC en furma electronica.

<sup>2</sup> Il SIC dastga elavurar las datas per ademplir las incumbensas tenor l'artitgel 104a alinea 1 litera c.

**Art. 104c**<sup>323</sup> Access a las datas dals passagiers en il cas singul

<sup>1</sup> Per realisar la controlla da cunfin, per cumbatter cunter la migraziun illegala e per exequir speditas ston las interpresas d'aviazium metter a disposiziun a las autoritads ch'en competentas per la controlla da cunfin – sin dumonda – las glistas da passagiers.

<sup>2</sup> Las glistas da passagiers ston cuntignair las suandantas datas:

- a. il num, il prenum, l'adressa, la data da naschientscha, la naziunalitad ed il numer dal passaport dals passagiers;
- b. la piazza aviatica da partenza da l'avium, las plazzas aviaticas da transit e la piazza aviatica da destinaziun;
- c. il biro da viadi, sur il qual il sgol è vegnir reservà.

<sup>320</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>321</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>322</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBl 2018 1685).

<sup>323</sup> Oriundamain: art. 104b. Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviazium; sistems d'infurmaziun), en vigur dapi il 1. d'oct. 2015 (AS 2015 3023; BBl 2013 2561).

<sup>3</sup> L'obligaziun da metter a disposiziun las glistas da passagiers finescha 6 mais suenter la data dal sgol.

<sup>4</sup> Las autoritads responsablas per la controlla da cunfin stizzan las datas entaifer 72 uras suenter ch'ellas han survegni las datas.

### Partiziun 3 Communicaziun da datas da personas a l'exteriur<sup>324</sup>

#### Art. 105 Communicaziun da datas da personas a l'exteriur

<sup>1</sup> Per ademplir lur incumbensas, cunzunt per cumbatter acts chastiablels tenor questa lescha, pon il SEM e las autoritads chantunalas cumpetentas communigar datas da personas estras a las autoritads estras che han incumbensas correspudentas, sche questas autoritads garanteschon ina protecziun da datas ch'è equivalenta a la protecziun da datas svizra.

<sup>2</sup> Las suandantas datas da personas pon vegnir communigadas:

- a. las personalias da la persuna estra (num, prenum, pseudonims, data da naschientscha, lieu da naschientscha, schlattaina, naziunalitad, ultima adressa en il stadi d'origin u da derivanza) e – sche quai è necessari – dals confamigliars;
- b. indicaziuns davart il passaport u davart auters documents d'identitad;
- c. datas biometricas;
- d. ulteriuras datas ch'èn necessarias per identifitgar ina persuna;
- e. indicaziuns davart il stadi da sanadad, sche quai è en l'interess da la persuna pertutgada e sche quella è vegnida infurmada;
- f. las datas ch'èn necessarias per garantir l'entrada en il stadi da destinaziun sco er la segirezza da las personas accompagnantas;
- g. indicaziuns davart ils lieus da dimora e davart ils itineraris;
- h. indicaziuns davart la regulaziun da la dimora e davart visums concedids.

#### Art. 106 Communicaziun da datas da personas al stadi d'origin u da derivanza

Per exequir speditas u expulsions en il stadi d'origin u da derivanza po l'autoritad ch'è cumpetenta per organisar la partenza da la Svizra communigar las suandantas datas ad autoritads estras, dentant mo, sche la persuna estra u ses confamigliars na vegnan betg periclitads tras quai:

- a. las personalias da la persuna estra (num, prenum, pseudonims, data da naschientscha, lieu da naschientscha, schlattaina, naziunalitad, num e prenum dals geniturs, ultima adressa en il stadi d'origin u da derivanza) e – sche quai è necessari – dals confamigliars;

<sup>324</sup> Integrà tras la cifra I da la LF dals 14 da dec. 2018 (regulaziuns da procedura e systems d'infurmaziun), en vigor dapi il 1. da zer. 2019 (AS 2019 1413; BBl 2018 1685).



- b. indicaziuns davart il passport u davart auters documents d'identitad;
- c. datas biometricas;
- d. ulteriuras datas ch'èn necessarias per identifitgar ina persuna;
- e. indicaziuns davart il stadi da sanadad, sche quai è en l'interess da la persuna pertutgada e sche quella è vegnida infurmada;
- f. las datas ch'èn necessarias per garantir l'entrada en il stadi da destinaziun sco er la segirezza da las personas accompagnantas.

**Art. 107**        Communicaziun da datas da personas en cas da convegnas da readmissiun e da transit

<sup>1</sup> Per realisar las convegnas da readmissiun e da transit ch'èn menziunadas en l'artigel 100 pon il SEM e las autoritads chantunals cumpetentas communitgar las datas da personas necessarias er a stadis che n'han betg ina protecziun da datas ch'è equivalenta a la protecziun da datas svizra.

<sup>2</sup> Per readmetter ses agens burgais pon vegnir communitgadas las suandantas datas ad in auter stadi contrahent:

- a. las personalias da la persuna estra (num, prenum, pseudonims, data da naschientscha, lieu da naschientscha, schlattaina, naziunalitad, ultima adressa en il stadi d'origin u da derivanza) e – sche quai è necessari – dals confamigliars;
- b. indicaziuns davart il passport u davart auters documents d'identitad;
- c. datas biometricas;
- d. ulteriuras datas ch'èn necessarias per identifitgar ina persuna;
- e. indicaziuns davart il stadi da sanadad, sche quai è en l'interess da la persuna pertutgada;
- f. las datas ch'èn necessarias per garantir l'entrada en il stadi da destinaziun sco er la segirezza da las personas accompagnantas;
- g. indicaziuns davart proceduras penals, sche quai è necessari en il cas concret per reglar la readmissiun e per mantegnair la segirezza publica e l'urden public en il stadi d'origin e sche la persuna pertutgada na vegn betg periclitada tras quai; l'artigel 2 da la Lescha federala dals 20 da mars 1981<sup>325</sup> davart l'assistenza giudiziala vala tenor il senn.

<sup>3</sup> En vista al transit da personas d'ulteriurs stadis pon vegnir communitgadas las suandantas datas a l'auter stadi contrahent:

- a. las datas tenor l'alinea 2;
- b. indicaziuns davart ils lieus da dimora e davart ils itineraris;
- c. indicaziuns davart la regulaziun da la dimora e davart visums concedids.

<sup>4</sup> La convegna da readmissiun u da transit sto menziunar l'intent da l'utilisaziun da las datas, eventualas mesiras da segirezza sco er las autoritads cumpetentas.

**Art. 108 e 109**<sup>326</sup>

## Chapitel 14a **Sistems d'infurmaziun**<sup>327</sup>

### Partiziun 1

### **Sistem d'infurmaziun central per ils visums e sistem naziunal da visums**<sup>328</sup>

**Art. 109a**<sup>329</sup> Consultaziun da las datas dal sistem d'infurmaziun central per ils visums

<sup>1</sup> Il sistem d'infurmaziun central per ils visums (C-VIS) cuntegna las datas davart ils visums da tut ils stadis, en ils quals è en vigur l'Ordinaziun (CE) nr. 767/2008<sup>330</sup>.

<sup>2</sup> Las suandantas autoritads han il dretg da consultar online las datas dal C-VIS:

- a.<sup>331</sup> il SEM, las represchentanzas svizras a l'exteriur e las missiuns, las autoritads chantunalas da migraziun cumpetentas per visums e las autoritads communitas, a las qualas ils chantuns han delegà questas cumpetenzas, il Secretariat da stadi e la Direzziun politica dal DFAE sco er il Corp da guardias da cunfin ed ils posts da cunfin da las autoritads polizialas chantunalas: en il rom da la procedura da visums;
- b.<sup>332</sup> il SEM: per determinar il stadi ch'è cumpetent per examinar ina dumonda d'asil en applicaziun da l'Ordinaziun (UE) nr. 604/2013<sup>333</sup>, sco er en il rom da l'examinaziun d'ina dumonda d'asil en cas che la Svizra è cumpetenta per elavurar questa dumonda;

<sup>326</sup> Aboli tras l'art. 126 al. 6 LEI.

<sup>327</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBI 2018 1685).

<sup>328</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBI 2018 1685).

<sup>329</sup> Integrà tras l'art. 2 cifra 1 dal COF dals 11 da dec. 2009 davart l'approvaziun e la realisaziun dals barats da notas tranter la Svizra e la UE concernent la surpigliada da l'ordinaziun e dal conclus davart il sistem d'infurmaziun per ils visums (VIS), en vigur dapi ils 11 d'oct. 2011 (AS 2010 2063, 2011 4449; BBI 2009 4245).

<sup>330</sup> Ordinaziun (CE) nr. 767/2008 dal Parlament europeic e dal Cussegl dals 9 da fan. 2008 davart il sistem d'infurmaziun per ils visums (VIS) ed il barat da datas tranter ils stadis commembers davart ils visums per ina dimora da curta durada (Ordinaziun VIS), ABl. L 218 dals 13 d'avust 2008, p. 60.

<sup>331</sup> Versiun tenor la cifra I da la LF dals 26 da sett. 2014, en vigur dapi il 1. da mars 2015 (AS 2015 533; BBI 2014 3373).

<sup>332</sup> Versiun tenor la cifra I 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 604/2013 davart la fixaziun dals criteris e dals mecanissem per determinar il stadi commember ch'è cumpetent per examinar ina dumonda da protecciun internaziunala), en vigur dapi il 1. da fan. 2015 (AS 2015 1841; BBI 2014 2675).

<sup>333</sup> Guardar annotaziun da l'art. 64a al. 1.

- c. il Corp da guardias da cunfin e las autoritads polizialas chantunalas responsablas per la controlla dal cunfin exterior dal territori da Schengen: per realisar controllas als posts da passadi als cunfins externs e sin il territori svizzer;
- d. il Corp da guardias da cunfin e las autoritads polizialas chantunalas responsablas per la controlla da personas: per identifitgar personas che n'han betg u betg pli las premissas per entrar en il territori svizzer u per ina dimora en Svizra.

<sup>3</sup> Las autoritads suandantas han il dretg, tenor la decisiun 2008/633/JI<sup>334</sup> per impedir, scuvrir ed investigar delicts terroristics ed auters grevs delicts, da pretender tshertas datas or dal C-VIS tenor l'alineia 4 tar l'autoridad centrala:

- a. il fedpol;
- b. il Servetsch d'infurmaziun da la Confederaziun;
- c. la Procura publica federala;
- d. las autoritads penals e polizialas chantunalas e las autoritads polizialas da las citads Turitg, Winterthur, Losanna, Chiasso e Lugano.

<sup>4</sup> L'autoridad centrala è en il senn da l'artitgel 3 alineia 3 da la decisiun 2008/633/JI la centrala dal fedpol.

#### **Art. 109b<sup>335</sup>** Sistem naziunal da visums

<sup>1</sup> Il SEM maina in sistem naziunal da visums. Il sistem serve a registrar las dumondas da visums ed ad emetter ils visums concedids da la Svizra. El cuntegna en spezial las datas che vegnan transmessas sur l'interfatscha naziunala (N-VIS) al C-VIS.

<sup>2</sup> Il sistem naziunal da visums cuntegna las suandantas categorias da datas:

- a. las datas alfanumericas davart las personas che dumondan visums sco er davart ils visums dumandads, concedids, refusads, annullads, revocads u prolungads;
- b. las fotografias e las improntas dals dets da las personas che dumondan visums;
- c. las colliaziuns tranter tshertas dumondas da visums da las personas che dumondan visums;
- d.<sup>336</sup> las datas dal RIPOL sco er dal ASF-SLTD, a las qualas las autoritads da visums han access;

<sup>334</sup> Decisiun 2008/633/JI dal Cussegl dals 23 da zer. 2008 davart l'access da las autoritads numnadas dals stadis commembers e dad Europol al sistem d'infurmaziun per ils visums (VIS) per la tshertga da datas cun la finamira dad impedir, scuvrir ed investigar delicts terroristics ed auters grevs delicts, ABl. L 218 dals 13 d'avust 2008, p. 129.

<sup>335</sup> Integrà tras l'art. 2 cifra 1 dal COF dals 11 da dec. 2009 davart l'approvaziun e la realisaziun dals barats da notas tranter la Svizra e la UE concernent la surpigliada da l'ordinaziun e dal conclud davart il sistem d'infurmaziun per ils visums (VIS), en vigur dapi ils 20 da schan. 2014 (AS 2010 2063, 2014 1; BBl 2009 4245).

e.<sup>337</sup> las datas dal SIS, a las qualas las autoritads da visums han access, uschena-  
vant ch'ina publicaziun tenor il chapitel 4 da l'Ordinaziun (CE) nr.  
1987/2006<sup>338</sup> ha gi lieu e che las premissas tenor l'artitgel 32 alinea 1 da tala  
ordinaziun da la CE èn ademplitas.

<sup>2bis</sup> Il sistem naziunal da visums cuntegna ultra da quai in subsistem electronic cun  
ils dossiers da las persunas che han dumandà visums.<sup>339</sup>

<sup>3</sup> Il SEM, las represchentanzas svizras a l'exteriur e las missiuns, las autoritads  
chantunalas da migraziun cumpetentas per visums e las autoritads communalas, a  
las qualas ils chantuns han delegà questas cumpetenzas, il Secretariat da stadi e la  
Direcziun politica dal DFAE sco er il Corp da guardias da cunfin ed ils posts da  
cunfin da las autoritads chantunalas da polizia, che concedan ils visums excepziun-  
als, pon endatar, midar u stizzar datas en il sistem d'infurmaziun per ademplitar las  
incumbensas necessarias en il rom da la procedura da visums.<sup>340</sup> Las datas che  
vegnan transmessas al C-VIS ston els endatar ed elavurar a norma da l'Ordinaziun  
(CE) nr. 767/2008<sup>341</sup>.

**Art. 109c<sup>342</sup>** Consultaziun dal sistem naziunal da visums

Il SEM po dar a las suandantas autoritads in dretg d'access online a las datas dal  
sistem naziunal da visums:

- a. al Corp da guardias da cunfin ed als posts da cunfin da las autoritads chan-  
tunalas da polizia: per far las controllas da persunas e per conceder visums  
excepziunals;
- b. a las represchentanzas svizras a l'exteriur ed a las missiuns: per controllar  
las dumondas da visums;
- c. al Secretariat da stadi ed a la Direcziun politica dal DFAE: per controllar las  
dumondas da visums en il champ da cumpetenzza dal DFAE;

<sup>336</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza  
e d'annunzia tras las interpresas d'aviatica; systems d'infurmaziun), en vigur dapi il  
1. d'oct. 2015 (AS **2015** 3023; BBI **2013** 2561).

<sup>337</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza  
e d'annunzia tras las interpresas d'aviatica; systems d'infurmaziun), en vigur dapi il  
1. d'oct. 2015 (AS **2015** 3023; BBI **2013** 2561).

<sup>338</sup> Ordinaziun (CE) nr. 1987/2006 dal Parlament europeic e dal Cussegl dals 20 da dec. 2006  
davart l'installaziun, il funcziunament e l'utilisaziun dal sistem d'infurmaziun da Schengen  
da la segunda generaziun (SIS II), versiun tenor ABl. L 381 dals 28 da dec. 2006, p. 4.

<sup>339</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza  
e d'annunzia tras las interpresas d'aviatica; systems d'infurmaziun), en vigur dapi il  
1. d'oct. 2015 (AS **2015** 3023; BBI **2013** 2561).

<sup>340</sup> Versiun tenor la cifra I da la LF dals 26 da sett. 2014, en vigur dapi il 1. da mars 2015  
(AS **2015** 533; BBI **2014** 3373).

<sup>341</sup> Ordinaziun (CE) nr. 767/2008 dal Parlament europeic e dal Cussegl dals 9 da fan. 2008  
davart il sistem d'infurmaziun per ils visums (VIS) ed il barat da datas tranter ils stadis  
commembers concernent visums per ina dimora curta (Ordinaziun VIS), ABl. L 218 dals  
13 d'avust 2008, p. 60.

<sup>342</sup> Integrà tras l'art. 2 cifra 1 dal COF dals 11 da dec. 2009 davart l'approvaziun e la  
realisaziun dals barats da notas tranter la Svizra e la UE concernent la surpigliada da  
l'ordinaziun e dal conclus davart il sistem d'infurmaziun per ils visums (VIS), en vigur  
dapi ils 20 da schan. 2014 (AS **2010** 2063, **2011** 4449, **2014** 1; BBI **2009** 4245).

- d. a l'Uffizi central da cumpensaziun: per sclerir dumondas da prestaziun sco er per attribuir e per controllar ils numers d'assicuranza da la AVS;
- e. a las autoritads chantunalas e communalas da migraziun ed a las autoritads chantunalas da polizia: per lur incumbensas en il sector da las personas estras;
- f. a las autoritads federalas responsablas en il sector da la segirezza interna, da l'assistenza giudiziala internaziunala en chaussas penalas e dals fatgs da polizia:
  - 1. per identifitgar personas en ils secturs dal barat d'infurmaziuns da polizia, da las retschertgas da la polizia da segirezza e da la polizia giudiziala, da las proceduras d'extradiziun, da l'assistenza giudiziala e da l'agid uffizial, da la persecuziun penala e da l'execuziun penala tras delegaziun, dal combat cunter la lavada da daners, cunter il commerzi cun drogas e cunter la criminalitad organisada, da la controlla da documents d'identitad, da las retschertgas en connex cun la tschertga da personas sparidas sco er da la controlla da las endataziuns en il sistem informatisà da retschertga tenor la Lescha federala dals 13 da zercladur 2008<sup>343</sup> davart ils systems d'infurmaziun da polizia federala,
  - 2. per controllar mesiras d'allontanament per mantegnair la segirezza interna ed externa da la Svizra tenor la Lescha federala dals 21 da mars 1997<sup>344</sup> davart mesiras per mantegnair la segirezza interna;
- g. a las instanzas da recurs da la Confederaziun: per l'instrucziun dals recurs inoltrads ad ellas;
- h. als uffizis da stadi civil ed a lur autoritads da surveglianza: per identifitgar personas en connex cun eveniments da stadi civil, per preparar ina maridaglia u ina inscripziun d'in partenadi sco er per evitar ina guntgida dal dretg da personas estras tenor l'artitgel 97a alinea 1 dal CCS<sup>345</sup> e tenor l'artitgel 6 alinea 2 da la Lescha da partenadi dals 18 da zercladur 2004<sup>346</sup>.

**Art. 109a**<sup>347</sup> Barat d'infurmaziuns cun stadis commembers da la UE per ils quals l'Ordinaziun (CE) nr. 767/2008 n'è betg anc en vigur

Ils stadis commembers da la UE, per ils quals l'Ordinaziun (CE) nr. 767/2008<sup>348</sup> n'è betg anc en vigur, pon dumandar infurmaziuns da las autoritads tenor l'artitgel 109a alinea 3.

<sup>343</sup> SR 361

<sup>344</sup> SR 120

<sup>345</sup> SR 210

<sup>346</sup> SR 211.231

<sup>347</sup> Integrà tenor l'art. 2 cifra 1 dal COF dals 11 da dec. 2009 davart l'approvaziun e la realisaziun dal barat da notas tranter la Svizra e la UE concernent la surpigliada da l'ordinaziun e dal conclus davart il sistem d'infurmaziun per ils visums (VIS) (AS 2010 2063; BBI 2009 4245). Versiun tenor la cifra 1 da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da personas), en vigur dapi il 1. da fan. 2018 (AS 2018 733; BBI 2016 3007).

**Art. 109e**<sup>349</sup> Disposiziuns executivas tar ils sistems d'infurmaziun per ils visums

Il Cussegl federal regla:

- a. per tge unitads da las autoritads tenor ils artitgels 109a alineas 2 e 3 e 109b alineas 3 che las cumpetenzas numnadas en quellas disposiziuns valan;
- b. la procedura per che las autoritads tenor l'artitgel 109a alineas 3 survegnian datas dal C-VIS;
- c. la dimensiun da l'access online al C-VIS ed al sistem naziunal da visums;
- d. il catalog da las datas en il sistem naziunal da visums ed ils dretgs d'access da las autoritads tenor l'artitgel 109c;
- e. la procedura per barattar infurmaziuns tenor l'artitgel 109d;
- f. l'arcunaziun da las datas e la procedura per stizzar las datas;
- g. las modalitads areguard la segirezza da las datas;
- h. la collavuraziun cun ils chantuns;
- i. la responsabladad per l'elavuraziun da las datas;
- j. il catalog dals malfatgs tenor l'artitgel 109a alineas 3.

## Partiziun 2 ...

**Art. 109f–109j**<sup>350</sup>

<sup>348</sup> Ordinaziun (CE) nr. 767/2008 dal Parlament europeic e dal Cussegl dals 9 da fan. 2008 davart il sistem d'infurmaziun per ils visums (VIS) ed il barat da datas tranter ils stadis commembers davart ils visums per ina dimora da curta durada (Ordinaziun VIS), ABl. L 218 dals 13 d'avust 2008, p. 60.

<sup>349</sup> Integrà tras l'art. 2 cifra 1 dal COF dals 11 da dec. 2009 davart l'approvaziun e la realisaziun dals barats da notas tranter la Svizra e la UE concernent la surpigliada da l'ordinaziun e dal conclus davart il sistem d'infurmaziun per ils visums (VIS), en vigor dapi ils 20 da schan. 2014 (AS 2010 2063, 2014 1; BBl 2009 4245).

<sup>350</sup> Entra en vigor pli tard.

### Partiziun 3 Sistem da dossiers persunals e da documentaziun<sup>351</sup>

#### Art. 110<sup>352</sup> ...<sup>353</sup>

En collavuraziun cun il Tribunal administrativ federal e cun las autoritads chantunales competentas maina il SEM in sistem da dossiers persunals e da documentaziun automatisà.

#### Art. 111 Sistem d'infurmaziun per documents da viadi

<sup>1</sup> Il SEM maina in sistem d'infurmaziun per emetter documents da viadi svizzers e permissiuns da return per personas estras (ISR).<sup>354</sup>

<sup>2</sup> Il ISR cuntegna las suandantas datas:

- a.<sup>355</sup> il num, il prenum, la schlattaina, la data da naschientscha, il lieu da naschientscha, la nazionalitad, l'adressa, la grondezza, ina fotografia da la fatscha, las improntas dals dets, il num ed il prenum dals geniturs, il num dals geniturs avant che maridar, la suttascripziun, il numer dal dossier ed il numer persunal;
- b. indicaziuns davart la dumonda, sco l'entrada da la dumonda e la decisium davart la dumonda;
- c. indicaziuns davart il document da viadi, sco la data d'emissiun e la valaivladad;
- d. las suttascripziuns ed ils nums dals represchentants legals tar documents da viadi per personas minorennas u avugadadas;
- e. il num d'allianza, il num en in urden religius ubain il num d'artist sco er indicaziuns davart caracteristicas spezialas, sco impediments, protesas u implantats, sche la persuna che fa la dumonda pretenda ch'il document da viadi duaja cuntignair questas indicaziuns;
- f. indicaziuns davart ils documents da viadi pers.

<sup>351</sup> Integrà tras la cifra I da la LF dals 14 da dec. 2018 (regulaziuns da procedura e systems d'infurmaziun), en vigur dapi il 1. da zer. 2019 (AS **2019** 1413; BBI **2018** 1685).

<sup>352</sup> Versiun tenor la cifra I 1 da l'Ordinaziun da la AF dals 20 da dec. 2006 davart l'adattaziun da decretis a las disposiziuns da la LF davart il Tribunal federal e da la LF davart il Tribunal administrativ federal, en vigur dapi il 1. da schan. 2008 (AS **2006** 5599; BBI **2006** 7759).

<sup>353</sup> Aboli tras la cifra I da la LF dals 14 da dec. 2018 (regulaziuns da procedura e systems d'infurmaziun), cun effect dapi il 1. da zer. 2019 (AS **2019** 1413; BBI **2018** 1685).

<sup>354</sup> Versiun tenor l'art. 2 cifra 2 dal COF dals 13 da zer. 2008 davart l'approvaziun e la realisaziun dal barat da notas tranter la Svizra e la CE concernent ils passaports ed ils documents da viadi biometrics, en vigur dapi il 1. d'oct. 2011 (AS **2009** 5521, **2011** 4033; BBI **2007** 5159).

<sup>355</sup> Versiun tenor l'art. 2 cifra 2 dal COF dals 13 da zer. 2008 davart l'approvaziun e la realisaziun dal barat da notas tranter la Svizra e la UE concernent ils passaports ed ils documents da viadi biometrics, en vigur dapi il 1. d'oct. 2011 (AS **2009** 5521, **2011** 4033; BBI **2007** 5159).

<sup>3</sup> Per controllar, sche la persuna che fa la dumonda vegn tschertgada pervia d'in crim u d'in delict, vegn fatga automaticamain ina dumonda en il sistem informatisà da retschertga da la polizia RIPOL.<sup>356</sup>

<sup>4</sup> Las datas ch'èn vegnidas registradas sin basa da l'alineia 2 vegnan elavuradas da collavuratur dal SEM che han l'incumbensa d'emetter documents da viadi svizzers e permissiuns da return.<sup>357</sup>

<sup>5</sup> Tras ina procedura d'invista po il SEM porscher a las suandantas autoritads u als suandants posts in access a las datas ch'èn vegnidas registradas sin basa da l'alineia 2, sche quels basegan questas datas per ademplir lur incumbensas:<sup>358</sup>

- a. al post che ha l'incumbensa d'emetter ils documents da viadi;
  - b. als posts da cunfin da las autoritads chantunals da polizia ed al corp da guardias da cunfin per far la controlla da persunas;
  - c. als posts da polizia che vegnan designads dals chantuns per sclerir l'identitad e per retschaiver annunzias da documents da viadi pers;
  - d.<sup>359</sup> a las autoritads u als posts che vegnan designads dals chantuns per prender encunter dumondas d'emetter documents da viadi;
  - e.<sup>360</sup> a las autoritads u als posts che vegnan designads dals chantuns per registrar il maletg da la fatscha e las improntas dals dets.
- <sup>6</sup> Il Cussegl federal decretescha las disposiziuns executivas.

<sup>356</sup> Versiun tenor la cifra 2 da l'aggiunta 1 da la LF dals 13 da zer. 2008 davart ils systems d'infurmaziun da polizia da la Confederaziun, en vigor dapi ils 5 da dec. 2008 (AS 2008 4989; BBI 2006 5061).

<sup>357</sup> Versiun tenor l'art. 2 cifra 2 dal COF dals 13 da zer. 2008 davart l'approvaziun e la realisaziun dal barat da notas tranter la Svizra e la CE concernent ils passaports ed ils documents da viadi biometrics, en vigor dapi il 1. d'oct. 2011 (AS 2009 5521, 2011 4033; BBI 2007 5159).

<sup>358</sup> Versiun tenor la cifra I 1 da la LF dals 18 da zer. 2010 davart l'adattaziun da disposiziuns concernent la registraziun da datas en il sectur da la migraziun, en vigor dapi ils 24 da schan. 2011 (AS 2011 95; BBI 2010 51).

<sup>359</sup> Integrà tras la cifra I 1 da la LF dals 18 da zer. 2010 davart l'adattaziun da disposiziuns concernent la registraziun da datas en il sectur da la migraziun, en vigor dapi ils 24 da schan. 2011 (AS 2011 95; BBI 2010 51).

<sup>360</sup> Integrà tras la cifra I 1 da la LF dals 18 da zer. 2010 davart l'adattaziun da disposiziuns concernent la registraziun da datas en il sectur da la migraziun, en vigor dapi ils 24 da schan. 2011 (AS 2011 95; BBI 2010 51).



**Chapitel 14b**<sup>361</sup>**Protecziun da datas en il rom da la cunvegna d'associaziun a la reglamentaziun da Schengen**

**Art. 111a**      Comunicaziun da datas als stadis ch'èn participads a las cunvegnas d'associaziun a la reglamentaziun da Schengen

La comunicaziun da datas da personas a las autoritads cumpetentas da stadis ch'èn liads tras ina da las cunvegnas d'associaziun a la reglamentaziun da Schengen ha il medem status giuridic sco la comunicaziun da datas da personas tranter organs federals.

**Art. 111b**      Elavuraziun da datas

<sup>1</sup> Il SEM è l'autorità centrala per consultaziuns en connex cun dumondas da visum tenor las cunvegnas d'associaziun a la reglamentaziun da Schengen.

<sup>2</sup> En questa funcziun po el communitgar e consultar cun agid da proceduras automatisadas spezialmain datas da las suandantas categorias:

- a. la represchentanza diplomatica u consulara, tar la quala la dumonda da visum è vegnida inoltrada;
- b. l'identitad da la persuna pertutgada (num, prenum, data da naschientscha, lieu da naschientscha, naziunalitad, domicil, professiun, patrun) sco er – sche quai è necessari – l'identitad da ses confamigliars;
- c. indicaziuns davart ils documents d'identitad;
- d. indicaziuns davart ils lieus da dimora e davart ils itineraris.

<sup>3</sup> Cun lur partenarias dals stadis ch'èn liads tras ina da las cunvegnas d'associaziun a la reglamentaziun da Schengen pon las represchentanzas svizras a l'exteriur barattar las datas ch'èn necessarias per la collavuraziun consulara al lieu, cunzunt infurmasziuns davart l'utilisaziun da documents falsifitgads u sfalsifitgads e davart organisaziuns da cuntrabanda da personas sco er datas da las categorias menziunadas en l'alineia 2.

<sup>4</sup> Il Cussegl federal po adattar las categorias da datas da personas ch'èn menziunadas en l'alineia 2 als svilups ils pli novs dal possess actual da Schengen. Per quest intent consultescha el l'incumbensada federala u l'incumbensà federal per la protecziun da datas.

**Art. 111c**      Barat da datas

<sup>1</sup> En il rom da l'obligaziun da diligenza tenor l'artitgel 92 e da l'obligaziun d'assistenza tenor l'artitgel 93 pon las autoritads ch'èn incumbensadas cun la controlla da cunfin e las interpresas da transport barattar las datas da personas necessarias.

<sup>361</sup> Oriundamain: chapitel 14<sup>bis</sup>. Integrà tras l'art. 127 LEI, en vigur dapi ils 12 da dec. 2008 (AS 2008 5405 art. 2 lit. a).

<sup>2</sup> Per quest intent pon ellas communitgar e consultar spezialmain las datas da persunas tenor l'artitgel 111*b* alinea 2 litera b–d.

<sup>3</sup> Ils artitgels 111*a*, 111*d* e 111*f* valan tenor il senn.<sup>362</sup>

#### **Art. 111*d***      Comunicaziun da datas ad ulteriurs stadis

<sup>1</sup> Ad ulteriurs stadis dastgan vegnir communitgadas datas da persunas mo, sche quests stadis garanteschon in nivel da protecziun da datas adequat.

<sup>2</sup> Sch'in ulteriur stadi na garantescha betg in nivel da protecziun da datas adequat, al pon vegnir communitgadas datas da persunas en il cas singul, sche:

- a. la persuna pertutgada ha dà ses consentiment senza il minim dubi; sch'i sa tracta da datas da persunas u da profils da la personalitad ch'èn spezialmain degns da vegnir protegids, sto il consentiment esser explicit;
- b. la comunicaziun è necessaria per proteger la vita u l'integritad corporala da la persuna pertutgada; u
- c. la comunicaziun è necessaria per proteger interess publics predominants u per constatar, per exequir u per far valair dretgs davant dretgira.

<sup>3</sup> Ultra dals cas numnads en l'alinea 2 pon datas da persunas er vegnir communitgadas, sche garantias suffizientas permettun en il cas singul che la persuna pertutgada saja protegida adequatamain.

<sup>4</sup> Il Cussegl federal fixescha la dimensiun da las garantias che ston vegnir prestadas e las modalitads per prestar questas garantias.

<sup>5</sup> Las datas che derivan da la banca da datas Eurodac na dastgan vegnir transmessas sut naginas circumstanzas:

- a. ad in stadi che n'è betg lià tras ina da las cunvegns d'associaziun a la reglamentaziun da Dublin;
- b. ad organisaziuns internaziunalas;
- c. a posts privats.<sup>363</sup>

<sup>362</sup> Versiun tenor la cifra 1 da la LF dals 19 da mars 2010 davart la realisaziun dal conclus da basa 2008/977/JI davart la protecziun da datas da persunas en il rom da la collavuraziun poliziala e giudiziala en chausas penals, en vigur dapi il 1. da dec. 2010 (AS **2010** 3387 3418; BBI **2009** 6749).

<sup>363</sup> Integrà tras la cifra 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 603/2013 davart la constituziun d'Eurodac sco er davart la midada da l'Ordinaziun [UE] nr. 1077/2011 pertutgant la constituziun da l'Agentura IT), en vigur dapi ils 20 da fan. 2015 (AS **2015** 2323; BBI **2014** 2675).

**Art. 111e**<sup>364</sup>**Art. 111f** Dretg da survegnir infurmaziuns

Il dretg da survegnir infurmaziuns sa drizza tenor las disposiziuns davart la protecziun da datas da la Confederaziun u dals chantuns.<sup>365</sup> Il possessur da la collecziun da datas dat er las infurmaziuns disponiblas davart la derivanza da las datas.

**Art. 111g e 111h**<sup>366</sup>**Chapitel 14c**<sup>367</sup> Eurodac**Art. 111i**<sup>368</sup>

<sup>1</sup> Ils posts da cunfin e las autoritads da polizia dals chantuns e da las vischnancas prendan immediatamain las improntas da tut ils dets da personas estras ch'èn pli veglias che 14 onns, sche la persuna pertutgada:

- a. entra illegalmain en Svizra or d'in stadi ch'è n'è betg lià tras ina da las cunvegns d'associaziun a la reglamentaziun da Dublin;
- b. na vegn betg refusada ubain vegn tegnida en fermanza u prenidada en arrest en vista ad in'expulsiun durant tut il temp tranter sia tschiffada e la spedita.

<sup>2</sup> Ultra da las improntas dals dets vegnan registradas las suandantas datas:

- a. il lieu e la data da la tschiffada en Svizra;
- b. la schlattaina da la persuna tschiffada;
- c. la data, cur che las improntas dals dets èn vegnidadas prenidadas;
- d. il numer distinctiv svizzer da las improntas dals dets;

<sup>364</sup> Aboli tras la cifra 1 da la LF dals 19 da mars 2010 davart la realisaziun dal conclud da basa 2008/977/JI davart la protecziun da datas da personas en il rom da la collavuraziun poliziala e giudiziala en chaussas penalas, cun effect dapi il 1. da dec. 2010 (AS **2010** 3387 3418; BBl **2009** 6749).

<sup>365</sup> Versiun tenor la LF dals 19 da mars 2010 davart la realisaziun dal conclud da basa 2008/977/JI davart la protecziun da datas da personas en il rom da la collavuraziun poliziala e giudiziala en chaussas penalas, en vigur dapi il 1. da dec. 2010 (AS **2010** 3387 3418; BBl **2009** 6749).

<sup>366</sup> Aboli tras la cifra 1 da la LF dals 19 da mars 2010 davart la realisaziun dal conclud da basa 2008/977/JI davart la protecziun da datas da personas en il rom da la collavuraziun poliziala e giudiziala en chaussas penalas, cun effect dapi il 1. da dec. 2010 (AS **2010** 3387 3418; BBl **2009** 6749).

<sup>367</sup> Oriundamain: chapitel 14<sup>ter</sup>. Integrà tras l'art. 127 LEI, en vigur dapi ils 12 da dec. 2008 (AS **2008** 5405 art. 2 lit. a).

<sup>368</sup> Versiun tenor la cifra 1 da l'aggiunta dal COF dals 26 da sett. 2014 (surpigliada da l'Ordinaziun [UE] nr. 603/2013 davart la constituiun d'Eurodac sco er davart la midada da l'Ordinaziun [UE] nr. 1077/2011 pertutgant la constituiun da l'Agentura IT), en vigur dapi ils 20 da fan. 2015 (AS **2015** 2323; BBl **2014** 2675).

- e. la data, cur che las datas èn vegnidas transmessas a l'unitad centrala;
- f. il pled-clav da l'utilisader.

<sup>3</sup> Las datas registradas tenor ils alineas 1 e 2 vegnan transmessas a l'unitad centrala entaifer 72 uras suenter la tschiffada da la persuna pertutgada. Sche la persuna pertutgada vegn prendida en arrest per pli ditg che 72 uras, ston las datas vegnir transmessas avant che la persuna pertutgada vegn laschada liber.

<sup>4</sup> Sch'ils dets da la persuna pertutgada na permettan betg da prender las improntas, ston las improntas vegnir transmessas a l'unitad centrala entaifer 48 uras, suenter ch'igl è puspè pussaivel da prender improntas irreproschablas. Sch'i n'è betg pussaivel da prender las improntas dals dets pervia dal stadi da sanadad da la persuna pertutgada u pervia da mesiras da la sanadad publica, ston questas improntas vegnir transmessas a l'unitad centrala entaifer 48 uras suenter ch'il motiv d'impediment è crudà davent.

<sup>5</sup> Sche problems tecnicos gravants impedeschan la transmissiun da las datas, vegn concedì in termin supplementar da 48 uras per prender las mesiras necessarias, per ch'il sistem funcziunia puspè senza problems.

<sup>6</sup> Ils posts da cunfin e las autoritads da persunas estras e da polizia dals chantuns e da las vischnancas pon prender las improntas da tut ils dets da persunas estras ch'èn pli veglias che 14 onns e che sa trategnan illegalmain en Svizra per controllar, sch'ellas han gia inoltrà ina dumonda d'asil en in auter stadi ch'è lià tras ina da las cunvegnas d'associaziun a la reglamentaziun da Dublin.

<sup>7</sup> Las datas ch'èn vegnidas registradas tenor ils alineas 1, 2 e 6 vegnan transmessas al SEM per las trametter vinavant a l'unitad centrala.

<sup>8</sup> Las datas transmessas tenor ils alineas 1 e 2 vegnan arcunadas da l'unitad centrala en la banca da datas Eurodac e destruidas automaticamain 18 mais suenter che las improntas dals dets èn vegnidas prendidas. Il SEM dumonda immediatamain l'unitad centrala da destruir pli baud questas datas, uschespert ch'el survegn enconuschientscha dal fatg che la persuna estra:

- a. ha survegnì ina permissiun da dimora en Svizra;
- b. ha bandunà il territori suveran dals stadis ch'èn liads tras ina da las cunvegnas d'associaziun a la reglamentaziun da Dublin;
- c. ha survegnì la naziunalitad d'in stadi ch'è lià tras ina da las cunvegnas d'associaziun a la reglamentaziun da Dublin.

<sup>9</sup> Per las proceduras tenor ils alineas 1–8 èn applitgabels ils artitgels 102*b*, 102*c* e 102*e* LAsil<sup>369</sup>.

<sup>369</sup> SR 142.31

## Chapitel 15 Protecziun giuridica

### Art. 112 ...<sup>370</sup>

<sup>1</sup> La procedura da las autoritads federalas sa drizza tenor las disposiziuns generalas da l'organisaziun giudiziala.

<sup>2</sup> Las disposiziuns davart la sistida dals termins na vegnan betg applitgadas en las proceduras tenor l'artitgel 65 e tenor l'artitgel 76 alinea 1 litera b cifra 5.

### Art. 113 e 114<sup>371</sup>

## Chapitel 16 Disposiziuns penalas e sancziuns administrativas

### Partiziun 1 Disposiziuns penalas<sup>372</sup>

#### Art. 115 Entrada, partenza u dimora illegala, activitad da gudogn senza permissiun

<sup>1</sup> Cun in chasti da detenziun fin 1 onn u cun in chasti pecuniar vegn chastià, tgi che:

- a. violescha prescripziuns da l'artitgel 5 davart l'entrada en Svizra;
- b. sa strategna illegalmain en Svizra, cunzunt sunter la scadenza da la dimora che na basegna betg ina permissiun u da la dimora permessa;
- c. pratitgescha in'activitad da gudogn betg permessa;
- d. entra en Svizra u parta da la Svizra senza passar tras in post da cunfin prescrit (art. 7).

<sup>2</sup> La persuna estra vegn chastiada cun il medem chasti, sch'ella entra u fa preparaziuns per entrar en il territori naziunal d'in auter stadi sunter la partenza da la Svizra u da las zonas da transit internaziunalas da las plazzas aviaticas, e quai violond las disposiziuns d'entrada che valan en l'auter stadi.<sup>373</sup>

<sup>3</sup> Il chasti è ina multa, sche l'autur dal delict ha agì per negligentscha.

<sup>4</sup> Sch'ina procedura da spedita u d'expulsiun è pendent, vegn sistida ina procedura penala ch'è vegnida instradada unicamain sin fundament d'in malfatg tenor l'alinea 1 litera a, b u e, fin che la procedura da spedita u d'expulsiun è terminada cun vigor

<sup>370</sup> Aboli per il 1. da schan. 2008 tras la cifra I 1 da l'Ordinaziun da la AF dals 20 da dec. 2006, cun effect dapi il 1. da schan 2008 (AS 2006 5599; BBl 2006 7759).

<sup>371</sup> Aboli per il 1. da schan. 2008 tras la cifra I 1 da l'Ordinaziun da la AF dals 20 da dec. 2006, cun effect dapi il 1. da schan 2008 (AS 2006 5599; BBl 2006 7759).

<sup>372</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigor dapi il 1. d'oct. 2015 (AS 2015 3023; BBl 2013 2561).

<sup>373</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigor dapi il 1. d'oct. 2015 (AS 2015 3023; BBl 2013 2561).

legala. Sch'ina procedura da spedita u d'expulsiun è previsa, po vegnir sistida la procedura penala.<sup>374</sup>

<sup>5</sup> Sche la pronunzia u l'execuziun d'in chasti pervia d'in malfatg tenor l'alinea 1 litera a, b u d impedescha l'execuziun immediata d'ina spedita u d'ina expulsiun legalmain valaivla, desista l'autorità competenta d'ina persecuziun penala, d'ina consegna a la dretgira u d'ina puniziun.<sup>375</sup>

<sup>6</sup> Ils alineas 4 e 5 na valan betg, sche la persuna pertutgada ha cuntrafatg al scumond d'entrar en Svizra ed è danovamain entrada en Svizra u sch'ina spedita u in'expulsiun n'ha betg pudì vegnir exequida pervia da ses cumpurtament.<sup>376</sup>

**Art. 116** Promoziun da l'entrada, da la partenza u da la dimora illegala

<sup>1</sup> Cun in chasti da detenziun fin 1 onn u cun in chasti pecuniar vegn chastià, tgi che:

- a. facilitescha – en Svizra u a l'exteriur – ad ina persuna estra l'entrada, la partenza u la dimora illegala en Svizra u sa participescha a talas preparaziuns;
- abis,<sup>377</sup> facilitescha – or da la Svizra – ad ina persuna estra l'entrada, il passadi u la partenza ubain la dimora illegala en in stadi da Schengen u sa participescha a talas preparaziuns;
- b. procura per persunas estras in'actività da gudogn en Svizra, e quai senza avoir la permissiun necessaria;
- c.<sup>378</sup> facilitescha ad ina persuna estra l'entrada en il territori nazional d'in auter stadi u sa participescha a talas preparaziuns suenter che la persuna estra è partida da la Svizra u da las zonas da transit internaziunalas da las plazzas aviaticas, e quai violond las disposiziuns d'entrada che valan en l'auter stadi.

<sup>2</sup> En cas levs po vegnir pronunziada er mo ina multa.

<sup>3</sup> Il chasti è in chasti da detenziun fin 5 onns u in chasti pecuniar e cun il chasti da detenziun sto vegnir collià in chasti pecuniar, sche l'autur dal delict:

- a. agescha cun l'intenziun d'enritgir illegalmain sasez u in'otra persuna; u
- b. agescha per in'associaziun u per ina gruppa ch'è s'unida cun l'intent da commetter cuntinuadamain quests acts.

<sup>374</sup> Versiun tenor la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBI 2018 1685).

<sup>375</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBI 2018 1685).

<sup>376</sup> Integrà tras la cifra I da la LF dals 14 da dec. 2018 (regulaziuns da procedura e sistems d'infurmaziun), en vigur dapi il 1. da zer. 2019 (AS 2019 1413; BBI 2018 1685).

<sup>377</sup> Integrà tras la cifra I da la LF dals 18 da zer. 2010 (controlla da cunfin automatizada, cussegladers da documents, sistem d'infurmaziun MIDES), en vigur dapi il 1. da schan. 2011 (AS 2010 5755; BBI 2009 8881).

<sup>378</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigur dapi il 1. d'oct. 2015 (AS 2015 3023; BBI 2013 2561).

**Art. 117** Occupaziun da personas estras senza permissiun

<sup>1</sup> Tgi che occupescha sco patrun intenziunadamain personas estras che n'han betg il dretg da pratitgar in'activitad da gudogn en Svizra u tgi che fa diever d'in servetsch transcunfinal en Svizra, per il qual il furnitur dal servetsch n'ha betg ina permissiun, vegn chastià cun in chasti da detenziun fin 1 onn u cun in chasti pecuniar. En cas grevs è il chasti in chasti da detenziun fin 3 onns u in chasti pecuniar. Cun il chasti da detenziun sto vegnir collià in chasti pecuniar.

<sup>2</sup> Tgi ch'è vegnì sentenzià cun vigur legala e commetta entaifer 5 onns danovamain acts chastiabels tenor l'alinea 1, vegn chastià cun in chasti da detenziun fin 3 onns u cun in chasti pecuniar. Cun il chasti da detenziun sto vegnir collià in chasti pecuniar.

<sup>3</sup> Sch'il malfatg vegn commess per negligentscha, importa la multa fin 20 000 francs.<sup>379</sup>

**Art. 117a**<sup>380</sup> Violaziun da las obligaziuns d'annunziar plazzas libras

<sup>1</sup> Tgi che violescha intenziunadamain l'obligaziun d'annunziar plazzas libras (art. 21a al. 3) u l'obligaziun da far in discurs da preschentaziun u in'examinaziun da la qualificaziun (art. 21a al. 4), vegn chastià cun ina multa fin 40 000 francs.

<sup>2</sup> Sche l'act vegn commess per negligentscha, importa la multa fin 20 000 francs.

**Art. 118** Engion da las autoritads

<sup>1</sup> Tgi che engiona las autoritads ch'èn incumbensadas d'exequir questa lescha cun far faussas indicaziun u cun taschentar fatgs relevants e chaschuna tras quai ch'ina permissiun vegn concedida ad el u ad outras personas ubain cuntanscha ch'ina permissiun na vegn betg retratga, vegn chastià cun in chasti da detenziun fin 3 onns u cun in chasti pecuniar.

<sup>2</sup> Tgi che marida ina persuna estra u intermediatescha, promova u pussibilitescha ch'ina tala lètg vegn serrada, e quai cun l'intenziun da guntgir las prescripziuns davart l'admissiun e la dimora da personas estras, vegn chastià cun in chasti da detenziun fin 3 onns u cun in chasti pecuniar.

<sup>3</sup> Il chasti è in chasti da detenziun fin 5 onns u in chasti pecuniar e cun il chasti da detenziun sto vegnir collià in chasti pecuniar, sche l'autur dal delict:

- a. agescha cun l'intenziun d'enritgir illegalmain sasez u in'otra persuna; u
- b. agescha per in'associaziun u per ina gruppa ch'è s'unida cun l'intent da commetter cuntinuadamain quests acts.

<sup>379</sup> Integrà tras la cifra 1 da l'aggiunta da la LF dals 14 da dec. 2012, en vigur dapi il 1. da favr. 2014 (AS 2013 4375 5357; BBI 2010 4455, 2011 7325).

<sup>380</sup> Integrà tras la cifra I da la LF dals 16 da dec. 2016 (regulaziun da l'immigraziun e meglieraziuns da l'execuziun tar las cunvegns davart la libra circulaziun da personas), en vigur dapi il 1. da fan. 2018 (AS 2018 733; BBI 2016 3007).

**Art. 119** Inobservanza da l'assegnaziun d'in lieu da dimora u dal scumond d'entrar en in tschert territori

<sup>1</sup> Tgi che n'observa betg l'assegnaziun d'in lieu da dimora u il scumond d'entrar en in tschert territori (art. 74), vegn chastia cun in chasti da detenziun fin 3 onns u cun in chasti pecuniar.

<sup>2</sup> Da la persecuziun penala, da la consegna a la dretgira u dal chasti po vegnir renunzià, sche la persuna pertutgada:

- a. po vegnir expulsada immediatamain;
- b. sa chatta en arrest preparatoric u en arrest d'expulsiun.

**Art. 120** Ulteriuras cuntravenziuns

<sup>1</sup> Cun ina multa vegn chastia, tgi che – intenziunadamain u per negligentscha:

- a. violescha las obligaziuns d'annunziar l'arrivada u la partenza (art. 10–16);
- b. mida la piazza u mida d'ina activitad da gudogn dependenta ad in'activitad da gudogn independenta, e quai senza la permissiun necessaria (art. 38);
- c. transferescha ses lieu da domicil en in auter chantun senza la permissiun necessaria (art. 37);
- d. n'observa betg cundiziuns ch'èn colliadas cun la permissiun (art. 32, 33 e 35);
- e. n'ademplescha betg l'obligaziun da cooperar tar la procuraziun dals documents da legitimaziun (art. 90 lit. c);
- f.<sup>381</sup> violescha l'obligaziun d'annunzia tenor l'artitgel 85a alinea 2 u n'observa betg las cundiziuns da l'annunzia (art. 85a al. 2 e 3);
- g.<sup>382</sup> s'oppona a la controlla tras in organ da controlla tenor l'artitgel 85a alinea 4 u impedescha tala.

<sup>2</sup> En cas da cuntravenziuns cunter las disposiziuns executivas da questa lescha po il Cussegl federal prevair multas fin 5000 francs.

<sup>381</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).

<sup>382</sup> Integrà tras la cifra I da la LF dals 16 da dec. 2016 (integraziun), en vigur dapi il 1. da schan. 2019 (AS 2017 6521, 2018 3171; BBl 2013 2397, 2016 2821).



**Art. 120a–120c**<sup>383</sup>

**Art. 120d**<sup>384</sup> Elavuraziun inopportuna da datas personalas en ils systems d'infurmaziun per ils visums

Tgi ch'elavura datas personalas dal sistem naziunal da visums u dal C-VIS per auters intents che quels definids en ils artitgels 109a–109d vegn chastia cun ina multa.

**Art. 120e**<sup>385</sup> Persecuziun penala

<sup>1</sup> La persecuziun ed il giudicament da las cuntravenziuns tenor ils artitgels 115 fin 120d èn chaussa dals chantuns. Sch'ina cuntravenziun è vegnida commessa en plirs chantuns, è quel chantun competent per la persecuziun che la cumenza sco emprim.

<sup>2</sup> ...<sup>386</sup>

**Partiziun 2 Sancziuns administrativas**<sup>387</sup>

**Art. 121**<sup>388</sup> Metter en segirezza e confiscar documents

<sup>1</sup> Tenor las directivas dal SEM pon las autoritads ed ils uffizis competents confiscar documents da viadi e d'identitad falsifitgads e sfalsifitgads sco er documents da viadi e d'identitad autentics u metter en segirezza tals per als surdar a las personas autorisadas, sch'i dat indizis concrets che quests documents vegnian duvrads en moda abusiva.

<sup>383</sup> Integrà tras la cifra I da la LF dals 13 da zer. 2008 (cumplettaziuns en il rom da la realisaziun da las cunvegns d'associaziun a la reglamentaziun da Schengen e da Dublin) (AS 2008 5407; BBI 2007 7937). Aboli tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; systems d'infurmaziun), cun effect dapi il 1. d'oct. 2015 (AS 2015 3023; BBI 2013 2561).

<sup>384</sup> Integrà tras la cifra I da la LF dals 13 da zer. 2008 (cumplettaziuns en il rom da la realisaziun da las cunvegns d'associaziun a la reglamentaziun da Schengen e da Dublin) (AS 2008 5407; BBI 2007 7937). Versiun tenor l'art. 2 cifra 1 dal COF dals 11 da dec. 2009 davart l'approvaziun e la realisaziun dals barats da notas tranter la Svizra e la UE concernent la surpigliada da l'ordinaziun e dal conclud davart il sistem d'infurmaziun per ils visums (VIS), en vigur dapi ils 20 da schan. 2014 (AS 2010 2063, 2011 4449, 2014 1; BBI 2009 4245).

<sup>385</sup> Integrà tras l'art. 2 cifra 1 dal COF dals 11 da dec. 2009 davart l'approvaziun e la realisaziun dals barats da notas tranter la Svizra e la UE concernent la surpigliada da l'ordinaziun e dal conclud davart il sistem d'infurmaziun per ils visums (VIS), en vigur dapi ils 11 d'oct. 2011 (AS 2010 2063, 2011 4449; BBI 2009 4245).

<sup>386</sup> Aboli tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; systems d'infurmaziun), cun effect dapi il 1. d'oct. 2015 (AS 2015 3023; BBI 2013 2561).

<sup>387</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; systems d'infurmaziun), en vigur dapi il 1. d'oct. 2015 (AS 2015 3023; BBI 2013 2561).

<sup>388</sup> Versiun tenor la cifra 1 da l'aggiunta da la LF dals 14 da dec. 2012, en vigur dapi il 1. da favr. 2014 (AS 2013 4375 5357; BBI 2010 4455, 2011 7325).

<sup>2</sup> La confiscaziun u la surdada tenor l'alinea 1 è er pussaivla, sch'i dat indizis concrets che documents da viadi e d'identitad autenticas èn destinads a persunas che sa trategnan illegalmain en Svizra.

<sup>3</sup> Sco documents d'identitad en il senn da l'alinea 1 valan documents d'identitad ed ulteriurs documents che furneschan indicaziuns davart l'identitad d'ina persuna estra.

#### **Art. 122** Cuntravenziuns tras patruns<sup>389</sup>

<sup>1</sup> Sch'in patrun ha cuntrafatg repetidamain a las prescripziuns da questa lescha, po l'autoritad cumpetenta refuser u permetter mo parzialmain sias dumondas per l'admissiun da lavurants esters che n'han nagin dretg da survegnir ina permissiun.

<sup>2</sup> L'autoritad cumpetenta po er smanatschar la sancziun.

<sup>3</sup> Il patrun che ha engaschè u che vuleva engaschar lavurants esters che n'avevan betg il dretg da pratitgar in'activitad da gudogn surpiglia ils custs betg cuvrids che resultan a la communitad tras il mantegniment, tras accidents, tras malsognas e tras il return da las persunas respectivas.

#### **Art. 122a**<sup>390</sup> Violaziun da l'obligaziun da diligenza tras interpresas d'aviazium

<sup>1</sup> Ina interpresa d'aviazium che violescha sia obligaziun da diligenza tenor l'artitgel 92 alinea 1 sto pajar 4000 francs per passagier che na posseda betg ils documents da viadi, ils visums ed ils titels da dimora necessaris. En cas grevs sto ella pajar 16 000 francs per passagier. En cas levs poi vegnir desisti d'avrir ina procedura.

<sup>2</sup> Ina violaziun da l'obligaziun da diligenza vegn supponida, sche l'interpresa d'aviazium transporta persunas che na possedan betg ils documents da viadi, ils visums ed ils titels da dimora ch'èn necessaris per entrar en il territori da Schengen u per passar tras las zonas da transit internaziunalas da las plazzas aviaticas e sche l'entrada vegn refusada a questas persunas.

<sup>3</sup> Ina violaziun da l'obligaziun da diligenza n'è betg avant maun, sche:

a. l'interpresa d'aviazium cumprova che:

1. la falsificaziun u la sfalsificaziun d'in document da viadi, d'in visum u d'in titel da dimora n'era betg evidentamain visibla,
2. i n'era betg evidentamain visibel ch'in document da viadi, in visum u in titel da dimora n'appartegneva betg al passagier,
3. i n'era betg senz'auter pussaivel d'eruir ils dis da dimora admissibels u las entradas admissiblas sin basa dal bul sin il document da viadi,

<sup>389</sup> Versiun tenor la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigur dapi il 1. d'oct. 2015 (AS **2015** 3023; BBI **2013** 2561).

<sup>390</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigur dapi il 1. d'oct. 2015 (AS **2015** 3023; BBI **2013** 2561).

4. ella ha prendi tut las mesiras organisatoricas necessarias che pon vegnir pretendidas dad ella per evitar ch'ella transportia persunas che na possedan betg ils documents da viadi, ils visums ed ils titels da dimora ch'èn necessaris per entrar en il territori da Schengen u per passar tras las zonas da transit internaziunalas da las plazzas aviaticas;

b. l'interpresa d'aviaziun po render vardaivel ch'ella era vegnida sfurzada da transportar ina persuna.

<sup>4</sup> Il Cussegl federal po prevair excepziuns dal pajament da la summa tenor l'alineia 1, cunzunt en situaziuns da guerra u en cas da catastofas da la natira.

**Art. 122b**<sup>391</sup> Violaziun da l'obligaziun d'annunzia tras interpresas d'aviaziun

<sup>1</sup> Ina interpresa d'aviaziun sto pajar 4000 francs per mintga sgol, per il qual ella violescha l'obligaziun d'annunzia. En cas grevs sto ella pajar 12 000 francs per sgol. En cas levs poi vegnir desisti d'avrir ina procedura.

<sup>2</sup> Ina violaziun da l'obligaziun d'annunzia vegn supponida, sche l'interpresa d'aviaziun na trasmetta betg a temp las datas tenor l'artitgel 104 alineia 3 u sche questas datas èn incumpletas u faussas.

<sup>3</sup> Ina violaziun da l'obligaziun d'annunzia n'è betg avant maun, sche l'interpresa d'aviaziun cumprova che:

- a. la transmissiun n'è betg stada pussaivla en il cas singul per motivs technics, dals quals ella n'è betg la culpa; u
- b. ella ha prendi tut las mesiras organisatoricas ch'èn necessarias u che pon vegnir pretendidas, per impedir ina violaziun da l'obligaziun d'annunzia.

**Art. 122c**<sup>392</sup> Disposiziuns cuminaivlas per sancziunar las interpresas d'aviaziun

<sup>1</sup> Ils artitgels 122a e 122b valan independentamain dal fatg, sche l'obligaziun da diligenza u d'annunzia è vegnida violada en Svizra u a l'exteriur.

<sup>2</sup> Cumpetent per sancziunar las cuntravenziuns tenor ils artitgels 122a e 122b è il SEM.

<sup>3</sup> La procedura sa drizza tenor la Lescha federala dals 20 da december 1968<sup>393</sup> davart la procedura administrativa. Ella sto vegnir averta:

- a. en cas d'ina violaziun da l'obligaziun da diligenza: il pli tard 2 onns suenter che l'entrada respectiva è vegnida refusada;
- b. en cas d'ina violaziun da l'obligaziun d'annunzia: il pli tard 2 onns suenter il di che las datas avessan stuì vegnir transmessas.

<sup>391</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigor dapi il 1. d'oct. 2015 (AS 2015 3023; BBl 2013 2561).

<sup>392</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; sistems d'infurmaziun), en vigor dapi il 1. d'oct. 2015 (AS 2015 3023; BBl 2013 2561).

<sup>393</sup> SR 172.021

## Chapitel 17 Taxes

### Art. 123

<sup>1</sup> Per disposiziuns e per acts uffizials tenor questa lescha pon vegnir incassadas taxas. Expensas en daner blut en connex cun proceduras tenor questa lescha pon vegnir messas a quint separadamain.

<sup>2</sup> Il Cussegl federal fixescha las taxas da la Confederaziun sco er las limitas maximas per las taxas chantunalas.

<sup>3</sup> Pretensiuns finanzialas che sa basan sin questa lescha pon vegnir fatgas valair senza formalitads. La persuna pertutgada po pretender ch'i vegnia decretada ina disposiziun.

## Chapitel 18 Disposiziuns finalas

### Art. 124 Surveglianza ed execuziun

<sup>1</sup> Il Cussegl federal surveglia l'execuziun da questa lescha.

<sup>2</sup> Ils chantuns decreteschan las disposiziuns necessarias per exequir questa lescha.

### Art. 125 Aboliziun e midada dal dretg vertent

L'aboliziun e la midada dal dretg vertent vegnan regladas en l'agiunta.

### Art. 126 Disposiziuns transitoricas

<sup>1</sup> Per dumondas ch'èn vegnidas inoltradas avant che questa lescha è entrada en vigur resta applitgabel il dretg vertent.

<sup>2</sup> La procedura sa drizza tenor il nov dretg.

<sup>3</sup> Ils termins tenor l'artitgel 47 alinea 1 cumenzan cur che questa lescha entra en vigur, sche l'entrada en Svizra ha gì lieu u sche la famiglia è vegnida fundada avant questa data.

<sup>4</sup> Per contravenziuns ch'èn vegnidas commessas avant che questa lescha è entrada en vigur vegnan applitgadas sias disposiziuns penalas, sche quellas èn pli favuraivlas per l'autur dal delict.

<sup>5</sup> L'artitgel 107 vala mo per las cunvegns da readmissiun e da transit ch'èn vegnidas fatgas suenter il 1. da mars 1999.

<sup>6</sup> Cur che la Lescha federala dals 20 da zercladur 2003<sup>394</sup> davart il sistem d'infurraziun per il sector da las persunas estras e da l'asil entra en vigur, vegnan abolids ils artitgels 108 e 109.

<sup>394</sup> SR 142.51

**Art. 126a**<sup>395</sup> Disposiziuns transitoricas da la midada dals 16 da december 2005 da la LAsil<sup>396</sup>

<sup>1</sup> Sch'i resulta in motiv per in rendaint intermediar u final tenor l'artitgel 87 LAsil en la versiun dals 26 da zercladur 1998<sup>397</sup>, e quai avant l'entrada en vigur da la midada dals 16 da december 2005 da la LAsil, vegnan fatgs il rendaint intermediar u final e la saldaziun dal conto tenor il dretg vertent.

<sup>2</sup> Il Cussegl federal regla la procedura da rendaint sco er la dimensiun e la durada da la taxa speziala e da la sequestraziun da las valurs da facultad per personas ch'èn admessas provisoricamain e che han gi in'activitad da gudogn avant l'entrada en vigur da la midada dals 16 da december 2005 da la LAsil e per las qualas i n'è betg resultà in motiv per in quint final tenor l'alinea 1 il mument da la midada dals 16 da december 2005 da la LAsil.

<sup>3</sup> Per proceduras tenor ils artitgels 85–87 LAsil en la versiun dals 26 da zercladur 1998 ch'èn pendentas il mument che la midada dals 16 da december 2005 da la LAsil entra en vigur vegn applitgà – cun resalva dals alineas 1 e 2 da questas disposiziuns transitoricas – il nov dretg.

<sup>4</sup> Per personas ch'èn admessas provisoricamain il mument da l'entrada en vigur da la midada dals 16 da december 2005 da la LAsil sco er da questa lescha vala, cun resalva dals alineas 5–7, il nov dretg. Sch'ina admissiun provisorica è vegnida ordinada sin basa da l'artitgel 44 alinea 3 LAsil, resta quella en vigur.

<sup>5</sup> Per personas ch'èn admessas provisoricamain il mument da l'entrada en vigur da la midada dals 16 da december 2005 da la LAsil paja la Confederaziun als chantuns las pauschalas tenor ils artitgels 88 alineas 1 e 2 ed 89 LAsil per la durada da l'admissiun provisorica, e quai maximalmain durant 7 onns dapi l'entrada en Svizra. Per personas ch'èn admessas provisoricamain il mument da l'entrada en vigur da la midada dals 16 da december 2005 da la LAsil paja la Confederaziun als chantuns supplementarmain ina contribuziun unica che duai facilitar en spezial l'integraziun professiunala. Il Cussegl federal fixescha l'autezza da questa contribuziun.

<sup>6</sup> Per proceduras tenor l'artitgel 20 alinea 1 litera b da la Lescha federala davart la dimora ed il domicil dals esters (LDDE) en la versiun dals 19 da december 2003<sup>398</sup>, ch'èn pendentas il mument che la midada dals 16 da december 2005 da la LAsil entra en vigur, vala il dretg vertent.

<sup>7</sup> Sche l'admissiun provisorica è vegnida abolida cun vigur legala avant che la midada dals 16 da december 2005 da la LAsil è entrada en vigur, paja la Confederaziun als chantuns ina pauschala unica da 15 000 francs, sche questas personas n'han anc betg bandunà la Svizra.

<sup>395</sup> Integrà tras la cifra IV 2 da la LF dals 16 da dec. 2005, en vigur dapi il 1. da schan. 2008 (AS 2006 4745, 2007 5573; BBl 2002 3709).

<sup>396</sup> SR 142.31

<sup>397</sup> AS 1999 2262

<sup>398</sup> AS 2004 1633

**Art. 126b**<sup>399</sup> Disposiziuns transitoricas da la midada dals 11 da december 2009

Fin ch'il sistem naziunal da visums entra en vigur han ils artitgels 109c e 120d il suandant text:

...<sup>400</sup>

**Art. 126c**<sup>401</sup> Disposiziuns transitoricas da la midada dals 20 da zercladur 2014

Proceduras penalas administrativas pervia da violaziun da l'obligaziun da diligenza u d'annunzia, ch'èn pendentas il mument da l'entrada en vigur da la midada dals 20 da zercladur 2014 da questa lescha, vegnan cuntinuadas tenor il dretg vertent.

**Art. 126d**<sup>402</sup> Disposiziuns transitoricas da la midada dals 25 da settember 2015 da la LAsil

<sup>1</sup> Per requirentas e requirents d'asil, dals quals la dumonda d'asil na po betg vegnir tractada en il center da la Confederaziun, vala il dretg vertent durant maximalmain 2 onns.

<sup>2</sup> En cas da proceduras pendentas tenor ils artitgels 76 alinea 1 litera b cifra 5 e 76a alinea 3 valan ils artitgels 80 alinea 1 terza frasa ed alinea 2<sup>bis</sup> ed 80a alineas 1 e 2 da questa lescha sco er ils artitgels 108 alinea 4, 109 alinea 3, 110 alinea 4 litera b, 111 litera d LAsil<sup>403</sup> en la versiun vertenta.

**Art. 127** Coordinaziun cun las cunvegns d'associaziun a la reglamentaziun da Schengen

Cur che las cunvegns d'associaziun a la reglamentaziun da Schengen entran en vigur, vegn la lescha qua avant maun adattada sco suonda:

...<sup>404</sup>

<sup>399</sup> Integrà tenor l'art. 2 cifra 1 dal COF dals 11 da dec. 2009 davart l'approvaziun e la realisaziun dal barat da notas tranter la Svizra e la UE concernent la surpigliada da l'ordinaziun e dal conclus davart il sistem d'infurmaziun per ils visums (VIS), en vigur dapi ils 11 d'oct. 2011 (AS 2010 2063, 2011 4449; BBI 2009 4245).

<sup>400</sup> Las midadas pon vegnir consultadas en il AS 2011 4449.

<sup>401</sup> Integrà tras la cifra I da la LF dals 20 da zer. 2014 (violaziun da l'obligaziun da diligenza e d'annunzia tras las interpresas d'aviatica; systems d'infurmaziun), en vigur dapi il 1. d'oct. 2015 (AS 2015 3023; BBI 2013 2561).

<sup>402</sup> Integrà tras la cifra 1 da l'aggiunta da la LF dals 25 da sett. 2015, en vigur dapi il 1. da mars 2019 (AS 2016 3101, 2018 2855; BBI 2014 7991).

<sup>403</sup> SR 142.31

<sup>404</sup> Las midadas pon vegnir consultadas en il AS 2007 5437.

**Art. 128** Referendum ed entrada en vigur

<sup>1</sup> Questa lescha è suttamessa al referendum facultativ.

<sup>2</sup> Il Cussegl federal fixescha l'entrada en vigur.

Entrada en vigur: 1. da schaner 2008<sup>405</sup>  
Art. 92–95 e 127: 12 da december 2008<sup>406</sup>

**Disposiziuns transitoricas da la midada dals 14 da december 2012**<sup>407</sup>

<sup>1</sup> Per las proceduras ch'èn pendentas il mument da l'entrada en vigur da la midada dals 14 da december 2012 da questa lescha vala il dretg nov cun excepziun da l'alinea 2.

<sup>2</sup> Per las proceduras ch'èn pendentas il mument da l'entrada en vigur da la midada dals 14 da december 2012 da questa lescha n'è l'artitgel 83 alineas 5 e 5<sup>bis</sup> da questa lescha betg applitgabel.

<sup>3</sup> Ils gestunaris da plazzas aviaticas èn responsabels per metter a disposiziun ils alloschis sin las plazzas aviaticas tenor l'artitgel 95a entaifer 2 onns suenter l'entrada en vigur da la midada dals 14 da december 2012 da questa lescha.

<sup>405</sup> COCF dals 24 d'oct. 2007.

<sup>406</sup> Art. 2 lit. a da l'Ordinaziun dals 26 da nov. 2008 (AS 2008 5405 art. 2 lit. a).

<sup>407</sup> AS 2013 4375; BBl 2010 4455, 2011 7325.

*Agiunta 1*<sup>408</sup>

(art. 2 al. 4 ed art. 64a al. 4)

## **1. Cunvegns d'associazium a la reglamentaziun da Schengen**

Las cunvegns d'associazium a la reglamentaziun da Schengen cumpiglian:

- a. Cunvegna dals 26 d'october 2004<sup>409</sup> tranter la Confederaziun svizra, l'Uniun europeica e la Communitad europeica davart l'associazium da quest stadi tar la realisaziun, l'applicaziun ed il svilup dal possess actual da Schengen (CAS);
- b. la Cunvegna dals 26 d'october 2004<sup>410</sup> en furma d'ina correspundenza tranter il Cussegl da l'Uniun europeica e la Confederaziun svizra davart las giuntas che sustegnan la cumissiun europeica tar l'execuziun da sias cumpetenzas da realisaziun;
- c. Convenziun dals 17 da december 2004<sup>411</sup> tranter la Confederaziun svizra, la Republica da l'Islanda ed il Reginavel da la Norvegia davart la realisaziun, l'applicaziun ed il svilup dal possess actual da Schengen e davart ils criteris e las proceduras per determinar il stadi cumpetent per examinar ina dumonda d'asil inoltrada en Islanda, en Norvegia u en Svizra;
- d. Cunvegna dals 28 d'avrigl 2005<sup>412</sup> tranter la Confederaziun svizra ed il Reginavel dal Danemarc davart la realisaziun, l'applicaziun ed il svilup da quellas parts da l'acquist da Schengen che sa basan sin disposiziuns dal chapitel IV dal tractat che instituescha la Communitad europeica;
- e. Protocol dals 28 da favrer 2008<sup>413</sup> tranter la Confederaziun svizra, l'Uniun europeica e la Communitad europeica ed il Principadi da Liechtenstein davart la participaziun dal Principadi da Liechtenstein a la Cunvegna tranter la Confederaziun svizra, l'Uniun europeica e la Communitad europeica davart l'associazium da la Confederaziun svizra a la realisaziun, a l'applicaziun ed al svilup da l'acquist da Schengen.

<sup>408</sup> Integrà tras la cifra III al. 1 da la LF dals 13 da zer. 2008 (cumplettaziuns en il rom da la realisaziun da las cunvegns d'associazium a la reglamentaziun da Schengen e da Dublin), en vigur dapi ils 12 da dec. 2008 (AS **2008** 5407 5405 art. 2 lit. c; BBI **2007** 7937).

<sup>409</sup> SR **0.362.31**

<sup>410</sup> SR **0.362.1**

<sup>411</sup> SR **0.362.32**

<sup>412</sup> SR **0.362.33**

<sup>413</sup> SR **0.362.311**



## 2. Cunvegna d'associaziun a la reglamentaziun da Dublin

Las cunvegna d'associaziun a la reglamentaziun da Dublin cumpiglian:

- a. Cunvegna dals 26 d'october 2004<sup>414</sup> tranter la Confederaziun svizra e la Communitad europeica davart ils criteris e las proceduras per determinar il stadi cumpetent per examinar ina dumonda d'asil inoltrada en in stadi commember u en Svizra (CAD);
- b. Convenziun dals 17 da december 2004<sup>415</sup> tranter la Confederaziun svizra, la Republica da l'Islanda ed il Reginavel da la Norvegia davart la realisaziun, l'applicaziun ed il svilup dal possess actual da Schengen e davart ils criteris e las proceduras per determinar il stadi cumpetent per examinar ina dumonda d'asil inoltrada en Svizra, en Islanda u en Norvegia;
- c. Protocol dals 28 da favrer 2008<sup>416</sup> tranter la Confederaziun svizra, la Communitad europeica ed il Principadi da Liechtenstein davart la Cunvegna tranter la Confederaziun svizra e la Communitad europeica davart ils criteris e las proceduras per determinar il stadi cumpetent per examinar ina dumonda d'asil inoltrada en in stadi commember u en Svizra;
- d. Protocol dals 28 da favrer 2008<sup>417</sup> tranter la Confederaziun svizra, la Communitad europeica ed il Principadi da Liechtenstein davart la participaziun dal Principadi da Liechtenstein a la Cunvegna tranter la Confederaziun svizra e la Communitad europeica davart ils criteris e las proceduras per determinar il stadi cumpetent per examinar ina dumonda d'asil inoltrada en in stadi commember u en Svizra.

<sup>414</sup> SR **0.142.392.68**

<sup>415</sup> SR **0.362.32**

<sup>416</sup> SR **0.142.393.141**

<sup>417</sup> SR **0.142.395.141**

*Agiunta 2418*  
(Art. 125)

## Aboliziun e midada dal dretg vertent

### I

La Lescha federala dals 26 da mars 1931<sup>419</sup> davart la dimora ed il domicil dals esters vegn abolida.

### II

Las leschas federalas qua sutvart vegnan midadas sco suonda:

...<sup>420</sup>

<sup>418</sup> Oriundamain: Agiunta.

<sup>419</sup> [BS 1 121; AS 1949 221, 1987 1665, 1988 332, 1990 1587 art. 3 alinea 2, 1991 362 cifra II 11 1034 cifra III, 1995 146, 1999 1111 2262 agiunta cifra 1, 2000 1891 cifra IV 2, 2002 685 cifra I 1 701 cifra I 1 3988 agiunta cifra 3, 2003 4557 agiunta cifra II 2, 2004 1633 cifra I 1 4655 cifra I 1, 2005 5685 agiunta cifra 2, 2006 979 art. 2 cifra 1 1931 art. 18 cifra 1 2197 agiunta cifra 3 3459 agiunta cifra 1 4745, 2007 359 agiunta cifra 1]

<sup>420</sup> Las midadas pon vegnir consultadas en la AS 2007 5437.